

উদ্ভাস

আমিক সপ্তাহান্ত
ভেজাল

ভোজন

মানিক বন্দোপাধ্যায়



সিগনেট প্রেস
কলিকাতা

প্রথম সংস্করণ ১৩৫১

—প্রকাশক—

দিলীপকুমার গুপ্ত

সিগনেট প্রেস

১০১২ এলগিন রোড কলিকাতা

—প্রচ্ছদপট—

সত্যজিৎ রায়

—ছবি—

মুঘ় রায়

সত্যজিৎ রায়

সহায়তা করেছেন

শিবরাম দাস

—মুদ্রাকর—

শশধর চক্রবর্তী

কালিকা প্রেস লিঃ

৫, ডি. এল. রায় স্ট্রীট কলিকাতা

—বাঁধিয়েছেন—

বাসন্তী বাইণ্ডিং ওয়ার্কস

৫০ পটলডাঙ্গা স্ট্রীট কলিকাতা

সর্বস্বত্ব সংরক্ষিত

*

দাম আড়াই টাকা

প্রকাশকের কথা

মানিকবাবু শক্তিম্যান লেখক। তবু তাঁর সম্বন্ধে এ বিশেষণটা যথেষ্ট শক্তিশালী হ'ল না! আরো বেশি করে বলা উচিত। বেশি করে বলতে না পারার দরুন সংক্ষেপে বলতে হয়, তিনি অসাধারণ। তার অর্ধ এ নয় যে তিনি অস্বাভাবিক। বরং মানুষের প্রকৃতিতে যা গোপন ও গহননিহিত, দুশ্ছেদ্য ও দৃঢ়লগ্ন, সহজাত ও অত্যাগ-অধিগত, তাকেই তিনি উদ্ঘাটন করে দেখান। তাই তাঁর দৃষ্টিটা সহজ ও সাধারণ দৃষ্টি নয়, সত্য দৃষ্টি।

জীবনের একটা বাঁ দিক আছে। যে দিকটা মানুষ ঢেকে রাখে তার ঐশ্বর্য-বিলাসে, সত্যতা-সংস্কৃতিতে, পরিবেশ-প্রশাসনে; যে দিকটা প্রচ্ছন্ন, হয়তো বা কর্দমাক্ত। বাইরে যেটা ত্যাগ, ভিতরে সেটা যাক্সা; বাইরে যেটা উৎসর্গ, ভিতরে সেটা লুক্কাতা। মানিকবাবু শুধু ঘরই দেখেন না, তার সিঁড়ির খবর নেন, ঘরের আগম-নির্গমের খবর। বহু বৎসরের ধুলোর উপর জমকালো গালচে পাতা হয়েছে, কিন্তু ড্রয়িং-রুমের সত্যিকার বর্ণনা করতে গিয়ে ধুলো বাদ দিলে বর্ণনাটাই ভুয়ে হয়ে যাবে। ডান হাত যখন দান করে তখন সঙ্গে-সঙ্গে বাঁ হাত যে ক্ষতিপূরণের ফিকির খোঁজে, সে খবরটা মানিকবাবু ধরে ফেলেছেন। এক হাতের সেবার পাশে আরেক হাতে যে দীন অহুনয় থাকে উদ্গুধ হয়ে সেটা একটু বাঁয়ে গিয়ে দাঁড়ালেই দেখা যায়। দেখা যায়, বিরহে ডান চোখ অশ্রুপাত করলেও বাঁ চোখ রেহাই পাবার আনন্দে চকচক করছে। • দেখা যায়, যা কাঁপা তাই লেকাকাহুরন্ত হয়ে সমাজে সংসারে

হেঁটে বেড়াচ্ছেন। কাপট্যের তকমা পরেই যত কিছু পারিপাট্য।
বাইরে যা শোভা ও শান্তি, সেটা পেষণ ও শোষণেরই প্রকারান্তর।
ডান চোখ দেখে শুধু মন্থণ চামড়া, স্নগোল মাংস, কিন্তু বাঁ চোখ দেখে
হাড়গোড়, মূল-মজ্জা, নাড়ীচক্র। যা আপাতদৃশ্যমান সেটা ডান চোখের,
আর যা পরিণাম-প্রামাণিক তাই বাঁ-র। সূর্য পৃথিবীর চার দিকে
ঘুরছে ডান চোখ এই দেখে এসেছে চিরকাল, পৃথিবীর ঘোরাটা বাঁ-
চোখের আবিষ্কার। বাঁয়ে থেকে দেখেন বলে সন্দেহ হতে পারে এটা
বোধ হয় মানিকবাবুর বাঁকা করে দেখা। কিন্তু মানুষের প্রকৃতির
মাঝেই যে অন্তর্নিহিত একটা বিকৃতি আছে, ভিয়েনের মধ্যেই ভেজাল,
ষেটা ধনতান্ত্রিক সমাজ ও কৃত্রিম সভ্যতার তৈরি, সেটা যিনি দেখতে
পেরেছেন তিনি সম্পূর্ণ করেই দেখেছেন বলে মেনে নেব।

মানিকবাবু শাখার নন, শিকড়ের। যোগবিরোগ গুণভাগের নন,
লঘুকরণের। এই গল্পগুলি তাঁর জীবনদর্শনের বিশেষবোধক। কত-
খানি খাদ মিশিয়ে সোনা, গাদ মিশিয়ে মধু ও ক্রেদ মিশিয়ে রূপ
তারি তিনি নিভুল ফর্মুলা কবে দিয়েছেন। মানুষের জীবনে
প্রকাশের চেয়ে প্রচ্ছন্নের ব্যঞ্জনা যে অনেক গভীর, তার সমস্ত গতি-
বিরতির যে ব্যাখ্যাটা সহজগ্রাহ্য তারও চেয়ে যে একটা দুজ্জের ব্যাখ্যা
আছে তার অবচেতনায়, তার সমস্ত সারল্য যে দুর্বোধ এক কুটিলতার
কুণ্ডলী, তার সমস্ত প্রেরণা আসছে যে উর্ধ্ব আকাশ থেকে নয়,
আদিম ও মৌল মাটির অন্ধকার গর্ভ থেকে, তারই উদ্দেঘাষণ এই গল্প-
গুলিতে। আর, এই বলা ও দেখা কি আশ্চর্য মিলেছে তাঁর সজাগ
শিল্পবোধের সঙ্গে। ভঙ্গির সঙ্গে মিলেছে আঙ্গিক, বিষয়ের বক্রতার
সঙ্গে মিলেছে ভাষার তীক্ষ্ণতা। আর, যা সূক্ষ্ম তাই তীক্ষ্ণ। যা সত্য
তাই রূঢ় ও নির্মম।



তথ্যকব

বেলা তখন শেষ হয়ে এসেছে।

অসময়ে সहर থেকে টাকা এসেছিল, কারখানায় পৌঁছে দেবার জন্ত ভূষণ দত্ত প্রসাদকে ডেকে সাতশো তেইশ টাকা দিল। চার মাইল দূরে বিরূপা নদীর ধারে ভূষণের মস্ত চামড়ার কারখানা। কাজ শেষ হবার পরেও আজ সকলে সেখানে ধনা দিয়ে থাকবে, কিছু কিছু টাকা অন্তত সকলকে আজ দেওয়া চাই। নইলে কাল কেউ কাজে আসবে না। রাস্তা ধরে বীর গাঁ হয়ে কারখানায় যেতে অনেক সময় লাগে, রেল লাইন ডিঙিয়ে পেনোর মাঠ পার হয়ে গেলে সন্ধ্যার অন্ধকার গাঢ় হতে হতে প্রসাদ কারখানায় পৌঁছে যাবে।

গুমোট হয়েছে। আকাশের এক কোণে একটুখানি কালো মেঘের সঞ্চার হয়েছে, প্রসাদের চোখে পড়েছিল। বুকটা তার একবার কেঁপে গেল। ভূষণকে করুণ সুরে একবার জানিয়ে দেবে কি, ঝড় উঠবার ভয়ে বাইরে যেতে তার সাহস হচ্ছে না ?

বলা দূরে থাক, ভীক চোখ তুলে ভূষণের মুখের দিকেও একবার সে তাকাতে পারল না। প্রসাদের দেহ দুর্বল, মন ততোধিক। নিরীহ

বোকা অপদার্থ ভালোমানুষ হয়ে থেকেই বরসটা তার ত্রিশের কোঠায় পৌঁছে গেছে। উৎসাহ বা তেজ বলে তার কিছু নেই, অভাববোধ ভোঁতা হয়ে গেছে। অপরাধ করে বসার ভয়েই সর্বদা সে সমস্ত।

বিশেষ করে ভূষণের কাছে।

মোটামোটো জমকালো শরীর, ভূষণের, প্রকাণ্ড মাথায় ঠাসবুনানি কদমকেশর চুল, ফোলা ফোলা গাল, নাকের বড় বড় গহ্বর দুটি কাঁচা-পাকা চুলে ভরা। পুরাণ ইতিহাস রূপকথার নির্ধূর অত্যাচারী চরিত্রগুলি ভূষণের এই চেহারার ধাঁচেই শুধু প্রসাদ কল্পনা করতে পারে। প্রচণ্ড শক্তি আর নির্মম কঠোরতার প্রতীক অবশ্য আছেন তার দেবতারা, কিন্তু তার মনে তাদের প্রভাবও ভূষণের মতো জোরালো নয়। ভূষণ প্রত্যক্ষ, জীবন্ত। প্রতি মুহূর্তে তার অস্তিত্ব, তার উপস্থিতি অনুভব করা যায়।

‘দাঁড়িয়ে রইলে যে?’

‘আজ্ঞে না, যাচ্ছি।’

গেকুয়া রঙের ছোট টাইট জামাটি গায়ে দিয়ে সে টাকাগুলি ঝাকড়ায় বেঁধে পকেটে রাখল। এতটুকু দায়িত্ব নিয়েই নিজেকে তার বিপন্ন অসহায় মনে হচ্ছে। আশাকে ইসারায় ডাকতে দেখে আরেকবার বুকটা তার কেঁপে গেল।

‘জাম পেড়ে এনো আমার জন্তে।’

‘আজ্ঞে হ্যাঁ, আনব।’

‘মরণ তোমার আজ্ঞে হজুর!’—আশা গা-ঢালানো হাসির সঙ্গে হাত বাড়িয়ে তার চিবুকটা ধরে নেড়ে দিল, ‘বৌঠান বলতে পার না?’

চেরা ঠোঁটের ফাঁকে আশার উপরের পাটির দুটি ঘষা খেত পাথরের মতো অনুজ্জল দাঁত সবসময়েই চোখে পড়ে, কথা কহিতে বা হাসতে গেলে অন্তরালের আরেকটি দাঁতে খেলে যায় সোনালী ঝিলিক।

দাঁতটি ভেঙেছিল ভূষণ, তারপর সোনা দিয়ে বাঁধিয়ে দিয়েছে। তেল চপচপে একরাশি চুল দিয়ে মাথার পিছনে সে গোল চাকার মতো প্রকাণ্ড চ্যাপটা খোঁপা বেঁধেছে। স্মৃগঠিত দেহ একটু শিথিল হয়ে আসায় অপরিমিত যৌবন ভাঁটা ধরা জোয়ারের মতো অস্বাভাবিক স্পষ্টতায় থমথম করছে। প্রসাদ কাঁঠ হয়ে দাঁড়িয়ে থাকে। আশা এই-রকম শুরু করলে শরীরটা তার শক্ত হয়ে যায়।

রাস্তার মোড়ে বসাকদের মন্দির। সামনে দিয়ে যাবার সময় রাস্তায় দাঁড়িয়ে মন্দিরের মানুষ-সমান উঁচু চত্বরে মাথা ঠেকিয়ে প্রসাদ প্রার্থনা জানাল, আজ যেন ঝড় না ওঠে, আর—আর, তার যেন স্মৃতি হয়।

আশার স্মৃতি হোক এই প্রার্থনা জানাবার ভরসা তার হয় না, আশার মনে পাপ আছে মনে করলেও তারই পাপ হবে। আশা ভূষণের স্ত্রী, আশা গুরুজন। বাপের বাড়ি থেকে ফিরে এলে পায়ে হাত দিয়ে আশাকে সে প্রণাম করেছিল।

আশা কাঁচা আম মাখছিল, খুতনি ধরে নেড়ে দেবার সময় ঠোঁটে আঙুল ঘষে গিয়েছে। চলতে চলতে প্রসাদ ঝাল মুন-তেলের স্বাদ অনুভব করতে থাকে। দুঃখে ক্ষোভে চোখে তার জল এসে পড়ার উপক্রম হয়। এ-বিপদ ঠেকানো যাবে না, ঠেকানো অসম্ভব। স্মৃতি না ছাই জাগবে তার, আশা কাছে এসে দাঁড়ালে ভাববার ক্ষমতা পর্যন্ত তার লোপ পেয়ে যায়। দুটি হাত দিয়ে আশা তার গলা জড়িয়ে ধরেছে কল্পনা করতে গেলেই তার সর্বাঙ্গ যেন অবশ হয়ে আসে, সত্য সত্যই আশা যেদিন তাকে জড়িয়ে ধরবে সেদিন নিজেকে বাঁচাবার ক্ষমতা সে পাবে কোথায় ?

- আশা যে কেন এমন হয়ে গেল কে জানে। মাঝখানে একবার প্রসাদের নিরুদ্বেগ উৎসাহহীন জীবনে একটু সাড়া এসেছিল। সখ হয়েছিল,

বিয়ে করবে। কাকে বিয়ে করতে দেখে, কার কাছে নববধূকে শয্যাপার্শ্বে পাওয়ার রোমাঞ্চকর বর্ণনা শুনে অথবা কায় সুখশাস্তি-ভরা দাম্পত্য জীবনকে হিংসা করে ইচ্ছাটা তার জেগেছিল বলা যায় না। রাত জেগে সে কামনা করতে লাগল ভীকু লাজুক কিশোরী একটি বৌকে এবং কল্পনার তাকে কেন্দ্র করে গড়ে তুলতে আরম্ভ করল তার নিজস্ব জন্মকালো পারিবারিক জীবন। কমবয়সী, কুমারী, বোকাটে ধরণের এবং অত্যন্ত নম্র প্রকৃতির যে-কোনো ঘরোয়া মেয়ে হলেই তার চলত। কিন্তু তার জন্ম যে-কোনো মেয়েই বা কে খুঁজে দিচ্ছে! জানাশোনার মধ্যে নিজের জন্ম নিজেকেই তার একটি পাত্রী ঠিক করতে হল। মেয়ের বাপ গরীব, মেয়েটি চলনসই, স্তুরাং সুলভ। তিন দিনের চেষ্টায় অনেক ভণিতার পর মেয়ের বাপের কাছে ইচ্ছাটা সে প্রকাশ করতে পারল। মেয়ের বাপ কৃতার্থ হয়ে বলল, 'সে তো আমাদের ভাগ্যি।'

তাকে দিয়েই প্রসাদ আবেদন পাঠাল ভূষণের কাছে। ভূষণ উদারভাবে বলল, 'তা করুক না বিয়ে, বিয়ে করবে তাতে আর হয়েছে কি!'

হৃপূরবেলা তাকে ঘরে ডাকিয়ে সোহাগের কোঁতুকে আশা বলল, 'তুমি নাকি বিয়ে করবে? মাগো মা, কোথায় যাব!'

সলজ্জভাবে একটু হাসলেও প্রসাদ মুখ নিচু করল না। আশাকে দেখতে দেখতে গভীর স্বস্তি বোধের সঙ্গে তার মনে হতে লাগল, তার বৌ এরকম হবে না, সুন্দর রোগা প্যাটকা চেহারা তার বৌ-হব মেয়েটার। তারপর কোথা থেকে আশার ছোটছোট কটা চোখে দীর্ঘার বিহ্বলতা ঘনিয়ে এল। ভূষণের তুলনায় এ-লোকটা যে একেবারে পৃথক, সম্পূর্ণ অন্তরকম, এই সহজতম সত্যটা বোধ হয় তার খেয়াল হল এতদিনে। অবহেলার সঙ্গে কথা কওয়া যায়, চোখ রাঙালে ভয়ে কাঁপতে থাকে, মিষ্টি কথায় আহ্লাদে গলে যায়, হাসানো বা কাঁদানো চলে ছোট

ছেলের মতো, ইচ্ছা-খুশিতে আকাশে তুলে আছড়ান চলে মাটিতে ।
তাছাড়া, তুচ্ছ অঁর নগণ্য বলে কত সহজে ওর কাছে নির্লজ্জ হওয়া
যায়, যেচে ভাব করতে বাধে না, ভয় বা ভাবনার প্রয়োজন থাকে
না । ওর বিচারের মূল্য কতটুকু ! মন্দ ভাবুক, অসতী ভাবুক, কে
কেয়ার করে ওর ভাবা না-ভাবাকে !

তবে কেমন যেন প্রাণহীন মানুষ, জড় পদার্থের মতো, সাড়া দিতে
জানে না । শুধু বিবর্ণ হয়ে যায়, ফ্যালফ্যাল করে তাকিয়ে থাকে ।
দিন তিনেক নেড়েচেড়ে বিরক্ত ও ক্রুদ্ধ হয়ে আশার রোখ চেপে
গেল । বিয়ের ব্যবস্থাটা দিল বাতিল করে ।

মুচকে হেসে বলল, 'বুঝেছি গো বুঝেছি । আর বিয়ে করতে হবে না
অভিমান করে ।'

সেই থেকে এইরকম আরম্ভ করেছে আশা । এবার একদিন সর্বনাশ
হয়ে যাবে ভূষণ যে-রাত্রে বাড়ি থাকবে না ।

কোথাও চলে যাবার কথা মাবোমাবে প্রসাদ ভাবে । কিন্তু কোথায়
যাবে ! অজানা অচেনা জগতকে সে কম ভয় করে না । ছোটখাট
ফরমাশী কাজ করে, সাবধানে খেয়ে দেয়ে শরীরটা ভালো রেখে
কোনো রকমে এখানে মাথা গুঁজে সে টিকে আছে । দুর্বল শরীর,
এতটুকু অনিয়মে অসুখ হয় । লেখাপড়াও ভালো জানে না, কোনো
কাজও শেখেনি । অপরিচিত নির্ভুর মানুষের মধ্যে গিয়ে পড়লে হুদিনে
সে ধ্বংস হয়ে যাবে ।

পেনোর মাঠের মাঝখানে ভীকু প্রসাদকে ঝড় ধরে ফেলল ।

পরপর কদিন বিকেলের দিকে আকাশে মেঘ ঘনিয়ে এসেছে,
এলোমেলো বাতাসও উঠেছে । কিন্তু শেষ পর্যন্ত বৃষ্টিও নামেনি,
ঝড়ও ওঠে নি ।

কিছুক্ষণের মধ্যে মেঘ উড়ে বাতাস পড়ে গিয়েছে, দিগন্তের কোলে শুধু চোখে পড়েছে ঘনঘন কীর্ণ বিদ্যুতের চমক। প্রসাদ প্রাণপণে প্রার্থনা করছিল, আজও যেন তাই হয়। নেহাৎ যদি খারাপ হয় তার অদৃষ্ট, শুধু যেন বৃষ্টি পড়ে। বৃষ্টিতে ভিজলেই তার সর্দিকাশি হবে সন্দেহ নেই, সেই সঙ্গে জ্বর এসে হয়তো শেষ পর্যন্ত দাঁড়িয়ে যাবে নিম্মানিরায়, ভূষণের সেজ শালার মতোই হয়তো চার দিনের দিন অচেতন হয়ে সাতদিনের দিন খটখটে জ্যোৎস্নার রাত্রে অজ্ঞান অবস্থাতেই সে মরে যাবে, তবু মাঠে একা ঝড়ের মধ্যে পড়ার চেয়ে তাও অনেক ভালো। আকাশে ধূসর কালো মেঘের দ্রুত সমাবেশের দিকে বারবার তাকাতে তাকাতে হুকহুক বৃকে প্রসাদ জাম পাড়ছিল, দূর থেকে ঝড়ের সোঁ-সোঁ আওয়াজ কানে এলো কারখানার দিক থেকে। ঝাকড়ায় বাঁধা জামের পুঁটুলি পকেটে ভরে সেদিকে পিছন ফিরে প্রসাদ ছুটতে আরম্ভ করল। কোনোমতে পেনোর মাঠ পার হয়ে রেললাইন ধরে স্টেশনে পৌঁছে যদি আশ্রয় নেওয়া যায়। হুশো গজ দৌড়লেই প্রসাদকে হাপরের মতো হাঁপাতে হয়, স্মরণে হাঁফ ধরবার আগেই বাতাসের প্রথম ধাক্কায় সে মুখ খুবড়ে পড়ে গেল। উঠে বসা মাত্র ধুলো আর বালিতে ছুটি চোখ যেন তার অন্ধ হয়ে গেল। একটা শুকনো কাঁকাটির চারা গড়িয়ে এসে তার গায়ে আটকে গেল, শুকনো পাতা তার গায়ে মাথায় ঝণিকের জন্ত লেপটে থেকে ছিটকে উড়ে যেতে লাগল, একটা শুকনো ডাল কোথা থেকে এসে লাঠির মতো আঘাত করল তার ঘাড়ে। তারপর নামল বৃষ্টি। ঝড়ের শক্তি আর কলরব যেন দশগুণ বেড়ে গেল। ছুটি বুড়ো আঙুল হুকানে ঢুকিয়ে হাতের তালুতে মুখ ঢেকে প্রসাদ তখন উপুড় হয়ে শুয়ে পড়েছে।

ঘরের জানালা দিয়ে বাইরে তাকিয়ে জীবনে কখনো সে ঝড়ের মূর্তি চেয়ে ছাখে নি। ঝড় উঠলে সে ঘরের কোণে মুখ গুঁজে চোখ কান

বন্ধ করে থাকে, মাঝেমাঝে মুখ দিয়ে বার হয় ভয়ের ঠু-ঠু কাতরানি। কত কালবৈশাখী আর আশ্বিনের ঝড় এগেছে, গাছপালা ঘরবাড়ি ভেঙে চারিদিকে লগুভগু করে দিয়ে গেছে, প্রসাদের নাগাল কখনো পায়নি। আজ তাকে আয়ত্তে পেয়েই যেন নববর্ষের প্রথম কাল-বৈশাখী উল্লাসে আরও বেশি ক্ষেপে গেল। রুটিধারাকে গুঁড়িয়ে গুঁড়িয়ে গারে তার প্রচণ্ড বেগে ঝাপটা মারতে লাগল ক্রমাগত, চারিদিকের গাছে আত্নাদের অসীম সমারোহ তুলে মড়মড় শব্দে ভেঙে ছিঁড়ে ফেলতে লাগল ছোটবড় ডাল, দূর থেকে পাঠাতে লাগল কোটি হিংস্র জীবের কুঁসে কুঁসে শাসানোর আওয়াজ। একটা কিশোর তেঁতুল গাছ গুঁড়ির কাছে মটকে ভেঙে আছড়িয়ে পড়ল, ডগার মক্কাফ ডালপালাগুলি অসংখ্য চাবুকের মতো একসঙ্গে আঘাত করল প্রসাদের পিঠে। সেই মুহূর্তে ঠিক মাথার উপরের অবনত আকাশে প্রচণ্ড রবে গর্জন করে উঠল বজ্র।

তখন ধীরে ধীরে প্রসাদ উঠে বসল। অন্ধ ভয়ে মনে মনে সে মুহূর্তে মরছিল, তার চেয়ে ভয়ঙ্কর মৃত্যুভয় জাগায় তার খেয়াল হয়েছে যে এখানে এভাবে পড়ে থেকে সংসারতাই মরা চলে না। বাঁচবার চেষ্টা করতে হবে। গাছের ডালের আঘাতে পিঠের অসহ্য যন্ত্রণা এবার বাঁভঙ্গ শিহরনের মতো বারবার তার সর্বাস্থে বয়ে যেতে লাগল। এত জোরে সে দাঁতে দাঁত চেপে ধরল যে মাথাটা তার থরথর করে ঝাপতে লাগল। তবু বমির বেগ ঠেকানো গেল না, দুহাতে ভর দিয়ে উবু হয়ে সে হড়হড় করে বমি করে ফেলল। এমন হান্ধা মনে হতে লাগল নিজেকে যে শুকনো পাতার মতো বাতাস যেন তাকে উড়িয়ে নিয়ে যাবে। কয়েক মুহূর্ত দুহাতে সে মাটি আঁকড়ে ধরে রইল। তারপর উঠে দাঁড়ানো মাত্র বাতাসের ধাক্কার মাটিতে পড়ে গেল। ঝড় তাকে উঠে ফাঁকায় সরে যেতে দেবে না, এইখানে তাকে ফেলে রেখে

যতক্ষণ পারে খেলা করবে তাকে নিয়ে, তারপর গাছ চাপা দিয়ে মেঝে ফেলবে। মানুষের ইচ্ছার বিরুদ্ধে যাওয়ার সাহস প্রসাদের কোনোদিন হয়নি। ক্রুদ্ধা প্রকৃতির স্পষ্ট ও নির্ভুর নির্দেশ মেনে নিয়ে এখানে পড়ে থাকবে কি না ভেবে কিছুক্ষণ সে সত্যসত্যই নিস্পন্দ হয়ে পড়ে রইল। কিন্তু বাঁচবার প্রেরণা মানুষের সক্রিয় হয়ে উঠলে কোটি বছরের অভ্যাসকেও স্বীকার করে না। আবার সে সাবধানে উঠে দাঁড়াল। চলতে আরম্ভ করে ভয়ের পরিবর্তে ভাবনায় তার বুকটা ধড়াস-ধড়াস করতে লাগল। রূপকথার মায়াবাননের চেয়ে ভয়াবহ এই গাছের রাজ্য পার হতে পারলেই খোলা মাঠ, সেখানে গিয়ে পৌঁছতে পারলে নিরস্ত্র বড় তার কিছু করতে পারবে না। কঁাকায় গিয়ে পৌঁছতে পারবে কিনা ভেবে উৎকণ্ঠায় বারবার তার শ্বাস রুদ্ধ হয়ে আসতে লাগল।

শেষ গাছটি পার হবার আগেই তার চোখে পড়ল আলো। হেডলাইট জালিয়ে রেললাইনে ট্রেন দাঁড়িয়ে আছে। একসঙ্গে প্রবল হাসিকান্নার আবেগে প্রসাদের দেহ যেন অবশ হয়ে গেল। কিছুক্ষণ সে নড়তে পারল না। তারপর উর্ধ্বশ্বাসে ছুটতে আরম্ভ করেই অগভীর একটা খাদে গড়িয়ে পড়ল। এতটুকু তার দুঃখ হল না, আঘাতের বেদনাও অনুভব করল না। নিজের সঙ্গে সে যেন তামাসা করছে এমনি ভাবে গোঙিয়ে গোঙিয়ে সে হাসতে লাগল, গা ঝাড়া দিয়ে উঠবার আগে সম্মেহ পরিহাসের ভঙ্গিতে ঠাস্ ঠাস্ করে নিজের গালে কয়েকটা চড় বসিয়ে বলল, 'ধুস্তোর নিকুচি করেছে, ছুটতে গেলি কেন?' হামা দিয়ে খাদের গা বেয়ে উঠে সোজা হয়ে দাঁড়িয়েই আবার ট্রেনের আলোর দিকে প্রাণপণে ছুটতে আরম্ভ করল।

প্রকাণ্ড একটা গাছ ভেঙ্গে পড়ে লাইন বন্ধ হয়ে গেছে। একটি খার্ডক্লাস কামরার দরজা খুলে ভিতরে ঢুকেই প্রসাদ মরমে মরে গেল। একগাড়ি লোক হাঁ করে তার দিকে তাকিয়ে আছে। জামা কাপড় তার কাদা

আর রক্তে মাথামাথি হয়ে গেছে, না-জানি কী ভাবে সকলে তাকে দেখে ! কামরার দরজা-জানালা সব বন্ধ, ভিতরে অসহ ভ্যাপসা গরম । প্রসাদের দম আটকে আসবার উপক্রম হল । তাড়াতাড়ি অপর দিকের দরজা খুলে সে লাইনে নেমে গেল ।

বাড়িতে পৌঁছানোমাত্র ভূষণ জিজ্ঞাসা করল, 'টাকা পৌঁছে দিয়েছিল ?'
'আজ্ঞে না ।'

ভূষণ কটমট করে তার দিকে তাকাল । হাত বাড়িয়ে বলল, 'দে ।'
এক পকেটে ঞ্চাকড়া বাঁধা জাম ছিল, অন্য পকেটে ভূষণের রুমালে বাঁধা সাতশো' তেইশ টাকা । জামগুলি ছেঁচে গেছে, রুমাল শুদ্ধ টাকাগুলি কখন কোথায় পড়ে গেছে ভগবান জানেন । পেনোর মাঠেই কোথাও পড়েছে, সে যখন আছাড় খাচ্ছিল অথবা খাদের মধ্যে গড়িয়ে পড়ছিল ।

থাবা উঁচিয়ে ভূষণ তার দিকে এগিয়ে আসে, ভয়ে নিশ্বরে বিস্ফারিত চোখে প্রসাদ তার দিকে তাকিয়ে কাঁপতে আরম্ভ করে দেয় । সে ভদ্রলোকের ছেলে, লেখাপড়া জানে, তার ত্রিশ বছর বয়স হয়েছে, ভূষণ তাকে মারবে ! খালি পেটটা গুলিয়ে উঠে আবার তার বমি ঠেলে আসে । দাঁতে দাঁত চেপে ধরতে মাথার কাঁপুনি শুরু হয়ে যাওয়ায় চোখের সামনে ভূষণের মস্ত গোলগাল মুখখানা পাশাপাশি হৃদিকে লম্বা হয়ে যায় ।

কাছে এগিয়ে আসতে আরম্ভ করেই ভূষণের গতি কেমন অনিচ্ছুক ও মস্কর হয়ে পড়ে, খানিকটা তফাতে থেমে গিয়ে সে থাবা নামিয়ে নেয় । সজোরে কাঁকুনি দিয়ে তার মুখখানা দৃষ্টির ফোকাসে আনতে দাঁত খুলে গিয়ে প্রসাদের মুখখানা হাঁ হয়ে যায় । ভূষণ ভয় পেয়েছে ! তাকে মারবার জন্য এগিয়ে এসে ভূষণের ভয় হয়েছে !

‘পেনোর মাঠে খুঁজলে পাওয়া যাবে।’

‘পাওয়া যায় ভালোই, নইলে তোকে পুলিশে দেব।’

ভূষণের ধমকে ঝাঁঝ নেই, এ যেন শুধু কথার কথা। ঝড়ের সঙ্গে লড়াই করে এসে প্রসাদের মূর্তি হয়েছে ভীতিকর, তার লাল চোখের ভয়াত চাঁউনি দেখে বুক কেঁপে ওঠে। আশার সখের আলমারিতে বসানো প্রকাণ্ড আয়নায় প্রসাদ নিজেকে দেখতে পাচ্ছিল। ভূষণ ভয় পেয়েছে, তাকে দেখে ভয় পেয়েছে, অনুমান করে প্রথমে তার বিশ্বয়ের সীমা রইল না। তারপর ধীরে ধীরে জাগল উল্লাস, নিজেকে ভূত সাজিয়ে গুরুজনকে আঁতকে উঠতে দেখলে ছোট ছেলের যেমন উল্লাস জাগে সেইরকম, কিন্তু চের বেশী প্রচণ্ড ও উৎকট।

তার মধ্যেও মাথাটা আশ্চর্যরকম ঠাণ্ডা মনে হয়। ধীরে স্নেহে সব যেন সে হিসাব করতে পারছে, বুঝতে পারছে, ভুল হবার ভয় নেই। সে টের পাচ্ছে কুখে ওঠার ভঙ্গিতে সে যদি এখন ছুপা এগিয়ে যায়, ভূষণ আরও ভয় পাবে, আরও সংশয়-ভরা দৃষ্টিতে তাকাবে, আরও নরম গলায় কথা বলবে, হয়তো ছুপা পিছিয়েও যাবে! এত ভীক ভূষণ? এত সহজে সে ভয় পায়?

কী যে উপভোগ্য মনে হয় এই মুহূর্তগুলি প্রসাদের! শেষ করে চলে যেতে ইচ্ছা করে না। আজ বিকেলেও যার কাছ থেকে ছুটে পালাবার জ্ঞান অদম্য প্রেরণা জেগেছিল, অकारणे সাধ করে তার সামনে প্রসাদ দাঁড়িয়ে থাকে, কিছু বলার নেই জেনেও কৈফিয়ৎ দেওয়ার ভান করে বলে, ‘পড়ে গেলে কি করব! গাছ চাপা পড়েছিলাম, মরে যেতাম আরেকটু হলে। তখন কারো টাকার কথা খেয়াল থাকে?’

ভূষণ ভয়-বিশ্বয়ের ভান করে সহানুভূতি জানিয়ে বলে, ‘গাছ চাপা পড়েছিলে? খুব বেঁচে গেছ তো!’

তখন বিষয়ী বীরের মতো প্রসাদ ঘর থেকে বেরিয়ে এল।

আশা তাকে দেখে আঁতকে উঠে বলল, 'মাগো মা, একি ?'

শ্রাকড়ায় বাধা ছ্যাচা জামগুলি দেখিয়ে প্রসাদ বলল, 'আপনার জন্তু পেড়েছিলাম।'

আশা চাপা গলায় বলল, 'সত্যি ?'

বাইরে ঝড়ের মাতামাতি চলছে, ঘরের দরজা জানালা বন্ধ করে স্টোভ জ্বলে আশা রাখছে ভূষণের নৈশভোজনের মাংস। ঘরের মধ্যে গন্ধ আর গরমের অসহ্য সমন্বয়। গায়ের জামা সেমিজ সে খুলে ফেলেছে, ঘামে ভিজ্ঞে সিঁদ্ধ মাংসের মতো তার মেটে চামড়া হয়ে গেছে স্নাতসেঁতে। 'একটাও ভালো নেই ?' বলে মুখে পুরবার উপবৃত্ত জাম খুঁজতে সে বুঁকে পড়ায় কাঁধের আলগা আঁচলটিও তার খসে পড়ল, মেঝেতে আছড়ে পড়ে বানবান শব্দে বেজে উঠল রিঙে বাধা একরাশি চাবি।

প্রসাদ চোখ বুজতে চায়, বুজতে পারে না। পালিয়ে যাবে ভেবে পক্ষাঘাতগ্রস্তের মতো দাঁড়িয়ে থাকে। ভূষণকে ভয় দেখিয়ে যে বিদ্রোহী উগ্র আনন্দ তার জেগেছিল, এত সহজে তার চেতনা থেকে লোপ পেয়ে সে-আনন্দ তাকে যেন কিম্বিরে পড়তে দেবে না। মহাপাপ থেকে, অনন্ত নরক থেকে নিজেকে বাঁচাবার জন্তু মন্দিরের দেবতাকে স্মরণ করতে গিয়ে সে শুধু দেখতে পায় কোমল মাংসে গড়া অপরূপ কাঁধ, বাহু আর বুক। আশা সোজা হয়ে দাঁড়ানো মাত্র তার ঘামে ভেজা দেহটা সে হুহাতে জড়িয়ে ধরল।

গভীর আলস্তে হাই তোলার মতো মুখের ভঙ্গি করে আশা বলল, 'স্মরণ তোমার ! বাড়ি ভরা লোক নেই ?'

তবু সে তাকে বুকে চেপে ধরে রাখল আরও খানিকক্ষণ। ছোটছোট

কটা চোখের বিহ্বল দৃষ্টি তার মুখে বুলিয়ে, হনুদ রঙীন আঙুলে তার কপালের এলোমেলো চুল সরিয়ে প্রায় অক্ষুটস্বরে ধীরে ধীরে বলল, 'পড়ে গিয়েছিলে মাঠে ? খুব লেগেছে ?'

বিশ্বর বা উত্তেজনা আশার নেই, মদালস অচপল নারীর মতো সে যেন বহু পরিচিত প্রিয়তমকে আলিঙ্গন করেছে । কতটুকু সময়ই বা প্রসাদের কাটল সেই ব্যাকুলতাহীন নিবিড় আলিঙ্গনে ! ভূষণকে যতটুকু সময় ভয় দেখিয়েছিল তার চেয়ে বেশী নয় । সেইটুকু সময়ের মধ্যেই প্রসাদের মনে হল, আশাকে, আশার অবৈধ কামনাকে, আশার দেহকে সে চিনে ফেলেছে । এ যেন একটা রবারের মেয়েমানুষ, পুরাতন ও ফাঁপা । আশার এই দেহের মোহ কাটাবার জ্ঞান দেবতার পায়ে মাথা-কপাল কুটে সে আতঁনাদ করত ! ঘুমের ঘোরে পাশ বালিশকে আঁকড়ে ধরার মতো তাকে আশা জড়িয়ে ধরেছে, তার মধ্যে স্বর্গমত ধ্বংসকারী উন্নত কামনা কল্পনা করে সে হাল ছেড়ে দিতে চেয়েছিল ! আশার হৃদপিণ্ডের ধীর অচঞ্চল স্পন্দন অসুভব করতে করতে প্রসাদের বুকের চিপচিপানি শাস্ত হয়ে গেল, ছেলেদের ভিজ্ঞে ঢ্যাপসা রবারের বলের মতো তার দুটি স্তনের চাপে আঙুল ধরা রক্ত তার হয়ে গেল শীতল । প্রায় জড়িয়ে জড়িয়ে আশা বলল, 'সাক্ষাৎ হয়ে নাও গে । আমার চানের ঘরে ভালো করে সাবান মেখে চান করবে যাও । একটা বড় বোতল এনেছে, সবটা আজ খাইয়ে দেব । বারটা বাজতে না বাজতে ঘুমিয়ে পড়বে ।'

আশার স্নানের ঘরে গোলাপের গন্ধ, একটানা, অনিবার্য, জমজমাট গন্ধ । তিন আনা দামের একটি সাবানে এত গোলাপের গন্ধ পাওয়া যায়, গোলাপের আরক কত সস্তা । মনটা প্রসাদের আশ্চর্যকম সাক্ষাৎ মনে হয়, বড় সাক্ষাৎ করে দিয়েছে মৃত্যু ভয়, ভূষণ সাক্ষাৎ করে দিয়েছে

ঝাঝুঘের ভয়, আশা সাফ করে দিয়েছে মাছির মতো অস্ত্রের চটচটে
 স্নান কামনায় আটকান পড়ার ভয়। ঘষে ঘষে সাবান মেখে প্রসাদ স্নান
 করল। রান্নাঘরের এক কোণে বসে ঠাকুরের পরিবেশন করা ভাত পেট
 ভরে খেয়ে নিল। ঝড়বাদল তখন অনেকটা কমে এসেছে। প্রসাদ
 মদরে গিয়ে দাঁড়াতে তাকে ভয় দেখাতেই যেন কয়েক যুহুতের অল্প
 বাতাস হঠাৎ প্রবল হয়ে চারিদিকে সাঁ-সাঁ রবে শক্তিত হয়ে উঠল।
 প্রসাদের নবলক সাহসও এতক্ষণে অনেকটা শিথিল হয়ে এসেছে।
 অনেকক্ষণ ইতস্তত করে বাতাস অনেকটা শান্ত হয়ে এলে সে পথে
 নেমে গেল। রেললাইনে এখনো ট্রেনটি দাঁড়িয়ে আছে। লাইন পার
 হয়ে যে-পথে পেনোর মাঠ থেকে সে পালিয়ে এসেছিল সেই পথে
 ভূষণের দামী বড় টর্চের আলো ফেলতে ফেলতে সে এগিয়ে চলল।
 টাকার পুঁটুলিটা খুঁজে পাওয়ার পরেও যদি ট্রেনটা ওখানে দাঁড়িয়ে
 থাকে, এই ট্রেনেই সে উঠে পড়বে। নয়তো ষ্টেশনে গিয়ে অপেক্ষা
 করবে, যে-কোনো দিক থেকে প্রথম ট্রেনের প্রতীক্ষায়।

ভাবতেও প্রসাদের বুক কেঁপে ওঠে। কে জানে কোন ভয়ঙ্কর
 আবেষ্টনীর মধ্যে সে গিয়ে পড়বে! তবে তার আশা আছে একবার
 গিয়ে পড়লে, অজানা জগতের সঙ্গে পরিচয় হলে, ভয় তার কেটে
 যাবে। সাতশো তেইশ টাকা মূলধন নিয়ে একটা দোকান-টোকান
 খুলেও সে কি নিজেকে বাঁচিয়ে রাখার ব্যবস্থা করতে পারবে না?
 এমন একটি বো-ও কি তার জুটবে না যে কিশোরী, পূর্ণবোবনা,
 কয়েকটা ছেলেমেয়ে নিয়ে গড়ে তোলা জমকালো সংসারের গৃহিণী?



কলসী কাঁখে পাতলা ছিপছিপে একটি বৌ বেগুন ক্ষেতের পাশ দিয়ে
বাড়ি ফিরছিল। কলসীর ভারে একটু সে বাঁকা হয়ে পড়েছে। পিতলের
প্রকাণ্ড কলসী, মাজা ঘষা চক্চকে। বৌটির পরনের কাপড়খানি ভেজা,
এখানে ওখানে গায়ে এঁটে গেছে, লটপট করছে। গড়ন পাতলা
হলেও স্বাস্থ্য তার খুব ভালো। গায়ে রীতিমত জোর না থাকলে
অতবড় কলসীর ভারে কোমর তার মচকে যেতে পারত।

সূর্য এখন প্রায় মাথার উপর। রোদের তাপে পায়ে-চলা সরু পথটির
পাশে ঘাসে ঢাকা মাটি পর্যন্ত তেতে গেছে। ভিজ়ে গামছা ভাঁজ
করে বৌটি মাথায় বসিয়েছে।

বেগুন ক্ষেতের পরে ছোটখাট আম-কাঁঠালের বাগান। গাছে গাছে বাগানটি জমজমাট কিন্তু কেমন যেন শুকনো নিফল চেহারা গাছগুলির, কয়েকটি গাছে শুধু কাঁচাপাকা দুচারটি আম ঝুলছে। বাগানের ওপাশে টিনের চাল আর দরমার বেড়ার বাড়ি আছে টের পাওয়া যায়, গাছের ফাঁকে ভালো করে চোখ পড়ে না। বাকী তিনদিকে দূর বিস্তৃত মাঠ আর ক্ষেত, এখানে-ওখানে বাড়িঘর গাছপালার ছোটছোট চাপড়া বসানো। বেগুন ক্ষেতের চারিদিক নির্জন, দিনে-রাতে সব সময় কারো কারো এখানে কম বেশি গা ছমছম করে।

বেগুন ক্ষেতের মাঝখান দিয়ে পুরানো প্যাঙাসে আলপাকার উর্দি আর কোলবালিশের সুরু খোলের মতো প্যাণ্টালুন পরা মাঝবয়সী একটি লোক জোরে জোরে আম-কাঁঠালের বাগানটির দিকে চলছিল। বার-বার সে বোটির দিকে চেয়ে দেখছে। গৌফ দাড়ি চাঁছা এবং কানের ডগা পর্যন্ত জুলপি তোলা তার লম্বা ফর্সাটে মুখে চোখ দুটি বেশ বড়-বড়, যদিও ছোট চোখ ইলৈই মানাতো বেশি।

বাগানে একটা কাঁঠাল গাছের নিচে সে বোটির পথ আটকাল। পাশ কাটিয়ে যাবার পথ অবশ্য চারিদিকে অনেক ছিল। পায়ে চলা যে সুরু পথটি ধরে বোটি আসছিল সেটাও কাঁঠাল গাছটির হাত তিনেক তফাৎ দিয়েই গিয়েছে। বোটি নিজেই সরে তার সামনে আসার এগোবার আর পথ রইল না।

‘ওমা, সুবলবাবু যে! পেরাম!’

‘এ তোমার কেমন ব্যাভার সুখময়ী?’

‘তোমারি বা এ কেমন ব্যাভার সুবলবাবু, দিন দুকুরে নাগাল ধরা?’

হুহাতে কানা ধরে কলসীটা সে নামিয়ে রাখল। যে কাঁখে কলসী ছিল তার উর্টে দিকে বেঁকে বেঁকে সোজা করে নিল কোমরটা। সুবলের জুঁক নাশিশভরা দৃষ্টি দেখে একবার সে অপরাধিনীর মতো একটু

হাসল। অবহেলার সঙ্গে কাঁধে ফেলা ভিজ়ে ঝাঁচলটি নামিয়ে ধীরে ধীরে ভাঁজ খুলে আবার ভালো করে গায়ে জড়াল।

‘গোড়ায় তো ডরিয়ে গেলাম, কোন্ মুখপোড়া উ কি মারছে গো? শেবে দেখি মোদের সুবলবাবু। নিশ্চিন্দ হয়ে তখন সঁতার কেটে চান করলাম।’ ফিক্ করে হেসে লজ্জায় মুখ নামিয়ে মৃদুস্বরে বলল, ‘তোমার জন্তে। সত্যি তোমার জন্তে—কাল ফিরে যেতে হল তোমার!’

সুবল কুক্ কণ্ঠে বলল, ‘কাল তো প্রথম নয়। ফিরেই তো যাচ্ছি। এনে না কেন কাল? রাত ছুপুর তক্ শিরীষতলায় মশার কামড় খেলাম। মা মনসা না করুন,’—দুহাত জড়ো হয়ে সুবলের কপালে ঠেকে গেল—‘সাপের কামড়ে মরব একদিন।’

সুখময়ী আপসোসের আওয়াজ করল চুকচুক, ‘বালাই ষাট। কিন্তু কী করি, তেনা যে ফিরে এল গো!’

‘একবার জানান দিয়ে তো যেতে পারতে, সবাই ঘুমুলে পর? ঘুরঘুটি ঝাঁধারে একটা মানুষ হাঁ করে—’

‘ঘুমিয়ে পড়লাম যে! ওনার সাথে ঝগড়া করে কেঁদে কেঁদে ঘুমিয়ে পড়লাম।’

‘ঝগড়া হল? বেশ, বেশ! তা ঝগড়াটা হল কী নিয়ে?’

‘সোয়ামির সাথে মেয়েমানবের আবার কী নিয়ে ঝগড়া হয়? শাড়ি গয়না নিয়ে।’

সুবল হঠাৎ উত্তেজিত, উৎসুক হয়ে বলল, ‘তুমি যত শাড়ি গয়না চাও—’

‘ইস্? ফতুর হয়ে যাবেন!’ ছায়ার চাপা আলো লেগে সুখময়ীর পান খাওয়া দাঁতের ঘষামাজা অংশগুলিতে ভোঁতা বকমকি খেলে গেল।—

‘ফতুর নয় হলে। মোর তরে ফতুর হতেই তো চাইছ তুমি হাজারবার। কিন্তু শাড়ি সোয়ামি যখন শুধোবে মোকে, অ বৌ, শাড়ি গয়না

কোথা পেলি লো, কী জবাব দেব তুনি ? বলব নাকি, কুড়িয়ে পেইছি
গো, ঘাটের পথে কুড়িয়ে পেইছি ? তার চেয়ে এক কাজ করনা ?
শিরীষতলায় মশার কামড় খেয়ে তোমারও কাজ নেই, শাড়ি গয়না
পরে বেড়ালে কেউ যে শুধোবে তাতেও মোর কাজ নেই—এমনি কিছু
কর ?’

সুবলের মুখখানা লম্বাটে হয়ে গেল।—‘তা জানি, তোর শুধু গয়না
শাড়িতে মন।’

‘না গো না, গয়না শাড়ি আমি চাইনে। আমার মনটি তোমার।’
‘তাই যদি হত সুখী—’

‘হত মানে ? তুমি ভাবো গয়নার লোভে তোমায় মন দিইছি।
কত গয়না দেবে তুমি ? কত যুরোদ তোমার ? কলকাতায় নিয়ে
সেজবাবু সোনার মুড়ে রানী সাজিয়ে রাখতে চেয়েছিল, তা গিইছি
আমি ? আমি বলি—না, যাকে মন দিইছি তার সাথেই চুলোর
যাব, চুলোর যদি যাই।’

‘হঁ।’

‘বিবেশ হয় না, না ? বেশ তো, চল না এখুনি যাই। এক কাপড়ে
এখুনি গিয়ে গাড়ি ধরি তিনটের। তুমিও ফকির, আমিও ফকির।’

পাতার ফাঁক দিয়ে সুবলের সর্বাঙ্গে চাকাচাকা আলো আঁকা হয়ে
গেছে। ভিজ্জে গামছা দিয়ে সুখময়ী তার মুখ আর ঘাড়ের ঘাম
সযত্নে মুছে দিল। কিন্তু সুবল খুশি হয়েছে মনে হল না, সুখময়ীর কাছ
থেকে এরকম ছোটখাট আদর পাওয়ার বিশেষ দাম যেন নেই, পুরানো
হয়ে গেছে।

‘অমন যার মন হয় সে একবারটি শিরীষতলায় আসে। কাল নিয়ে
চারবার ঠকালে আমার।’

‘ওগো মাগো, ঠকালাম ! আমি তোমায় ঠকালাম ! ভেস্তে গেল

তো কী করব আমি ? হাত-পা বাঁধা মেয়েলোক বই তো নই !
ঘরের বৌ, পরের দাসী, কী খ্যাতি মোর আছে বলা ? তোমায় ঠকাব,
তোমার জন্তে মরণ হয়েছে আমার ? কিছু ভালো লাগে না সুবলবার,
একদণ্ড ঘরে মন বসে না । মাইরি বলছি, কালীর দিব্যি । মন করে কি,
দূর ছাই, ঘর-সংসার ফেলে তোমার সঙ্গে পালিয়ে যাই ।’

বড় একটা ফাঁক দিয়ে এক ঝলক রোদ সুখময়ীর মুখ ধেসে কাঁধ ছুঁয়ে
মাটিতে পড়েছে । আবেগ আর উত্তেজনায় এতকণে যেন চোখ দুটি
তার সেই আলোতে জ্বলজ্বল করে উঠল । সুবল কথাটি বলে না ।
উসখুস করে আর এ পা থেকে ও পায়ে ভর দিয়ে দাঁড়ায় ।

‘দেশ গাঁ ছেড়ে দূর দেশে পালিয়ে যাই, যে দেশে কেউ মোদের চিনবে
না । সব বানাই চুকিয়ে দুজনে ঘর-করা করি ।’

‘তা হয় না সুখময়ী । চান্দিকে বড় নিন্দে হবে, আর ফেরা যাবে না ।’

‘কে ফিরছে হেথা ? জমি-জায়গা সব বেচে দিয়ে আমার নিয়ে পালাবে ।
মোদের ফিরবার দরকার !’

‘মোক্তারি করে দুটো পয়সা পাচ্ছি—’

এখানে গাছের ছায়াতে গুমোট গরম, সুবলের কপাল ঘেমে চোখে এসে
পড়তে চায় । আঙুল দিয়ে সে কপালের ঘাম মুছে মুছে ঝেড়ে ফেলতে
ধাকে । সুখময়ীর ভিজ়ে চেহারায় ঘাম টের পাওয়া যায় না । আগ্রহ
উত্তেজনা ফুরিয়ে গিয়ে সে শান্ত হয়ে গেছে । বুঁকে কাপড় তুলে সে
একবার হাটুর কাছে চুলকে নিল, সোজা হয়ে হাঁটু চুলকানো আঙুলেরি
একটার ডগা কামড়ে ধরল । ঘাড় তার কাত হয়ে গেল ভাবনায় ।

কলসীর কানা ধরে তুলতে গিয়ে সে আবার ঘুরে দাঁড়াল । সুখময়ীর
রাগ হয়েছে । কলসী ছেড়ে পাক দিয়ে সোজা হয়ে মাথা তুলে
দাঁড়ানোর ভঙ্গিটা তার ফৌস করে ফণা তুলে সাপের কামড়ে দিতে
চাওয়ার মতো । কি মিষ্টি হাসিই সুখময়ী হাসল । আড় চোখে চেয়ে

চেয়ে দ্বিধা-সঙ্কোচের ভঙ্গি করে হঠাৎ এগিয়ে গিয়ে 'সুক দিয়ে সে সুবলকে গাছের স্তম্ভে চেপে ধরল, মুখ উঁচু করল, সুবলের মুখের কাছে কিন্তু পৌঁছল না। গাছে পিঠ দিয়ে সুবল তখন কাঠ হয়ে গেছে।

'মোর চেয়ে তোমার মোক্তারি বড় হল ?'

'কত কষ্টে পশার করেছি, দুটো পয়সা পাচ্ছি—'

সুখময়ী এতক্ষণে হুহাতে তার গলা জড়িয়ে ধরেছে। সুবল নরম হয়ে আসছে। একটি হাত তার সুখময়ীর পিঠে আশ্রয় খুঁজে বেড়াচ্ছে।

'তুমি না ফতুর হতে পার আমার জন্তে ? ঘর বাড়ি জমি জায়গা বেচে ঢের টাকা পাবে, ব্যবসা করে রাজ্য হয়ে যাবে তুমি। রানীর মতো খাটে শুয়ে আমি হাই তুলবো, আর চাকরাণী মাগীগুলোকে হুকুম করব। চানের ঘরে তুমি আমার চান দেখবে—সত্যি দেখাব, দিব্যি গালছি।'

'আচ্ছা, তাই যাব সুখময়ী, সব বেচে দিয়ে তোমায় নিয়ে বিদেশ যাব। কিন্তু সে তো দুচার দিনে হবে না—'

'মোক্তারি জানো বটে তুমি সুবলবাবু। দাঁড়াও আমি আসছি কলসী রেখে।'

কাঁখে কলসী তুলতে গিয়ে সুখময়ী আজ বোধ হয় এই প্রথম টলে পড়ে গেল। কলসীর জল শুবে নিল মাটি, আর তার ভিজ্ঞে কাপড় কুড়িয়ে নিল মাটির লাল ধুলো।

'অদেটে কত আছে !' বলে মাটি থেকে উঠে দাঁড়িয়ে ভোঁতা গলায় সে বলল, 'দাঁড়াও বাবু। একটু সাবুন আনি, নইলে এ মেটে রঙ ওঠবার নয়। ফের নাইতে হবে।'

বাড়ির অঙ্গন শূন্য, ঘরের বাইরে কেউ নেই। বাইরে কেউ থাকেও না এ সময়। সুখময়ী রেঁধে বেড়ে খাইয়েছে সবাইকে, আর কোনো কাজ

কারো নেই। রসুই ঘরের দাওয়ার একতারা মাজা বাগন। ঘাটে গিরে বাগন মেজে এনে তবে তার কলসী নিয়ে নাইতে যাবার ছুটি হয়। কলসী ভরে জলটি আনা চাই। পুবের ঘরে নটবর হাঁকো টানছে, কথা বলছে পাড়ার কানাই ঘরের সঙ্গে। শাওড়ী শুয়েছে, নটবরের বৌ-মরা ভাই তার সঙ্গে পরামর্শ করছে আগামী বিয়ের—জ্যেষ্ঠ মাসের সাতুই আসতে মাসেক সময় নেই।

বাড়ির কুকুরটা উঠে এসে লেজ নেড়ে অভ্যর্থনা জানাতেই সুখময়ী তাকে একটা লাধি কসিয়ে দিল। আর সেই অবোধ প্রাণীর কেঁউ কেঁউ আতর্নাদ শেষ হবার আগেই রসুই ঘরের দাওয়ার বাগনের গাদায় আছড়িয়ে পড়ে শুরু করল নিজের আতর্নাদ—একটু চাপা, একটু অস্বাভাবিক সুরে। ভয়ে তার গা কাঁপছিল।

সবাই ছুটে এল। একসঙ্গে শুধোতে লাগল, কী হয়েছে? বোকে জড়িয়ে ধরে নটবরের মা জুড়ে দিল কান্না। কুকুরটা তখনো কেঁউ কেঁউ করে মরছে। সুখময়ীর বুকের মধ্যে চিপচিপ করছিল। কী থেকে কী হবে তা ভগবান জানেন, এই তার শেষ লড়াই।

সুখময়ী কেঁপে কেঁপে কেঁদে কেঁদে বলল, ‘বড্ড ভয় পেইছি মা। বুকটা ধরাসু ধরাসু করছে। কত বলি একলাটি ঘাটে যেতে ডর লাগে, কেউ তো যাবে না সাথে। নইলে কি ওই মুখপোড়া সুবল মোক্তার—’

শুনে সবাই একসাথে চুপ মেরে গেল। ইতিমধ্যে পাশের দুবাড়ির মেয়ে-পুরুষ ছুটে এসেছিল। তারাও হঠাৎ চুপ হয়ে গেল জন্ম-বোবার মতো। নীরবে মুখ চাওরাচাওয়ি ছাড়া কি আর করার আছে এমন একটা অসম্পূর্ণ খবর শুনে? নটবরের মা’র কান্না খেয়ে গিয়েছিল, প্রথমে অধীর হয়ে শুধোল, ‘কি করেছে সুবল মোক্তার? অ বৌ, বলনা কী করেছে সুবল মোক্তার?’

‘বাগানে একলাটি পেয়ে হাত চেপে ধরেছিল গো, কলসী ফেলে

পালিয়ে এইছি। ছুটতে ছুটতে আছাড় যে খেইছি কবার—হা
ছাখো।’

হাতের তালু আর কাপড়ে রক্ত-মাটি ও রক্তের দাগ সে দেখিয়ে দিল।
কয়েকজনের চাপা নিশ্বাস পড়ল একটু নিরাশার সঙ্গে, কতবড়
সম্ভাবনার এই পরিণতি! শুধু হাত ধরেছিল! দুপুরবেলা জনহীন বাগানে
মেয়েমানুষকে নাগালে পেয়ে শুধু হাত ধরেছে সুবল মোক্তার? মামলা
মোকদ্দমা হবে না, ব্যাপারটা চাপা পড়ে যাবে আজকালের মধ্যে।
একি একটা ঘটনা!

তবু সবাই ছি-ছি করে, আর সুবল মোক্তারকে গাল দেয়। বাগানে
গিয়ে তাকে শাসন করে আসার কথাটা কেউ ভাবেও না, বলেও না।
শেষে সুখময়ীকেই কাঁঝ দেখিয়ে বলতে হয়, ‘অ ঠাকুরপো, দাঁড়িয়ে শুধু
জটলা করবে তোমরা? যাও না, ছুঁ দিবে এসো না বজ্জাতটাকে?’
নটবরের মা বলে, ‘চুপ কর মাগী, চুপ কর।’

‘কেন চুপ করব? আমার হাত ধরবে, তোমরা তা চুপ করে গল্প
যাবে!’

নটবর বলল, ‘ও শালা কি আর আছে, পালিয়ে গেছে।’

‘ধাকতে তো পারে? কলসী আনতে ফিরে যাব ভেবে ধাকতে তো
পারে ঘুপচি ঘেরে? যাও না একবার, দেখে এসো।’

তখন নটবর, শশধর, নিতাই আর পাড়ার একজন সুবলকে খুঁজতে
যায়, নটবরের মা চোঁচিয়ে বলে দেয়, ‘কলসীটা আনিস কেউ। শুন্ছিস
—কলসীটা আনিস।’

সুখময়ীকে ঘিরে মেয়েদের জটলা চলতে থাকে। চারিদিকে তারা
খবরটা রটাবে, তবু তারাই বলে যে এমন হেঁচক করা উচিত হয়নি
সুখময়ীর, জানাজানি হওয়া কি ভালো! চুপিচুপি শাউড়ি বা সোয়ামিকে
বললেই পারত সে, পুকুরঘাটে যাওয়ার সময় একজন কেউ সঙ্গে যেত।

সুখময়ী শুনে যায়, কথা বলে না। নটবরের মা'র চাপা আগসোস আর
গালাগালির জবাবে শুধু ফোঁস করে ওঠে।

সুবলকে পাওয়া গেল কাঁঠাল বাগানেই, কিন্তু ধরে মারবার সাহস
না একজনেরও।

নিতাই নেহাৎ বদরাগী মানুষ, সে শুধু জিজ্ঞেস করল, 'বৌ-ঝির হাত ধরে
টানা কেন মোক্তারবাবু?' সুবল রেগে বলল, 'তো'র তো বড় বাড়
হয়েছে নিতাই, যা মুখে আসে তাই বলিস!' শশধর মৃদুভাবে সাবধান
করে দিল, 'আর যেন এ-সব না ঘটে মোক্তারবাবু।'

সুবল আর কথা না বলে হনহন করে এগিয়ে গেল। মুখখানা তার
একটু ফ্যাকাসে হয়ে গিয়েছে। সুখময়ী কুরিয়ে গেল, চিরন্তরে সরে
গেল জীবন থেকে। একটু কলক তার রটবে—কিন্তু তীব্র অস্বীকারের
জোরে সে তা উড়িয়ে দিতে পারবে। কিন্তু আবার যদি এমন কিছু ঘটে,
তুর্গাম তার জোর পাবে।

বড় একটা মামলা ছিল সুবলের এ-সময়, মনটা একেবারে খিঁচড়ে
গেল! নাঃ, মনটা একটু শক্ত করতে হবে তার। সবে প্র্যাকটিস জমছে।
বাকী দিনটুকুতে ছোট মহকুমা সহরের চারিদিকে যে তাদের নামে
টি-টি পড়ে গেছে, সেটা সুখময়ী টের পেল সন্ধ্যার পর নটবরের হাতে
বাখারি খেয়ে। বাকী দিনটা বাড়ির সকলে মুখ ভার করে থেকেছে,
তাকে বাদ দিয়ে করেছে জটলা। বিকেলে আড্ডা দিতে বেরিয়ে সন্ধ্যার
পর মুখ অন্ধকার করে নটবর ফিরে এল, গর্জাতে গর্জাতে মা আর ভাইকে
জানিয়ে দিল সহরগুচ্ছ লোক কী বলাবলি করছে এবং খবরটা ভালো
করে শুনবার আগ্রহে সুখময়ী কাছে এসে দাঁড়াতে সুরু একটা বাখারি
তুলে তার পিঠে কয়েক ঘা বসিয়ে দিল। সুরু বাখারির বেতের মতো
ধার, পিঠ কেটে রক্ত বেরিয়ে গেল সুখময়ীর।

কিন্তু সে তীব্র ব্যথা তার কাছে অতিরিক্ত ঝাল-খাওয়া সুখের মতো

লাগল। কলংক তবে রটেছে! তবে আর এখন কী বাধা রইল সুবলের
তাকে নিয়ে পালিয়ে যাবার? এ বদনাম সয়ে সে তো আর টিকতে
পারবে না এখানে। যেতে হলে তাকে সঙ্গে নিয়ে যাবে না কেন?

নটবরের মা বলল, 'থাক, থাক। মারধোর করে কাজ নেই।
ও-বৌকে তো আর ঘরে রাখা যাবে না। কাল সকালে খেদিয়ে দিস।
মামার বাড়ি যাক, নয়তো চুলোয় যাক।'

শুনে একটু ভাবনা হল সুখময়ীর। সত্যি তাকে তাড়িয়ে দেবে নাকি?
গালাগালির জন্তু সে তৈরী হয়েই ছিল, তার উপর নয় কিছু মারধোর
হয়েছে। কিন্তু খেদিয়ে দিলে তো মুন্সিল! সুবলের যদি বেশি রকম রাগ
হয়ে থাকে, তাকে যদি সঙ্গে নিয়ে যেতে না চায়! পুরুষের মন তো,
বিগড়ে যেতে কতক্ষণ! তবে তো তার একুল-ওকুল দুকুল যাবে, মাথা
গুঁজবার ঠাই থাকবে না জগতে। মামা কি ঠাই দেবে তাকে?
মামারও তো শুনতে বাকী থাকবে না এ কেলংকারির কথা।

ভাবে আর সুবলের প্রেমে বিশ্বাস হারিয়ে সে পিঠের জ্বালায় কাতরান্ন।
চুলোর ধোঁয়ার তার চোখ জলে আর ভাতের হাঁড়ির রাশে জগৎ
বাপসা হয়ে যায়। আগুনের আঁচে মাঝেমাঝে শরীরটা শিউরে ওঠে,
জ্বর আসবার মতো উদ্ভট শিহরন। জল ছুঁতে গিয়ে গা ছমছম করে।
জ্বর কি একটু এসেছে তাহলে তার? সকলকে ভাত দিয়ে হেঁসেল তুলে
খাওয়ার অনিচ্ছা নিয়ে খিদের জ্বালায় কিছু খায়। রসুইঘর বন্ধ করে
কুপি হাতে উঠোন পেরিয়ে ঘরের দাওয়ায় কুপিটা নিভিয়ে রেখে ঘরে
টোকে। চৌকিতে বসে নটবর তামাক টানছে। কাল তাকে খেদিয়ে
দেবে নটবর। এতকাল সোহাগ করে কাল তাকে দূর করে দেবে।
সুবলের সঙ্গে পালিয়ে গিয়েই বা তার তবে কী লাভ হবে? বৌকে যদি
মানুষ খেদিয়ে দিতে পারে, দুদিন পরে সুবল কেন তাকে ফেলে
পালাবে না?

নটবরকে একটু নরম করার চেষ্টার কথা মনে আসে, কিন্তু সুখময়ী :
উৎসাহ পায় না। রাগ কমিয়ে কতবার সে নটবরের সোহাগ আদায়
করেছে, কৌশল তার অজানা নয়, কোনদিন ব্যর্থও হয়নি। আজ সে
মনে জোর পায় না। বাথারির মার খেয়েছে বলে নয়। মার-খেলিও
মান বাঁচিয়ে সোহাগ যাচা যায়। নিজের উপরেই আজ তার বিশ্বাস
নেই। নিজেকে কেমন রূপহীনা, কুৎসিত মনে হচ্ছে। তার যেন কাঠির
মতো সরু আর কাঠের মতো শক্ত দেহ। কী দিলে সে নটবরকে নরম
করবে? তার চেয়ে শুয়ে পড়া ভালো। মাথা ঘুরছে, পিঠ জলছে, শরীর
ভেঙে পড়ছে, চুপ করে শুয়ে চোখ বুজে রাতটা কাটানো যাক। সুবল
নটবর সকলের ভরসাই যখন তার সুরিয়ে গেছে, কী আর হবে আকাশ
পাতাল ভেবে।

চৌকিতে উঠতে তার ভরসা হলনা। মেঝেতে মাদুর বিছাতে গেল।
তখন কথা কইল নটবর।

‘দোর দে, হুকোটা রাখ।’

সুখময়ী ছম্বার বন্ধ করে হুকোটা রেখে মাদুরে শুয়ে পড়ল। পিঠে ব্যাথা
ছিল, মনে খেয়াল ছিল না, অভ্যাস মতো চিং হয়ে শুয়েই মৃদু আতনাদ
করে সে পাশ ফিরল। চৌকিতে বসে প্রদীপের আলোতে নটবর তাকে
খানিকদেখল, পা গুটিয়ে কি অদ্ভুত ভঙ্গিতে বোঁটা তার শুয়েছে!

‘পিঠে ব্যাথা হয়েছে নাকি বো? গোসা হয়েছে? আর মারবো না
তোকে। কোন শালা আর তোর গায়ে হাত তোলে!’

‘আমায় কাল তাড়িয়ে দেবে?’

‘দূর পাগলি। ও কথার-কথা বলছিলাম। তোকে ছেড়ে কি থাকতে
পারি?’

সুখময়ী নিজেরই স্বামীকে বুকে চেঁনে নিয়ে দাঁতে দাঁত লাগিয়ে চোখ
বুজল। মাদুরের ঘষায় পিঠে যেন তার করাত চলতে লাগল অনেকগুলি।

একবার অজ্ঞান হয়ে গিয়ে আবার চেতনা ফিরে এল, তবু সে শব্দ করল না। আতঁনাদগুলি বুকে চেপে, গোঙানিগুলি গলায় আটকে রেখে দিল। নটবর ছেড়ে দেওয়ামাত্র সে পাশ ফিরল। আলো নিভিয়ে চৌকির বিছানায় শোবার সময় কতব্যবোধে নটবর বলল, 'গা যেন তোর গরম দেখলাম, জ্বর হয়েছে নাকি?'

'একটু হয়েছে।'

'মেঝেতে কেন তবে? চৌকিতে উঠে আয়।'

'বাই।'

কিন্তু শেষ পর্যন্ত চৌকিতে সে গেল না। আলো নেবার আগে সে দেখেছে, পিঠের রঙে মাছুর লাল হয়ে গেছে।

নটবর ঘুমিয়ে পড়ল অল্পক্ষণের মধ্যেই। ঘুম গাঢ় হয়ে এলে তার নাক ডাকতে আরম্ভ করল। তখন চুপিচুপি দরজা খুলে সুখময়ী বাইরে বেড়িয়ে গেল। রাত বেশি হয়নি, শশধর জেগে আছে। পাড়ার লোকও হয়তো জেগে আছে অনেকে। থাক জেগে! কতক্ষণ লাগবে তার সুবলকে ছুটি কথা শুধিয়ে আসতে? বাগান হয়ে বেগুনক্ষেত পার হলেই সুবলের বাড়ি।

ডুবুডুবু চাঁদের জ্যোৎস্না এখনও একটু আছে। বাগানের গাঢ় অন্ধকার কোন রকমে পার হলে পথের চিহ্ন নজরে পড়ে। সুখময়ী তরতর করে বেগুনক্ষেতের বেড়া শেষে এগিয়ে গেল। তাড়াতাড়ি ফেরা চাই, নটবরের ঘুম ভেঙ্গে গেলে যাতে সহজ স্বাভাবিক বিশ্বাসযোগ্য কৈফিয়ৎটা দেওয়া যায়। সুবলের বাড়ির ঘরে ঘরে আলো নিভেছে। তার ঘরের পাশে গাঁদাফুলের বাগান। একটু তার ফুলের বাগান করার সুখ আছে। বাড়ির সামনের বাগানটি তার দেখবার মতো,

এখান থেকে নানা ফুলের মেশান গন্ধ নাকে আসে। প্রথম ডাকেই
 সাড়া দিয়ে সুবল বেরিয়ে এল
 'চুপ। আন্তে। আবার কেন ?'
 'আঁখো, তোমার জন্তে কি মারটা মেরেছে আমায়।'
 'তোমার জন্তে আমার বদনাম হল সুখময়ী। কত ভালো বলতো লোকে
 আমায়, কত সম্মান করতো, তোমার জন্তে সব গেল।'
 'চল আমরা পালিয়ে যাই দুচার দিনের মধ্যে। সব বেচে দাও—'
 'তোমার খালি বাজে কথা। সব বেচে মোস্তারি ফেলে কোথায় যাব ?'
 'এত কেলেংকারী হল, চারদিকে টি-টি পড়ে গেল, তবু থাকবে ? কি
 করে থাকবে ?'
 'আন্তে আন্তে ভুলে যাবে লোকে।'
 সুখময়ী আন্তে আন্তে পিছিয়ে আসছিল, সুবল তার হাত চেপে ধরল।
 'শীগগির ফিরতে হবে।'
 'একটু বসে যাও ? বৌ মরে গেছে কবে, এতকাল বিয়ে করিনি তোমার
 জন্তে ? একটু বসে যাও ?'
 সুবলের ঘাট বাঁধানো। মোস্তারির টাকায় সবে ঘাট বাঁধিয়েছে,
 এখনো কোথাও ফাটল পর্ষস্ত ধরেনি। ঘাটের ধোয়া মোছা পরিষ্কার
 সিমেন্টও সুখময়ীর পিঠের রক্তে লাল হয়ে গেল। সমস্ত ঘাট নয়,
 সুখময়ীর পিঠের নিচেকার অংশটুকু।
 পরদিন নাইতে এসে লোকে বলল, কুকুর বা বিড়াল ছানা বিইয়েছে
 সেখানে। কিম্বা বুনো শেয়াল।



যেঝেতে বিছানো মাদুরে আছড়ে পড়ে রাঘব তখন সতর্ক চাপা গলার
 আর্তনাদ করার সঙ্গে বার তিনেক জোরে জোরে নিজের কপালটা
 চাপড়ে দেয়। গায়ে জোর আছে, কড়া-পড়া হাতের তালু। গলার চেয়ে
 কপাল চাপড়ানোর আওয়াজটা হয় জোরালো।

‘অসতী করেছে করেছে, প্রাণে মারতে পারল না? ধন্যো নিল,
 প্রাণটুকু নিতে তার কী হয়েছিল!’

ফাঁসি হবে বলে নিজে স্তমতিকে খুন করতে পারছে না, এ আপসোস
 সে ভুল নয়। আপসোস এখনো স্তমতিকে নিয়ে ঘর করতে হবে বলে।
 তাড়িয়ে দেবার ক্ষমতা তার নেই, বিবাগী হয়ে ছেড়ে যাবার ক্ষমতা
 নেই। লোহার মতো শক্ত তার দেহমন এই জীক্লত কোমল চুষকে এঁটে
 গেছে। পিস্তলের সঙ্কেতে ছোটবার মৃত্যুভয় লাগিয়েছিল স্তমতির,

বাইরের রোয়াক থেকে এক-পা এক-পা করে পিছু হটিয়ে এই ঘরে ঢুকিয়েছিল। যাওয়ার আগে একটি গুলি স্তমতির উপর খরচ করে গেলেই এসব হাঙ্গামা চুকে যেত।

স্তমতি বলে, 'কি আলা, বেশা নিয়েও তো কত মানুষ স্তমতি দিন কাটাচ্ছে। তোমার বুক জোড়া খন বিয়ে না করা ইস্তিরিটি কী ছিল আগে? বা হয়েছে, হয়ে গেছে। অত বাড়াও কেন?'

চৌকিতে তালির পর তালি দেওয়া সাবান-কাচা ময়লা মশারি। বেশি কাচবার উপায় নেই, জীর্ণ মশারি ছিঁড়ে যায়। কোমর পর্যন্ত শরীর বার করে চৌকির প্রান্তে কনুই পেতে হাতের তালুতে চিবুক রেখে স্তমতি নির্বিকার শাস্তভাবে বলে, 'আর তাও বলি, বদমাস গুণ্ডা তো নয়, লাখপতি বামুনের ছেলে। সেকালে মুনিষ্মি অতিথ হল রাজারা যেচে রানীকে পাঠিয়ে দিত তাদের কাছে, ভাগ্যি বলে মানত। একটা রাজার বংশ থাকত নইলে?'

রাঘব উর্ধ্ব বসে অসহায় ক্রোধে দাঁতে দাঁত ঘষতে থাকে। একটু যদি কাঁদাকাটা করত স্তমতি, একবার যদি বলত, এ-প্রাণ আমি আর রাখব না! গায়ে মাথায় হাত বুলিয়ে তাকে সাবনা দেওয়া যেত।

'বিছানায় এস। মিথ্যে কেন সারারাত মশার কামড় খাবে?'

'এ-জীবনে আমি আর তোকে ছোঁব ভেবেছি?'

'ছুঁয়ো না। মাঝখানে পাশ বালিশটা দেবখন।'

দরজা বন্ধ করলে মাটির ঘরখানার ছোট জানলা দিয়ে ভালো বাতাস আসে না। পচা ইঁহুরের গন্ধে ঘরের বাতাস ভারি। অনেক খুঁজেও ইঁহুরটা আবিষ্কার করা যায়নি। মশারির ভিতরে পচা গন্ধটা অল্প স্তমতির ভলে চাপা পড়ে গেছে। তার খানিকটা রাঘবের কিনে দেওয়া স্তমতি কেন্দ্র তৈলের, খানিকটা ছোটবাবুর আতর মাখা কুমালের। কুমালটা ছোটবাবু ফেলে গেছে।

পিস্তলের কথাটা রাখবের কেমন একটু গোলমালে মনে হয়। যার টাকা আছে, সহায় আছে, সুন্দর চেহারা আছে—সে কেন এভাবে খেয়াল মেটাবে সোজাসুজি ভুলানোর চেষ্টা না করে? সব চেয়ে বড় কথা, স্মৃতির জন্তু পাগল হবার কী কারণ আছে ছোটবাবুর? প্রদীপের মতো স্মৃতিকে স্মান করে দিতে পারে বিদ্যুতের আলোর মতো এমন নারী-দেহের অভাবে তার স্বভাব নষ্ট হবার কথা তো নয়।

জিজ্ঞাসা করলে স্মৃতি প্যাচালো জবাব দেয়। ‘আমি কি দেখেছি পিস্তল না বন্দুক? ভয়ে বলে আমার তখন বুক টিপ-টিপ করছে। কি যেন একটা বার করলে পকেট থেকে—’

তিন দিন অবিরাম বৃষ্টি হয়েছে। মাটিবহুল সহর যেন ধুয়ে যাবে মনে হয়। বাইরের জগতের সঙ্গে বাঁধা সড়কের দুটি যোগাযোগ জখম হয়ে গেছে। প্রথম দুদিন নির্মলেন্দু ওয়াটারপ্রুফে গা ঢেকে তার স্পিনিং মিল এবং নারকেলের ছোবড়া ও তেলের কারখানা পরিদর্শন করতে গিয়েছিল। বর্ষার অজুহাতে অনুপস্থিতি বেড়েছে, কাজে আরও টিল পড়েছে, আরও বিশৃঙ্খল সৃষ্টি হয়েছে। রাগে আগুন হয়ে নির্মলেন্দু ফিরে এসেছে। অবেলার ত্রাণ্ডি আর ছইঙ্কি মিশিয়ে গিলেছে, ধীরেনের সঙ্গে ঝগড়া করেছে, সিগারেট চাইতে চুকট এনে দেওয়ায় নন্দের গালে মেরেছে চড়। তার ছটফটানির মতো বাইরে ক্রুদ্ধ বাতাসে আছাড়ি-পিছাড়ি করেছে বড় বড় গাছ আর ভাঙা ভাঙা যুদ্ধের গর্জনের মতো আকাশে গুরু গুরু ডেকেছে মেঘ।

খদ্দের ভিজে জামা কাপড় কয়েক ঘণ্টা ধরে ধীরেনের স্বাভাবিক শাস্ত মেজাজ আরও যেন শাস্ত করে দিয়েছে। দুটি পাঞ্জাবিই ভিজে যাওয়ার

নির্মলেন্দুর একটি গেঞ্জি ধার নিয়ে গায়ে চাপিয়ে সে বলেছে, 'এত অল্পে কেপে গেলে বড় কাজ হয় না।'

'অল্প ! হিসেব মতো একটা কাজ হচ্ছেনা, সব পরিকল্পনা ভেঙে যাচ্ছে, যত সুবিধে দেওয়া হচ্ছে শূয়ারকা বাচ্চাগুলোর ততই বজ্জাতি বাড়ছে, এ হল তোমার অল্প ! তুমি, দিবাকর, দীনেশবাবু সবাই তোমরা অপদার্থ, শুধু স্বপ্ন দেখতে জানো।'

যুধড়ানো মন নিয়ে নির্মলেন্দু গুম খেয়ে থাকে। কেউ যেন ভালো চায় না, উন্নতি চায় না। জেলায় বার-তের হাজার তাঁতি পরিবার তাঁত বোনে। হাটে বাজারে স্নতো কেনে আর দিনের পর দিন এক ধাঁচের সস্তা কাপড় বুনে যায়—শতকরা সত্তর ভাগ তার শাড়ি। দূরে কোনো অজুহাত সৃষ্টি হয়, কারণ একটু খেয়াল জাগে, হাটে বাজারে স্নতোর দাম চড়ে যায়। সাড়ে সাতশো তাঁতি নির্মলেন্দুর প্রজা। অস্তুত এই জেলার তাঁতিদের সরবরাহের জন্তু স্পিনিং মিল করা আর তার নিজের প্রজা তাঁতিদের নতুন নতুন ডিজাইন শেখান খুব সহজ মনে হয়েছিল। সমুদ্রের লোণা স্নেহে এগুলোর শ্রামল সতেজ নারকেল গাছের ছড়া-ছড়ি—নিউ ইণ্ডাস্ট্রির অজস্র মোটরিয়াল। ভূমিহীন কর্মহীন মানুষের বাঁচবার নতুন উপায়।

ব্যবসায়ী-জমিদার বাপের সঞ্চয়-ক্রিয়ার প্রতিক্রিয়ার মতো নির্মলেন্দু ঘুরে ঘুরে লোকের অবস্থা দেখে বেড়িয়েছে আর জনসংখ্যা, চাষের জমি, গৃহশিল্প, আমদানি রপ্তানী, লাভ লোকসান এই সব হিসাব নিয়ে মাথা ঘামিয়েছে। একটানা দিন পনেরোর বেশী নয়। কারণ, এরা যে ধ্বংস হয়ে গেল, এরা যে ধ্বংস হয়ে গেল, এই মন্ত্রের আবৃত্তি মনের মধ্যে 'প্রতিদিন দ্রুত থেকে দ্রুততর হয়ে উঠতে উঠতে এক পক্ষের মধ্যেই সাইরেনের আওয়াজের মতো অসহ হয়ে উঠেছে। তখন কলকাতার পালিয়ে গিয়ে রাতের পর রাত শুনতে হয়েছে সঙ্গী-সাথীর কর্কশ

কোলাহলকে ছুরি দিয়ে কাটার মতো তীক্ষ্ণ কর্ণের গান, চুম্বকের পর চুম্বক দিতে হয়েছে গেলাসে আর অনেক রকম পাশবিক প্রক্রিয়া দিয়ে করতে হয়েছে শিক্ষাদীক্ষা ভক্ততার সঙ্গে প্যাঁচে প্যাঁচে জড়ানো বর্বরতাকে মুক্ত করার ব্যর্থ প্রয়াস।

তারপর শ্রান্ত হয়ে একদিন দাড়ি কামিয়ে, স্থান করে পোষাক বদলে রায়বাহাদুরের বাড়িতে গিয়ে একবার, শুধু একবার, বাহর বাঁধনে ধরা দেবার জন্তু মাধবীকে মিনতি করা এবং এই মাটির সহরে ফিরে এসে তাদের কথা নিয়ে মাথা ঘামান, যাদের প্রত্যেকের মুখে সে ঘোষণা-চিত্র দেখতে পায়: আমরা ধ্বংস হয়ে যাচ্ছি। তোমার টাকা আছে, সহায় আছে, বয়স আছে, আমাদের বাঁচাও।

নির্মলেন্দুর মনে হয়, সত্যই এ দায়িত্ব তার। যাদের ইচ্ছা ছাড়া কিছু নেই, ধীরেনের মতো যাদের দুটি খন্দরের জামা সফল, তারা চেষ্টা করেও কী করতে পারে? এ-কাজ তার, ওদের নয়।

তবু ওরা প্রাণ দিতে চায়, হয়তো দিতেও পারে, তাই কাজ আরম্ভ হয়েছে ওদের রীতিতেই। কিন্তু এগোচ্ছে কই কাজ? আত্মরক্ষার সাধ কই জাগছে তাদের মধ্যে যাদের তারা বাঁচাতে চায়? অগ্রিম পুরস্কার হাত পেতে নিচ্ছে, তিরস্কার শুনে অপরাধীর মতো হাসছে। শান্তি নেই, তাই যে যত পারে দিচ্ছে ফাঁকি। তবু এখনও ধীরেন, দিবাকর আর দীনেশ চাবুকের বিরোধী, শুধু কথা বলে বুঝিয়ে ওরা সকলের চেতনা জাগাতে চায়।

রাঘবকে একদিন খুঁটির সঙ্গে বেঁধে পিঠের খানিকটা চামড়া চেঁছে নিয়ে সেখানে লক্ষা বাটা লাগিয়ে দিলে, তার তিনটে তাঁত ভেঙে ফেললে আর ভেড়ির বাঁধ কেটে তার জমিতে লোণা জল ঢুকিয়ে দিলে, আরও সাঁইত্রিশ জন কি স্নাতো নিয়ে কাপড় বোনার বদলে বেচে ফেলতে সাহস পেত? মাইনে কাটা গেলে কি রোজ মজুরদের অশ্রুত করত?

মাটির গুঁড়ো খাবার ভয় থাকলে কি সাবান, ফিনাইল, ওষুধের পরসার
ভাড়া গিলত ? যেরে আশুন লাগিয়ে দেওয়া হবে 'জানলে কি কেউ
হুদিনের জন্তু কাজে ঢুকে কোম্পানীর পরসার ভাড়া ঘরের সংস্কার
করিয়ে সরে পড়ত ?

তৃতীয় দিন নির্মলেন্দু গিয়েছিল রাজগঞ্জে—মাইল তিনেক মোটরে, এক
মাইল পায়ে হেঁটে, বাকী পথ নৌকায়। রাজগঞ্জে রাঘব বাস করে।
রাত্রে সে যখন ফিরে এল, মেজাজে তার এতটুকু উত্তাপ নেই। পরদিন
মেঘহীন আকাশে তেজী সূর্য দেখা দিল, সে-ও চলে গেল কলকাতায়।
ডাক্তার বলল, 'ভয়ের কিছু আছে মনে হয় না। গেরস্ত ঘরের
বৌ তো ?'

নির্মলেন্দু বলল, 'ছোটলোকের বৌ, ভীষণ নোংরা। দুর্গন্ধে ঘরে দম
আটকে আসছিল।'

'কী যে খেয়াল আপনার !'—ডাক্তার হাসল, 'দেখা যাক। কদিন থেকে
যেতে হবে।'

'থাকব।'

রাজগঞ্জে স্মৃতি তখন বালিশের তলা থেকে নির্মলেন্দুর দামী রুমালটি
বার করে নাকের সামনে নাড়ছিল। স্মৃতি অনেকটা উপে গেছে। মনের
গর্ভ তার একবিন্দু কমেনি। এ-জগতে তার তুলনা নেই। রাজাকে জয়
করেছে, কে বলে সে রাজকন্যা নয় ?

কলকাতার বাড়িতে মা-বোনেরা থাকে, আর থাকে আত্মীয়-স্বজন।
তারা স্নেহময় আত্মীয়তা তোষামোদ দেয় অজস্র। নির্মলেন্দু কৃতজ্ঞচিত্তে
সব গ্রহণ করে, আশ্রিত ও লিপ্সুদের মন জোগানোর সস্তা চেষ্টা
পর্যন্ত। মানুষের মনের মাধুর্যের ঐশ্বর্য তাকে মুগ্ধ করে দেয়। সে

জুড়িয়ে যায়। সিনিকের অবস্থা সে পার হয়ে গেছে অনেক দিন, দাম কবতে আর সে ভুল করে না। চার বছরের বেকার জীবন ধীরেনকে হিসেব ভুলিয়ে দিয়েছে, বাড়ি থেকে চিঠি এলে যে-ভুলের জন্ত আজ তার মুখের তীব্র জ্বালা-ভরা হাসি কুটে ওঠে। মাসে মাসে টাকা পাঠিয়ে কিনতে হয় বলে এসব চিঠির যেন দাম নেই। টাকা দিয়ে আরাম যদি মানুষ কিনতে পারে, স্নেহ কিনতে এত বিতৃষ্ণা জাগে কেন? নির্মলেন্দু বলে, 'যা আছে আছে, যা নেই নেই। না জেনে যা পেয়ে কুতর্থা হয়ে যেতে, স্বরূপটা জানামাত্র বিগড়ে যাবে কেন? তোমরা, সিনিকেরা, গণ্ডমূর্খ।'।

মাধবী সম্পর্কে তার নিজের উদাহরণটা অনেকবার উল্লেখ করতে গিয়ে চুপ করে গেছে। তার টাকায় স্থায়ী অধিকারের লোভে মাধবী ধরা দেয় না, তপস্যা করার মতো তাকে ভুলানোর, আরও ভুলানোর, অভিনয় করে। দুদিনের জন্ত শুধু তার বিরক্তি এসেছিল, আজ লোভী মাধবীর ছলাকলা আগের মতোই তার চোখে ছপুর বেলায় রোদকে জ্যোৎস্না করে দেয়, রক্তে আগুন ধরিয়ে দেয়। এই রীতি মাধবীর ভালোবাসার। অন্য রীতিতে মাধবী ভালোবাসুক, এ-কথা ভাবাও কি বোকামি নয়? মাসীমা বলে, 'বড় রোগা হয়ে গেছিস বাবা, আমার মাথা খাস একটু তাকা শরীরের দিকে।' পিসীমা বলে, 'কালীঘাটে তোর নামে একটা মানত করেছি, কাল একবারটি নিয়ে চ আমার, পূজা দিয়ে মন্দিরে দাঁড়িয়েই প্রসাদী ফুল কপালে ছোঁয়াব।' আরও অনেকে অনেক কথা বলে। মাসীর ছেলে নন্দু ডাক্তারী পড়বে। পিসীর মেয়ে নলিনীর বিয়ে সামনের মাসে। আরও অনেকে অনেক উদ্দেশ্য রাখে। নির্মলেন্দু হাসিমুখে বলে, 'নন্দুকে আমার মিলে ঢুকিয়ে দেব মাসী। নলিনীর বিয়ে দেব ধীরেনের সঙ্গে।'।

মাসী ও পিসী শুকনো মুখে হাসির জবাবে কোনো রকমে হাসে। মুখের

হাসি নিভে অনেকের মুখ শুকনো হয়ে যায়। সবাই ভাবে, এখন এক খেলালে আছে, খেলাল বদলাক, হৃদয় মন উজাড় করে স্নেহ ঢেলে মন ভিজিয়ে সময় মতো আবদার ধরে প্রার্থনা মেটাতে হবে।

পিসীমার প্রকাশ্য অনুরোধটি কেবল সে রক্ষা করে, নিজে তাকে কালীঘাটে নিয়ে যায়। পিসীমার ভণিতাটিই সকলের চেয়ে আর্টিস্টিক। মন্দিরের প্রাঙ্গণে সে দাঁড়িয়ে থাকে, তার সামনে জলে ভেজা কুচকুচে কালো শিশু জীবকে হাড়িকাঠে ফেলে সামনের পা শেষে কোপ দিয়ে বলি দেওয়া হয়, অদূরে গেটের ধারে মাংস বিক্রী করে, মাংসের কাছে নেতিয়ে পড়ে থাকে কালো চামড়াটি, পালিশ করা কালো জুতোর মতো চকচকে। বাইরে রাস্তার ধারে আটচালায় একপাল পাঠা নজরে পড়েছিল মনে পড়ে যায়।

পশুর চামড়া মানুষের কাজে লাগে। ট্যান করা চামড়া।

এক মুহুর্তে নিষ্ক্রিয় ভাব কেটে গিয়ে নির্মলেন্দু মাটির সহরে ফিরে যাবার জোরালো তাগিদ অনুভব করে। তার জেলায় পশুর অভাব নেই। ট্যানিং-এর একটা কারখানা তো করা চলে অনায়াসে, রাজগঞ্জের উত্তরে ঝিলের ধারে যে প্রকাণ্ড জমি খালি পড়ে আছে, সেইখানে?

পরামর্শ-দানেচ্চুরা বলে, 'আজকেই ফিরে যাবে কেন? এক্সপার্টদের সঙ্গে পরামর্শ করে আগে একটা প্ল্যান ঠিক করে নাও? ট্যানিং-এর প্রসেস জানা লোকও দেখে শুনে ঠিক করতে হবে তো?'

নির্মলেন্দু জবাব দেয়, 'সবাইকে পাওয়া যাবে। একটা বিজ্ঞাপন দিলে দলে দলে ছুটবে সেখানে।' মাধবী বলে, 'দুতিন সপ্তাহ থাকবেন বলেছিলেন যে? কদিন পরে দেখা হল, থেকে যান না কটা দিন?'

আনাখামারের বাড়িতে নির্মলেন্দুর ঘরের কাছেই একটি একক নারকেল গাছ দাঁড়িয়ে থাকে। জানালা দিয়ে দেখা যায়। ঝড়ের সময় একদিকে পাতা বাড়িয়ে বাকা হয়ে দাঁড়ানোর ভঙ্গি দেখতে ভালো-লাগা কেমন

অভ্যাস হয়ে গিয়েছিল ! রবীন্দ্রনাথের অনুশাসনে মধ্যযুগের সংস্কৃতিকে শৈশব স্মৃতি দিয়ে 'অনুভব করার মতো গৌরব বোধ হত । গাড়ির গতিবেগের হাওয়া মাধবীর কাঁধের আঁচল আর মাথার আলগা কতগুলি চুল পিঁছনে ঠেলে দিয়েছে, তার নেতিয়ে-পড়ে হেলান দিয়ে বসার ভঙ্গিটা সামনের এক অদৃশ্য মানুষের দেহের চাপে পিছন দিকে ঝাঁক হয়ে যাওয়ার মতো ।

'হোটলে একটা ঘর নিয়ে রেখেছি ।'

'সত্যি, আপনি কত বড়লোকের ছেলে, কিভাবে আপনি মানুষ হয়েছেন, এসব মহৎ কাজে আপনি এমন ভাবে উঠে পড়ে লাগবেন, কখনো ভাবতেও পারিনি ।'

'সেই ঘরে ফিরে যাই চलो । আজ রাত্রে ট্রেনে আর যাওয়া হবে না ।'

'এমন অবাক হয়ে গেছে সকলে ! সব বড়লোকের ছেলেরা আপনার মতো হলে দেশের ইকোনমিক প্রবলেম কত সহজে সলভ হয়ে যেত !'

গাড়ির গতি কমে আসে, হঠাৎ দমক মেরে রাস্তার বাঁ দিকে দুটি বড় বড় গাছের গুঁড়ির ব্যবধানের মধ্যে ছোট-বড় আগাছার ঝোপ ঠেলে গাড়ি কয়েক হাত গিয়ে থেমে যায় ।

'এই গাড়িই তবে আমাদের বাসর ঘর হোক ।'

নির্মলেন্দু গাড়ির আলো নিভিয়ে দেয় । ভিতরের বাইরের সমস্ত আলো । মাধবী দরজা খুলে টুক করে নেমে যায় । দাঁড়ায় গিয়ে পথে । এখানে পথের ধারে অনেক দূরে-দূরেও আলো নেই । দূরে মানুষের বসতি আছে এটুকু শুধু বোঝা যায় দু-একটি আলো দেখে । রাস্তা দিয়ে একটি টিমটিমে আলো ছলতে ছলতে মৃদু গতিতে এগিয়ে আসছে আর পাওয়া যাচ্ছে গরুর গলায় বাঁধা ঘণ্টার টুংটাং আওয়াজ । নির্মলেন্দু পাশে এসে দাঁড়ায় । মধ্য রাত্রির স্তব্ধতার পাশের ঘরে

ঘুমন্ত দাদার ক্রিমির দোষে দাঁতে দাঁত ঘসার শব্দ মাধবী প্রায়ই শুনে
প্রায়। নির্মলেন্দুও মুখে তেমনি রোমাঞ্চকর শব্দ করছে।

‘নিজে থেকে ফিরে চলো, লক্ষ্মী মেয়ে! নইলে টেনে হিঁচড়ে নিয়ে
যাব। জান তো আমার?’

‘কী বলছিলাম? হ্যাঁ—আপনাকে আজকাল দেবতার মতো ভক্তি
করি। গাড়ে দশটার গাড়িতে চলে যাবেন, আর হয়তো সুর্যোগ পাব
না, প্রণামটা এখনি করে রাখি।’

সেইখানে হাঁটু পেতে বসে মাধবী প্রণাম করে। ব্যাপক প্রণাম।
সাঙুল পরা পায়ে মাথা ঠেকিয়ে রাখে কয়েক সেকেন্ড, সোজা হয়ে
ধীরে ধীরে পায়ে আঙুল বুলিয়ে মাথায় ঠেকায়। নির্মলেন্দু হতভম্ব হয়ে
দাঁড়িয়ে থাকে। এ সমস্তই অভিনয়। কিন্তু কার ক্ষমতা আছে এ
অভিনয়কে অগ্রাহ করার?

গরুর গাড়ি ধীরে ধীরে আরও কাছে এগিয়ে আসে। মাধবী উঠে দাঁড়ালে
নির্মলেন্দু বলে, ‘একটু পাশের দিকে সরে দাঁড়াও, গাড়িটা ব্যাক করি।’
সঙ্গী-সাথীরা বাড়িতে জমা হয়ে অপেক্ষা করছিল, সে ফেরামাত্র
সকলে কোলাহল করে উঠল।—‘কোথায় ছিলে এতক্ষণ? আজকেই
নাকি ফিরে যাবে? আজ যেও না। একটা রাত, শুধু আজকের রাতটা,
একটু আনন্দ করি এসো।’

নির্মলেন্দু বলল, ‘আনন্দ করব, গাড়িতে।’

এক-একজন এক-একটি কাজের ভার নিয়ে চলে যায়। স্ত্রীলোক
সংগ্রহ করতে কেউ, কেউ পানীয়, কেউ খাদ্য। গাড়ি ছাড়ার আধ ঘণ্টা
আগে কামরা জুড়ে বসে শুধু উত্তেজনায় তাদের নেশা হয়েছে মনে হয়,
স্ত্রীলোক তিনটি থেকে থেকে অকারণে খিলখিল করে হেসে ওঠে।
নতুনত্ব এই, এই তো অ্যাডভেঞ্চার! ছোটবাবু ছাড়া কার মাথায় এ
বুদ্ধি আসত?

এদিকে আত্মীয়তা দাবী করে নির্মলেন্দুকে স্টেশনে পৌঁছে দেবার অধিকার। গাড়ি স্টেশনে যাবে, গাড়ি ফিরে আসবে, কাউকে সঙ্গে নিতে নির্মলেন্দুর আপত্তি কেন? আপনজন কি তার কেউ নেই যে বাড়ি থেকেই সে যাত্রা করবে একা? সে সিনিক নয়, মমতা আর খাতির দুই-ই তাকে সমান যুক্ত করে, কিন্তু এ নেকামি কি সহ্য হয় মানুষের? প্রচণ্ড ধমকে গুরুজনেরা শুরু হয়ে যায়। ঠিক, নির্মলেন্দুর বাপও এমনি ছিল। ভাব করতে গেলে এমনিভাবে সে খেঁকিয়ে উঠত। একজন শুধু মিইয়ে মিইয়ে কাঁদে, পাঁচ বছরের ছোট বোন। মা নিষেধ করেন, 'যাওয়ার সময় চোখের জল ফেলিস নে খুকী।' খুকীর কাছে নির্মলেন্দু বিদায় নেওয়ার প্রয়োজন বোধ করে। কোলে তুলে নিয়ে কানের কাছে মুখ নিয়ে খুকী বলে, 'আমার পিয়ানো কই—ছোট পিয়ানো?'

ধীরে বলল, 'চারদিকে গোলমাল চলছে, তুমি কি বলে হঠাৎ কলকাতা চলে গেলে? একটা চেক পর্যন্ত সহঁ করে রেখে যাওনি।'

নির্মলেন্দু বলল, 'আর গোলমাল হবে না। এবার আমি সব ভার নিলাম। আমি একা মিল চালাব।'

'আমরা কী করব?'

'কাজ করবে, মাইনে পাবে। দেড়শো টাকা এলাউন্স পাচ্ছ, মাইনে পাবে একশো। যদি পোষাবে না মনে কর, তোমায় আমি জোর করে আটকাব না ভাই।'

'তার মানে তোমার চাকর হয়ে থাকতে হবে?'

নির্মলেন্দু লোহাটে হাসি হেসে বলল, 'চাকর কেন, কর্মচারী। তাও শুধু অফিস টাইমে। অন্য সময়ে যেমন বন্ধু আছ তেমনি থাকবে।'

তাছাড়া, সামনের মাসে নলিনীকে বিয়ে করে আত্মীয় হয়ে যাবে।
বিয়ের পর মাইনে বাড়িয়ে দেড়শো করে দেব।’

ছকুমের পর ছকুম জারি হতে থাকে, কেউ বরখাস্ত হয়, কেউ গালা-
গালি খেয়ে আরেকবার সুযোগ পায়, কর্মচারীর বেতন আর মজুরের
মজুরী চলতি হারে নেমে যায়, অত্যাচারের যে ক্ষমতা অফিসারদের
হাত থেকে কেড়ে নেওয়া হয়েছিল সেটা তাদের ফিরিয়ে দেওয়া হয়,
বাড়তি সুবিধা বাতিল হয়ে যায়, চুপিচুপি নির্মলেন্দুকে খবর জানাবার
স্পাই গজিয়ে ওঠে কয়েকজন। মিলের কাঠের গেটের স্থানে লোহার
গেট বসে, গেট বন্ধ করবার আর খুলবার সময় লোহার শিকল বানবান
করে বেজে ওঠে।

গোড়ার দিকে একবার শুধু কয়েকটি গোয়ার হাঙ্গামা বাধাবার
চেষ্টা করে; গেটের সামনে দাঁড়িয়ে সামনা-সামনি নির্মলেন্দুর সঙ্গে
কথা বলবার দাবী জানিয়ে তারা হুলা শুরু করে এবং পুলিশ এসে
কয়েকজনের মাথা ফাটিয়ে দিয়ে যায়।

রাঘবের যে অপরাধ আগেই ক্ষমা করা হয়েছিল, এতদিন পরে
সেই অপরাধে ছমাসের জন্তু তাকে জেলে পাঠিয়ে দেওয়া হয়।

তারপর একদিন নির্মলেন্দু রাজগঞ্জের উত্তরে ঝিলের ধারে তার
নতুন কারখানা দেখতে যায়। দ্রুত গতিতে ট্যানিং-এর কারখানার
অনেকগুলি ঘর উঠেছে, কাজ আরম্ভ হয়ে গেছে। এখনো কয়েকটি
ঘর তোলা হচ্ছে। বর্ষার পরে এখন শরৎকাল। শ্বেত পদ্মের পাতা
আর ফুলে ঝিলের জল চোখে পড়ে না। কেবল কারখানার দিকে
তীরের কাছে ফুল আর পাতা সাফ করে ফেলা হয়েছে।

আগে এই ঝিলের ধারে দাঁড়ালে পদ্মের ঘন গন্ধে মোহ জাগত।
আজ এলোমেলো বাতাস শুধু দুর্গন্ধ এনে দেয়। ঘরের কোথাও ইঁদুর
পচলে এরকম গন্ধ হয়।

সুগন্ধি সিঙ্কের কামাল নাকে চেপে ধরে নির্মলেন্দু গ্রামের দিকে চলতে থাকে। গ্রাম পর্যন্ত চামড়ার কারখানার গন্ধ পৌঁছয় না, তবু রাজগঞ্জের সমস্ত মানুষ-বিলের ধারে কারখানা বসানোর বিরুদ্ধে প্রবল আন্দোলন আরম্ভ করেছে। আন্দোলন সে গ্রাহ্য করে না। সে জানে, ধীরে ধীরে বিমিয়ে পড়তে পড়তে দুদিন পরে এ আন্দোলন নিস্তেজ হয়ে পড়বে। কিন্তু গাঁয়ের পথে তাকে একলা দেখে কোনো গাঁয়ার প্রজা লাঠি মেরে বসবে না তো ?

মাটির ঘরের রোয়াকে স্মৃতি চাটাই পেতে শুয়ে ছিল। জুতোর শব্দে সে ধড়মড়িয়ে উঠে বসল।

ঘরে আজ পচা হুঁহুরের গন্ধ ছিল না। শুধু স্মৃতির চূলে একটা সস্তা কেশ তৈলের গন্ধ আছে। রাঘব তাকে যে তৈলের শিশিটা কিনে দিয়েছিল এখনো সেটা ফুরিয়ে যায়নি। নির্মলেন্দুর কারখানার নারকেল তেল গাঁয়ের মুদিখানায় বিক্রী হয়। সেই নারকেল তৈলের সঙ্গে একটু একটু সুগন্ধি তেল মিশিয়ে স্মৃতি ব্যবহার করে।



মুখে ৩৩

শশধর ঘোষের বড় মেয়ে শ্রীমতী বেলারানীর প্রথম ছেলের মুখে তাত দেওয়া হবে। ভোজ রান্নার জন্তু গগন ঠাকুরকে ডেকে পাঠান হল। একবার, দু'বার, তিনবার। আসব ব'লেও গগন আর আসে না। শশধর উদ্বিগ্ন হলেন। বেলারানীর ক্রোধের সীমা রইল না।

“ওর পায়া ভারি হয়েছে বাবা। নটবরকেই ডেকে পাঠাও না?”

“আজকের দিনটা দেখি। কাল তাই ডাকব।” বলে শশধর মোটরে চেপে আপিস গেলেন।

উড়িয়া ঠাকুর নটবরের সঙ্গে গগনের পার্থক্য অবশ্য অনেকখানি, নইলে আর এভাবে বার বার ডেকে পাঠিয়ে অপেক্ষা করা কেন। গগনকে তার দিয়ে নিশ্চিত হওয়া যায়। কত লোক খাবে আর কি খাবে ব'লে দিলেই গগন ফর্দ ঠিক করে দেয়, হিসাবে তার কখনো ভুল হয় না। জিনিস কম পড়ার বিপদ আর অপচয়ের আপসোস, কোনোটাই সে ঘটতে দেয় না। রান্না গগনের খারাপ হয়েছে -এমন

কথা কোনোদিন কারো মুখে শোনা যায় নি। মধ্যাহ্নের নিমন্ত্রিতদের বেলা পাঁচটার আসনে বসানো তার স্বভাব নয়। থাকে সে পরিচ্ছন্ন, কাজও করে পরিষ্কার। রান্নাঘরেই হোক আর অস্থায়ী চালার নিচেই হোক, তার রান্না করা দেখে অভ্যস্ত যে খুঁতখুঁতে মানুষ তারও খিদে কমে যাবার ভয় থাকে না।

তাছাড়া, মানুষটা সে জানাশোনা। কয়েক মাস সে এ বাড়িতে কাজ করেছে। বেলারানীর বিয়ে হল পৌষের শেষে, তার আগের শ্রাবণের শেষে গগন চাকরি করতে এল নটাকা বেতনে। শ্রাবণের পর ভাদ্র, ভাদ্রমাসে বিয়ে পৈতে কোনো শুভকর্ম হয় না। পেশাদার ঠিকে বামুনরা কারো বাড়িতে যদি বাঁধা কাজ করে তো করে বছরের ওই একটি মাস, বসে থাকার বদলে থাকা খাওয়া আর বেতন পাওয়া যায়, অন্য সময় এ কাজ তাদের পোষায় না। আশ্বিন মাস শুরু হতে না হতে ডাক আসতে লাগল নানা জায়গা থেকে, গগন কিন্তু কাজ ছাড়ল না। যে বৌ নেই তাকে যেরে, যে ছেলে কশ্বিনকালে ছিল না তার অসুখ ঘটিয়ে এবং আরও কয়েকটা মিথ্যা ছুতোয় ছুটি নিয়ে মাঝে মাঝে দু'এক জায়গায় রেঁধে এসে সামান্য যে উপরি রোজগার হল তাতেই সে যেন খুশি হয়ে রইল। বিদায় সে হল বেলারানীর বিয়ের ভোজ রেঁধে। বাড়ির বামুনের বাড়তি পাওনা হয় না, এই হিসাব ধরে শশধর তাকে বখসিস্ দিতে গেলেন দুটি টাকা। গগন দাবী করল দশ টাকা। টাকা দুটি নিয়ে কোমরে গুঁজে দাবীটা জানিয়ে রাগ করে সে বিদায় হয়ে গেল।

বিকলে দেখা গেল, শশধর গগনকে একেবারে গাড়িতে চাপিয়ে বাড়ি ফিরেছেন। আপিস থেকে ফিরে ঘরোয়া জীবনের অন্ত প্রস্তুত হতে শশধরের ঘণ্টা খানেক সময় লাগে। গগনকে বসিয়ে তিনি

প্রস্তুত হতে গেলেন, বেলারানী খবর পেয়ে কৌস কৌস করতে করতে ওপর থেকে নেমে এসে বললে, 'তোমার কেমন ধারা বিবেচনা গগন ? না পারলে বলে দিলেই হত আসতে পারবে না, তুমি ছাড়া কি ঠাকুর নেই দেশে ?'

“আমার মতো নেই। কেমন আছ দিদিমণি ?”

যুখে জবাব দেবার দরকার নেই বলেই বেলারানী যেন নিজেকে জবাবের মতো সামনে দাঁড় করিয়ে রাখল। বিয়ের পর, ছেলে বিয়োবার পর, বেলারানী একেবারে বদলে গেছে। বিয়ের সময় তার চেহারাটি ছিল রুগ্ন বালকের মতো। সোনার হার অনায়াসে এদিক ওদিক দোল খেত। ছেলেটা এসে তাকে এমন করে দিয়েছে যে দেখলে মনে হয়, এখনো সে মা হয়নি, হতে চায়। ক্রমে ক্রমে পাওয়ার বদলে হঠাৎ পাওয়া এই সম্পদ নিয়ে বেলারানী আর বাঁচে না, তাকে চটিয়ে দিয়েও রাস্তার লোকের পর্যন্ত তাকিয়ে যাওয়া চাই। “মরণ, তোমার !”—বলে অভিশাপ দিয়ে সরে যাবার সুষোগ না পেলে মনটা খারাপ হয়ে যায়। বাপের বাড়ি এসেই বেলা সকলের আগে পাড়ার চেনা মানুষদের বাড়ি ঘুরে এসেছে, বিয়ের আগে তেরো বছরের ছেলের মতো আঠারো বছরের নিম্ন বেলাকে দেখে যারা না জানি কি ভাবত! বিশেষভাবে আদর করে বাড়িতে ডেকে এনেছে সেই সব বিবাহিতা ও অবিবাহিতা সঙ্গিনীদের, যাদের হাসাহাসি তার রক্তকে তেতো করে দিয়েছিল। বিয়ের পর, ছেলে হবার পর, গগনও তাকে আর দেখে নি। ব্যাকুল হয়ে সিঁড়ি ভেঙ্গে নিচে নেমে বেলারানী ছোট ছোট নিশ্বাস ফেলছে। বুক ছুরছুর করছে বেলারানীর। গগনের কি চোখ নেই? তাকে জিজ্ঞেস করা, সে কেমন আছে! তবে হ্যাঁ, অনেক দেরিতে দেরিতে পলক পড়ছে বটে গগনের চোখে, দৃষ্টি বুলিয়ে বুলিয়ে কি যেন সে মাগিয়ে দিচ্ছে সারা গায়ে, গা যাতে শির শির করে।

“ছবির মতো দেখাচ্ছে তোমার দিদিমণি।” চাপা গলায় বেন্দুর আওয়াজে গগন বলল।

“মরণ তোমার!” অভিশাপ দিয়ে হেসে বেলারানী ওপরে নিজের ঘরে গেল। গগনের একটিমাত্র বেসাদপি মাপ করবে, আগেই তার ঠিক করা ছিল। তার বেশি আর কিছু নয়। এই বেশ হয়েছে। গগন ভাববে, জয় আমার বাবরি চুলের, দিদিমণি আমায় ভোলে নি! ভুলেছে কিনা দেখিয়ে দেবে বেলারানী। এমন স্পর্ধা একটা রাধুনী বামুনের, একবার দেখা করতে আসে না দেড় বছরের মধ্যে, মুনিব-কত্তা তাকে মনে রেখেছে মনে করে!

শশধরের সঙ্গে বেলার মা-ও এলেন পরামর্শের জন্ত। বললেন, “পারবে তো গগন? লোক কিন্তু খাবে অনেক।”

সফল শিল্পীর সুবিনীত অনুদার আত্মগন্নিমাকে স্পষ্টতর অভিব্যক্তি দিয়ে গগন বলল, “পরশু চিৎপুরে দুহাজার লোক খাইয়ে এলাম মা। বাবু মনভোলা মানুষ, আগের দিন রাত দশটায় আমার হাত চেপে ধরে কেঁদে ফেললেন, ‘কি হবে বাবা গগন, আয়োজন করেছি হাজার লোকের, লোক যে খাবে দুহাজার!’ আমি বললাম, ‘বাবু, আমি থাকতে ভাবছেন? মোটে হাজার লোক বেড়েছে, বলুন না আরো দুহাজার লোককে’—

শশধর বললেন, “বাইরের লোক খাবে শ’ চারেক। বিশজন বেশি ধরাই ভালো—চার শ’ কুড়ি জন। ঘরের লোক হবে”—

বেলার মা সাগ্রহে জিজ্ঞাসা করলেন, “তুমি কি করলে গগন? একেবারে হাজার লোক ভুল! কি বিপদ, মাগো!”

ঝির কোলে বেলারানীর ছেলে। পরিপুষ্ট নধর শিশু, পেটেন্ট ফুডের বিজ্ঞাপনের ছবির মতো। সাত আট মাসের ছেলেটাকে কোলে নিয়ে বেশিক্ষণ ঘুরতে ঝি বেচারির বোধহয় রীতিমত কষ্ট হয়।

“দিব্যি পুষ্টু খোকা, মা ।”

“ও আবার কি কথা গগন ? অমন করে বলতে আছে ?”

“আমি বললে দোষ হয় নাগো, মা’ঠান । আমার বলা হল গিয়ে
আশীর্বাদ—বামুনের ছেলে বটি তো ।”

খোকাকে কোলে নিয়ে গগন মুখে নানারকম আদরের শব্দ করে ।

খোকার নতুন শেখা ফোকলা হাসি তার লাগে বেশ । মনে হয় এ যেন

তার চেনা খোকা । কোনোরকম পরিচয়ের ভূমিকা ছাড়াই তাই

একেবারে হাসাহাসি শুরু হয়ে গেছে । নাকটি একটু বোঁচা খোকনের,

ডগা বলা চলে এমন কিছু নেই । চোখের বাইরের কোণে স্পষ্ট ভাঁজ

আর রেখা আছে । কানের পাতা দুটি মাথার সঙ্গে লেপ্টান । মনে

হয় যেন আঠা দিয়ে এঁটে দেওয়া হয়েছে, আপনা থেকে গজায় নি ।

বেলার মা বললেন, “আট মাসে জন্মানো ছেলে । বলতে নেই, ছেলে

দেখে সবাই তো অবাক । ডাক্তার বললে, হিসেবে ভুল হয়েছে,

এ ছেলে দশ মাসের । কি কথা মুখপোড়া ডাক্তারের ! মেয়ের আয়ার

বিয়ে হল দশ না এগার মাস”—

শশধর এসে পড়েছিলেন ।

“আচ্ছা, আচ্ছা । ওসব কথা থাক । কাগজ কলম আনো দিকি, ফর্দটা

করে ফেলি ।”

খোকাকে গগন তাড়াতাড়ি কোল থেকে মেঝেতে বসিয়ে দিল,

অম্পৃশ্বে বর্জন করার মতো । ঠোঁট ফুলিয়ে খোকা করল কাঁদবার

উপক্রম । খোকার চিবুকের মাঝামাঝি একটু খাদের মতো আছে ।

পায়ের ছনস্বর আঙ্গুল দুটিও কি একটু খাপছাড়া রকমের বড় নয়

খোকার ?

“কি যে তুমি কর গগন ! কোল থেকে ছেলে নিলে, কোলে তো

দিতে পারতে ? মাটিতে নামালে কোন বিবেচনায় ?”

বেলার মা তাড়াতাড়ি নাভিকে কোলে তুলে নিলেন ।

আড্ডা-বাগায় সে রাত্রে তাসু খেলা জমল না । পিছন দেখে চিনতে পারা যায় এমন রঙচটা দাগ লাগা তাস, তাই নিয়ে খেলতে খেলতে দুদিন আগেও পঞ্চর সঙ্গে গগনের হাতাহাতি হয়ে গেছে । আজ সাড়ে পাঁচ আনা হেরে যাবার পর কানাই সন্ধিগ্ন হয়ে বললে, “ব্যাটার লেগে মন কাঁদে নাকি রে গগন ? তা কি করবি বল, এ্যারে কম্ব কপাল । তোর ব্যাটা বাপ বলবে অণ্ডকে ।”

ভুম খাওয়া গগন বললে, “থুক ! ছুঁতে ঘেন্না করে, মন কাঁদবে ! আগে জানলে কি কোলে নিতাম ? আমার হোক, যার হোক, বেজম্মা বটে তো । বায়ুনের ছেলে, ঘেয়ো কুস্তার গা চাটবে তো বেজম্মার ছায়া মাড়াবে না । শাস্তরে আছে ।”

জীবনে প্রথম আসল রক্তে খাঁটি আগুন ধরে যাওয়ার গগন স্তম্ভিত হয়ে গেছে । বিয়ের আগে তার রক্তকে বেলারানী যেন শুধু দাহ পদার্থে পরিণত করে রেখেছিল, ফুলিঙ্গের অভাবে আগুন ধরাতে পারে নি । এবার একেবারে মশাল ছুঁইয়ে দিয়েছে ।

প্রথমে বোঝা যায় নি । বিকালে টের পাওয়া গিয়েছিল শুধু কাঁক আর কিছু নয় । তা, অমন কাঁক পথে ঘাটে কত লাগে । লক্ষীও একদিন লাগিয়েছিল এবং এখনও তার জের চলেছে । কে জানত তাপের চেয়ে আগুন এত বেশি গরম !

দেবতার মতো, মামুষের মতো আর পশুর মতো একনিষ্ঠ মতি । গতাস্তর না থাকার সামিল ছরবছা । প্রথম থেকে বেলারানী যদি এইরকম হত, গগন এমন ব্যাকুল হত কিনা সন্দেহ । সে হত জানা কথা, একবার যা জীবনের সীমার বাইরে চলে গিয়েছিল আরেকবার তাই শুধু চোখে দেখা ।

পাড়ায় একদিন বিয়ে হল বেলারানীর গা-জালানো মোটাগোটা

রূপসী একটি মেয়ের, বাসর থেকে বেলারানী এল খালি বাড়িতে, বিনা।
ভূমিকায় আশ্রয় করল মেঝেতে বিছানো গগনের ময়লা বিছানা।
গগন খানিক বুঝল, খানিক বুঝল না। সার্ট কিনে গায়ে চাপাল, চুল
আঁচড়াতে লাগল সযত্নে, একদিন অন্তর কামাতে লাগল দাড়ি।
নিজেকে মনে হতে লাগল কোনো এক দিগ্বিজয়ী সম্রাট উদ্ভলোক।
পোকায় ধরা জীবন্ত বাঁশের কঞ্চি মনে হোক, মুনিব শশধরের মেয়ে তো
বেলারানী।

কি মেজাজ সে মেয়ের, কি তেজ! একজনের দাপটে সারাটা দিন
বাড়ির মানুষ যেন তটস্থ হয়ে থেকেছে। গগনকেও সে যে রেহাই
দিত তা নয়। রাত দশটায় খেতে বসেই হয়তো ভীকু গলায় চোঁচিয়ে
উঠেছে, “এই ঠাকুর! এই হুম্মান! কত মুন দিয়েছ ডালে?”

অন্য কারো কাছে ডাল মুনকাটা লাগেনি। প্রতিবাদ জানাতে সামনে
এসে খালার দিকে তাকিয়ে গগন হেসে বলেছে, “পাতের মুন মেখে
ফেলছ দিদিমণি।”

“তোমার মুণ্ড করেছে দিদিমণি। কদিন না তোমায় বলেছি মুখের
ওপর জবাব দেবে না? দূর করে দেব, বজ্জাত কোথাকার।”

পরদিন নিজেই দূর হয়ে যাবে ভাবতে ভাবতে গগন বিছানায় শুয়ে
ঘুমিয়ে পড়েছে। বাড়ির শেষ জাগা মানুষটির সাড়াশব্দ শেষ হবার
আগেই হয়তো এসেছে বেলারানী। জিদ নেই, তেজ নেই, অহংকার
নেই—তিথারিণীর মতো।

অপরিপুষ্ট শরীরটির জন্তু শুধু তিথারিণী অভিসারিকার মতো অবশ্য,
অন্য বিষয়ে তার একগুঁয়েমির বিকার সে সময়েও সমান জোরালই
থাকত।

“সব জেগে আছে। কেউ যদি বাইরে আসে?”

“আমুক। কি আর হবে, জানবে। আমি ডরাই না।”

তারপর নিখাস বন্ধ করে : “আমায় তোমার পছন্দ হয় ? সত্যি পছন্দ হয় ? দেব গো দেব, টাকা তোমায় দেব, মাইনের তিনগুণ টাকা দেব । আগে বলো না, কেমন ধারা পছন্দ হয় আমাকে ? একটুখানি ? তার চেয়ে বেশি ? খুব বেশি ?”

এক মাসের মধ্যে সব ভোঁতা হয়ে গিয়েছিল, মনিব-কত্তা যদিও রাজকত্তারই স্তরের, তবু আর ভালো লাগত না । সময়মতো বেলারানীর বিয়ে না হলে গগন হয়তো নিজে থেকেই চাকরি ছেড়ে পালাত ।

ভোজের আগের দিন রাত্রেই গগন হাতা খুন্তি নিয়ে শশধরের বাড়িতে হাজির হল । শেষরাত্রে চুলোয় আগুন পড়বে । সহকারী দুজনকে তার সঙ্গে আনা উচিত ছিল, কতগুলি অকথ্য যুক্তি দেখিয়ে তাদের সে আড্ডা-বাসাতেই রেখে এসেছে । রাত তিনটেয় পঞ্চ ও কানাইকে হেঁটে এতদূর আসতে হবে ; দেয়ি তারা করবে সন্দেহ নেই । বাড়ির সকলে অসন্তুষ্ট হল, বেলারানী পর্যন্ত ।

“তোমার কাণ্ডজ্ঞান নেই গগন ।”

“আমি থাকতে ভাবছ দিদিমণি ?”

আত্মীয় পরিজন এসে পড়েছে, বাড়ি আজ রাত্রেই সরগরম । বারান্দার একদিকে সাতটি বাঁটি পেতে সাতজন স্ত্রীলোক তরকারি কুটছে, ঘিরে বসে আছে আরও পাঁচ সাত জন ; তাদের আলাপ আলোচনায় সেখান থেকে উঠছে হাটবাজারের কলরব । বালিশ আর সতরঞ্চির বিছানা বগলে নিজের আগেকার শোবার কুটরিতে গিয়ে গগন দেখল, সেখানে চৌকি পেতে শশধরের নিজের লোকের শোয়ার ব্যবস্থা করা হয়েছে ।

বিছানার পুঁটলি নামিয়ে রেখে বেলারানীর খোঁজে সে দোতলায় গেল । অন্ত সব ঘরে গাদাগাদি করে মানুষ ঘুমবে, শুধু বেলারানীর ঘরটি বাদ পড়েছে । জামাই এসেছে অনেক দিন পরে, মস্ত ঘরের

একপাশে খাটের বিছানা শুধু সে আর বেলারানীর জন্য। খোকা ঘুমিয়ে আছে মেঝেতে, লাল মশারির নিচে।

“আমি কোথায় শোব দিদিমনি ?”

“তাও আমাকে বলে দিতে হবে ? যেখানে জায়গা পাবে শোবে যাও বাপু, আজ রাতে আর আরাম করে শোয় না।”

“ঘুপচি টুপচি যেখানে দেবার দাঁও দিদিমনি, শোব কিন্তু আমি একলাটি। কেউ থাকবে না সেখা।”

চাপা গলায় গগনের কথা বলার ভঙ্গিটা আবেদনের নয়। দুঃস্বপ্ন অতি তুচ্ছ বেয়াদপিতেই বেলারানী রাগ করবে ঠিক করে রেখেছিল। হাসি পাওয়ায় ইচ্ছা থাকলেও রাগ দেখাতে পারল না।

“তুমি তো বড় নবাব হয়েছ গগন ?”

“রান্না ঘরে, ভাঁড়ার ঘরে—”

“কোথাও খালি নেই। কিষণলাল আর মেজ্জামার চাকরটা বাইরের ঘরে শোবে, সেইখানে শোওগে।”

রাত্রি আরও গভীর হয়ে এলে বেলারানী যখন সংকোচ জয় করে ঘরে গিয়ে দরজা দেবে ভাবছে, গগন সিঁড়ির মাথায় পাকড়াও করল।

“আমি ছাতে গিয়ে শুলাম দিদিমনি।”

“হিমের মধ্যে ছাতে শোবে ?”

“ছাত ফাঁকা হবে। কেউ যাবে না।”

ঘরের মধ্যেই চাদর গায়ে দিলে আরাম বোধ হয়, খোলা ছাতে বেশ ঠাণ্ডা। কুয়াশায় রাস্তার আলোগুলি আবছা হয়ে গেছে। সতরঞ্চি বিছিয়ে বসে বসে একঘণ্টা গগন বিড়ি টানল। মাঝরাত্রি এতক্ষণে পার হয়ে গেছে। নিচে থেকে আর মানুষের গলা কানে আসে না। এইবার বেলারানীর আঙ্গুর সময় হয়েছে। যে কোন মুহুর্তে সে আসতে পারে। তাড়াতাড়ি আগাই ভালো, রাত তিনটের সময় বাড়ির

মানুষেরা আজ হয়তো আবার জাগতে আরম্ভ করবে। আধঘণ্টা পরে গগন একবার নিচে থেকে ঘুরে এল। নিচের বারান্দায় এখনো কয়েকজন অনুগ্রহপ্রার্থিনী বিধবা তঁরকারি কুটছে, ঘুমে ও শ্রান্তিতে মুখে তাদের কথা নাই। দোতলায় বেলারানীর ঘরের দরজা বন্ধ।

এবার সতরঞ্চিতে শুরু গগন বিড়ি টানতে লাগল। উনানের আঁচ সয়ে সয়ে গায়ের চামড়া বোধহয় বিগড়ে গেছে, সামান্য ঠাণ্ডাতাই বড় কষ্ট হতে লাগল। জ্বর এসে শীত করার মতো!

রাত জেগে ঘুমিয়েছে বেলারানী, তবু সে উঠল খুব ভোরেই। বাড়ির প্রায় সকলেই অবশ্য তখন উঠে পড়েছে। সিঁড়ি দিয়ে বেলারানী নিচে নামতে না নামতে কোথা থেকে গগন এসে দাঁড়াল।

“খোকা ঘুমোচ্ছে দিদিমণি, তোমার খোকা?”

“হ্যাঁ। কেন?”

“একবারটি কোলে নিতাম?”

“নিও। ঘুম ভাঙলে নিও।”

শিথিল শ্রান্ত বেলারানী হঠাৎ জীবন্ত হয়ে ছিটকে সরে গেল।

ধোপ ছরস্তু কাপড়ে মালকৌচা এঁটে, কোমরে গামছা বেঁধে, বাবরি চুল সামলাতে মাথায় একটুকরো লাল সালুর ফেটি জড়িয়ে গগন প্রকাণ্ড হাতা দিয়ে ডেকচির ভেতরটা নাড়তে থাকে, চেনা মানুষ কাছে এসে খাতির করে বলে, “কেমন আছ গগন?”

হাতা খুন্টি নাড়া চাড়া শুরু করেই গগনের মুখে সফল শিল্পীর অনুদার আত্মগরিমার ছাপটা স্পষ্টতর হয়ে উঠেছে। সহকারী পঞ্চ ও কানাই উঠছে বসছে তারই হুকুমে। পঞ্চ বয়সে বড়, একটু রোগা এবং বাঁকা, কপালে তোলা গাঁজাখোরের চোখ, নেশা কিন্তু তার দেশি মদের। কানাই-এর বাড়ি কিশোর বয়সেই বন্ধ হয়ে গেছে, মুখের ক্ষেতে গৌফ-

দাড়ির ফসলে তার দারুণ অজন্মার লক্ষণ। গগনের প্রতিভাগত
অসংঘের সংকট কিন্তু সেই সামলে চলে। মাঝে মাঝে গগনের কোঁক
চাপে পুরানো খাণ্ডে নতুনত্ব আনবে, এমন স্বাদ সৃষ্টি করবে মানুষের
জিভ যার পরিচয় জানে না। হঠাৎ-জাগা উৎসাহে ও উল্লাসে একটানে
হাতের বিড়িটা চড়চড় শব্দে আধখানা পুড়িয়ে সে বলে, “খেয়ে যদি
সবাই পাত না চাটেরে কানাই, বাপ আমার জন্মা দেয় নি।”

কানাই তখন সৃষ্টি-পূর্ব সমালোচকের মতো মাথা নেড়ে বলে, “উঁহঁক।
সেটি হবার নয়। কালিয়া যদি না কালিয়া হবে তো গাল দিয়ে ভূত
ছাড়িয়ে দেবে।”

গগন তা জানে, অভিজ্ঞতাও আছে। কেবল মনে থাকে না। খাবে অল্প
লোকে, উপভোগ তাদের বলে পছন্দ অপছন্দের অধিকারটাও তাদেরই,
তবু তাদের বৈচিত্র পরিবেশনের সুযোগ না পেলে সব যেন কেমন
একধেয়ে মনে হয় গগনের। কখনো সে মুষড়ে যায়, কখনো রাগের
জ্বালায় থুক করে থুথু ফেলে দেয় মাছ তরকারির পাত্রে।

বলে, “স্বাদ হবে।”

কোনের ছোট উহনে বেলারানীর মাসি পায়ের রাঁধতে এলেন, খোকার
মুখে দেবার পায়ের। সঙ্গে এল বেলা। ইতিমধ্যে আরেকবার কাপড়
বদলে সে তাঁতের কোরা কাপড় পরেছে, সাবান মেখে করেছে স্বান।
রান্নার গন্ধ পর্যন্ত ছাপিয়ে উঠেছে তার গায়ের তেল সাবানের গন্ধ।

“মন দিয়ে রেঁধো গগন। রান্না ভালো হলে আমি তোমার একটাকা
বখসিস দেব।”

ঘণ্টাখানেক পরে আরেকবার সে এল। একা।

“কি কি নামালে গগন? পোলাওয়ের রঙ তো খোলেনি। জাফরান
দাওনি বুঝি? বললাম যে দিতে?”

চারিদিকে একনজর তাকিয়ে—

“এত আগে বেগুন ভেজে রাখলে কেন ?”

বিয়ের আগে দিনের বেলায় দাপটের সঙ্গে তার আজকের কর্তালির তুলনাও চলে না, কিন্তু সে দাপটের ধরন ছিল ভিন্ন। চিবিয়ে চিবিয়ে গা-জ্বালানো কথা বলার কায়দাটা সে বিয়ের পর আয়ত্ত্ব করেছে। সে চলে গেলে গগন বললে, “শুনলি কানাই ? দেয়াক দেখলি ?”

বন্ধুর বদলে কানাই কিন্তু বেলারানীকেই সমর্থন করল। “তা, দেয়াক ভাই করতে পারে।”

গগন কথাটি না বলে হুনের পাত্র হাতে তুলে নিল। কানাই তাকে চিরদিন সামলে এসেছে, আজ বৌকটা কোন দিক থেকে এল ঠিক ধরতে না পারায় তার ক্ষমতার কুলিয়ে উঠল না। হতভম্বের মতো সে শুধু জিজ্ঞাসা করতে লাগল, “ওকি হচ্ছে ? ওকি করছিস গগন ?”

ছোট ছেলেমেয়েরা খেতে বসল আগে। বেগুন ভাজা ছাড়া সব কিছুই হুন কাটা, মুখে দেওয়া যায় না। বেগুন ভাজার হুন ছড়িয়ে দিতে গগনের খেয়াল ছিল না।

মেয়ে



নীরদ ঘোষাল এককালে বড় অত্যাচারী ছিল। প্রচুর মদ খেত কিন্তু মাতাল নিয়ে যাদের কারবার সে সব স্ত্রীলোক তার পছন্দ হত না। ভালো অবস্থায়, মত্ত অবস্থায় এ জগতে তার কাছে একমাত্র স্ত্রীলোক ছিল তার স্ত্রী। এ নিয়ে সে রীতিমত গর্ব অনুভব করত। মাতাল কিন্তু চরিত্রহীন নয়, এমন মানুষ কটা আছে এ জগতে!

প্রায়ই মাঝরাতে অমুরূপার চাপা কারার গোঙানি ও হঠাৎ বাতাস-চেরা তীক্ষ্ণ আর্তনাদ শুনতে শুনতে প্রতিবেশীদের অভ্যাগ হয়ে গিয়েছিল। বেশি রাতে নীরদ বাড়ি ফিরেছে টের পেলে পাশের বাড়ির মেয়েপুরুষ কান পেতে থাকত। চোখের আড়ালে মাঝরাত্রির ওই মর্মান্তিক অভিনয় তাদের কল্পনার এক ভয়াবহ রহস্য হয়ে উঠেছিল, অমুরূপার আঁতিগুলি তাদের সর্বাঙ্গে কেমন একটা অকথ্য অনুভূতির সাড়া জাগিয়ে তুলত : প্রত্যেকে নিজের মধ্যে অমানুষিক নির্মমতার

আনন্দ উপভোগ করত । বেশি পরিমাণে পচনশীল খাদ্য বাড়িতে এলে পাড়ায় বিলি করার প্রথা আছে । নীরদ যেন আশেপাশের কয়েকটা বাড়ির স্তিমিত নিস্তেজ একঘেয়ে জীবনে তার উৎকট উল্লাসের স্বাদ পাঠিয়ে দিত ।

সে-সব দিন গেছে ।

আপনা থেকেই গেছে । নীরদ আর মদ খায় না । হৃদয় আর মনটা তার নরম হয়ে গেছে সত্য কিন্তু সেটা কাউকে মদ ছাড়তে সাহায্য করে না । মদের স্বাদটাই তার কাছে নষ্ট হয়ে গেছে । দেহ-যন্ত্র খারাপ হয়ে নয়, তার বিশাল দেহটা বরং আগের চেয়ে শক্তিশালীই হয়েছে এখন—মাথায় তার স্বাদ লাগে না মদের । মদ খেলে কেমন সে শিথিল অবশ হয়ে যায়, সমস্ত শরীর থর থর করে কাঁপে, মাথাটা সর্বক্ষণ আছড়ে পড়তে চায় বুকে । দুর্বল শীর্ণকারী অন্নরূপার সেবা আর সাহায্যই তখন শুধু তার প্রয়োজন হত । অথচ মদ না খেলে অন্নরূপার প্যাঙাসে মুখখানা অত্যাচারে রক্তিম করে দেবার ক্ষমতা তার এখনও আছে ।

নীরদ একটা কৈফিয়ৎ দেয় ।—শোনায় উপদেশের মতো !

‘ছেলেমেয়ে বড় হয়ে গেলে ওসব ছাড়তে হয় পুরুষ মানুষকে ।’

‘লুকিয়ে একটু আধটু—?’

‘লুকিয়ে ? আরে রাম !’

আপনা থেকেই গেছে । হৃদয় মন নরম হয়ে এলে পারিবারিক জীবনটা তার বড়ই ভালো লেগে গেল । গোড়ার ছেলেমেয়েগুলি বড় হয়ে ওঠায় নতুন জীবনের বিকাশমুখর পরিবারটিও তখন তার সত্য-সত্যই বেশ জমজমাট হয়ে উঠেছে । লেখা-পড়া, গান-বাজনা, খেলা-ধুলা, ঝগড়া-ঝাঁটি, অভাব-অভিযোগ, আবদার-আহ্লাদের সে কি সমারোহ বাড়িতে ! মুগ্ধ হয়ে গিয়ে নীরদের মদের পরিমাণ কমতে

লাগল, বাদ পড়তে লাগল । তারপর একবার টাইফয়েডে ভুগে উঠে সে দেখল মদের স্বাদ তার কাছে নষ্ট হয়ে গেছে । শরীর দুহু ও সবল হল, শরীরে স্বাস্থ্য ও শক্তি এল, কিন্তু মদ খেতে গিয়ে নীরদ দেখল, মাথায় তার নেশাটা বিশ্বাদ হয়ে গেছে ।

মদ ছাড়লেও তার কৈফিয়ৎ দিতে হয় মানুষকে । নীরদ একটা কৈফিয়ৎ তৈরি করে নিল । বলবার সময় শোনাল উপদেশের মতো ।—

“ছেলেমেয়ে বড় হলে ওসব ছাড়তে হয় পুরুষ মানুষকে ।”

নীরদের কাছে যারা বিনামূল্যে মদ পেত তারা অনেকদিন পর্যন্ত ধৈর্য ধরে পিছু লেগে রইল । এমন কি নীরদকে আবার নেশাটা ধরিয়ে দেবার জন্য নিজেরা পয়সা খরচ করে মদ কিনে অন্য ছুতায় তাকে বাড়িতে ডেকে বলতে লাগল, ‘লুকিয়ে চুরিয়ে এক আধদিন—’

‘লুকিয়ে চুরিয়ে ? আরে রাম রাম !’

এক বাড়িতে থেকে নিজের ছেলেমেয়ের সঙ্গে যে বেশ একটা মোটারকম ব্যবধান ছিল এটা আবিষ্কার করে কি আশ্চর্যই যে হয়ে গেল নীরদ ! আনন্দে গদগদ হয়ে সে বলতে লাগল নিজেকে, তাই বটে, তাই বটে ! একটু এগিয়ে গেলেই অনেকটা ফসকে যায় । নিজের জীবনের অঙ্গ বটে তো সব ! ইস্ ! মেয়েটা ম্যাট্রিক দেবে সামনের বছর ! ম্যাট্রিক !

মেয়েটাই প্রথম সন্তান । নাম চারু । অমুরূপার সুরু কাঠির মতো দেহ থেকে সে যেন বেরিয়ে এসেছে নতুন একটি সংস্করণের মতো, রোগার বদলে ছিপছিপে হয়ে । মায়ের প্যাঙাসে মুখের গড়নটি শুধু পায় নি, চিবুকের অভাব ঘটে গেছে ।

চারুর সঙ্গেই নীরদের ঘনিষ্ঠতা সকলের চেয়ে বেশি । চারু একটু একটু বড় হয়েছে আর অমুরূপা প্রায় নিজের অজ্ঞাতসারেই একটু একটু করে বাপের সেবার ভার তাকে ছেড়ে দিয়ে এসেছে । মনের

আড়ালে যে বিরোধ ও বিতৃষ্ণা জমেছে অমুরূপার সেটা একদিনের সঞ্চয় নয়, নিজে সে ভালো করে জানেও না যে প্রয়োজন ও অভ্যাগ ছাড়া স্বামীর কাছে যাবার তাগিদ সে কখনো অনুভব করেনা। মেয়েকে বাপের সেবা শেখান যে তারই বিদ্রোহের প্রকাশ, এটা কল্পনা করার ক্ষমতাও অমুরূপার নেই। দূরে যাবার, তফাতে থাকার তাগিদ যে অহরহ তার মধ্যে জেগে আছে, অমুরূপা তা জানে না, জানলেও বিশ্বাস করবে না।

বাবার জন্ম ছোট বড় কাজগুলি করে যাওয়া চাকুর জীবনযাত্রার সঙ্গে খাপ খেয়ে জড়িয়ে গেছে। বড় হওয়ার সঙ্গে যা কিছু বেড়েছে চাকুর জীবনে বা নতুন এসেছে, সব মানিয়ে নেওয়া হয়েছে এই কর্তব্যের সঙ্গে। চাকুর ভাবে না যে বাবার জন্ম দশবার উঠে আসতে হওয়ার পড়ায় তার ছেদ পড়ল। দশবার উঠে আসার ফাঁকগুলিই তার পড়ার জন্ম। সংসারের কাজে মা তাকে প্রায় ডাকেই না, সেটা অবশ্য তাকে পড়া করা আর গান শেখার সুযোগ দিতে। কিন্তু বাবার কাজ আলাদা, সংসারের কাজের সঙ্গে তার সম্পর্ক নেই। চা করা, খাবার করা, ভাত রান্ধা, সংসারের কাজ, ওসব মা করে। চায়ের কাপ, খাবারের রেকাবি, ভাতের থালা বাবার সামনে পৌছে দেওয়া তার কাজ। বাবা জল চাইলে মা কলসী থেকে গেলাসে জল গড়িয়ে দেওয়া পর্যন্ত করতে পারে, বাবাকে গেলাসটা কিন্তু দিতে হবে তাকেই। বাবার জামা-কাপড়, পোষাক-পরিচ্ছদের হিসাব রাখা, বই-খাতা-কাগজ-পত্র গুছিয়ে রাখা, বিছানা পাতা, চটি এগিয়ে দেওয়া, বাতাস করা, ঘামাচি মারা ইত্যাদি যত কিছু করা দরকার সেগুলি করার জন্ম চাকুর জন্মেছিল পৃথিবীতে।

নীরদকে যেমন ভয় করে, তেমনি ভক্তি করে চাকুর। প্রতিদিনের চলতি সেবার অতিরিক্ত কোনো সেবা করার সুযোগ পেলে সে যেন

কৃতার্থ হয়ে যায়। নীরদের ছোট-খাট অসুখ হলে সে উদগ্রীব, উৎসুক হয়ে থাকে—যা কিছু করার আছে তারও বেশি কিছু করার সাধ চাপা উচ্ছ্বাসের মতো তার ছোট বুকটিতে ঠেলে উঠতে চায়। নীরদ চোখ বুজে পড়ে থাকে সামান্য অসুখের ধাক্কায়, চারু তার ভারিঙ্কি প্রৌঢ় মুখে ক্ষমতা, শাসন ও মমতায় গড়া মৃদু ভয়ংকর রহস্য দেখে দেখে মনের মধ্যে বিহ্বল হয়ে যায়।

অথচ আত্মরে মেয়ে সে নয়। সে প্রথম এবং বড় বটে কিন্তু অনেক গুলির বড়। ভাইবোনের বন্ধ্যায় তার অতিরিক্ত আদরের দাবি গোড়ার দিকেই ভেসে গেছে। নীরদ তাকে কোনোদিন বেশি প্রশ্রয় দেয় নি, নির্ভরশীলতা যদি প্রশ্রয় না হয়। প্রধান সেবিকা বলে বরং শাস্তি ও শাসনটাই বাপের কাছে সে পেয়েছে বেশি।

তবে পরিচয়টা তাদের হয়েছে গভীর। মুখের ভাবের একটা ভিন্ন ভাষা সৃষ্টি হয়ে গেছে দুজনের অনৈতিক সহানুভূতিতে। চারুর চোখ ভেজা দেখলে নীরদ তাকে আদর দিয়ে ভোলায় না, কিন্তু জিজ্ঞাসা করে, 'কি হয়েছে রে?'

চারু তখন কাঁদে না, অভিমানের জের টানে না কিন্তু বলে, 'কাপড় নেই। মা বকেছে বাবা।'

নীরদ সত্যই রাগ করে। বলে, 'কাপড় নেই! এই না সেদিন একজোড়া কাপড় কিনে দিলাম তোকে, দুমাসও হয় নি। অত কাপড় দিতে পারব না তোমাকে। অত নবাবকত্তা হলে চলবে না তোমার।' খানিকক্ষণ একদৃষ্টে মেয়ের মুখখানা দেখে আবার সজোরে মস্তব্য করে, 'লক্ষীছাড়া মেয়ে!'

কিন্তু কাপড় চারু পায়! ছুটির দিন সেবার প্রয়োজন ছাড়াই কাছাকাছি একটু এদিক ওদিক নড়ে চড়ে বেড়ালেই নীরদ তাকে সন্ধে করে কাপড়ের দোকানে নিয়ে যায়।

কাপড় পছন্দ করে চাকু নিজেই দাম জিজ্ঞাসা করে । দাম শুনে বলে, 'বাক্সা ! সস্তা দেখে দিন ।'

নীরদ বলে, 'নে নে, ওটাই নিয়ে নে । জ্বালাস নে আর ।'

স্কুলের পরীক্ষাগুলি চাকু এমনিই পাশ করে এসেছে, বিশ্ববিদ্যালয়ের পরীক্ষাটা পাশ করিয়ে দেবার জন্ত শেষ বছর একজন মাষ্টার রাখা হল । অনুরূপা বলেছিল, 'সম্বন্ধ খুঁজে বিয়ে দিয়ে দিলে হয় । বোকা হাবা মেয়ে যদি না পাশ করতে পারে ?'

নীরদ বলেছিল, 'বিয়ে ! ওইটুকু মেয়ের বিয়ে কি গো ! পড়ছে, পড়ুক ।' অনুরূপা তর্ক করে না, কথা কাটায় না । মেয়ের বিয়ের মতো বড় কথা বলেই সে বলল, 'মেয়ে তোমার ওইটুকুই আছে । দুবছর বয়েস ছাপিয়ে ভর্তি করেছিলে মনে নেই ? বছর বছর টেনে হিঁচড়ে ক্লাশে উঠেছে । কি হবে ওকে পড়িয়ে ?'

তার পরেই চাকুকে তালিম দেবার জন্ত লোকের ব্যবস্থা করা হয়েছে । জগত ছেলেটি ভালো । কারণ, সে গরীব এবং নিজের চেষ্টায় অনেক কষ্ট সহ করে পড়াশোনা চালিয়ে এলেও বরাবর ভালো রেজাল্ট করে এসেছে ।

জগত পড়ায়, চাকুর মন পড়ে থাকে অন্তরে । 'দাঁড়ান, আসছি,' বলে থেকে থেকে সে উঠে যায় বাপের খুঁটিনাটি সেবা করতে । দিন সাতেক চুপ করে থেকে জগত প্রতিবাদ করল ।

'পড়ার সময় বার বার উঠে গেলে চলবে না ।'

'বাবার কাজ করতে যাই ।'

'আর কেউ নেই বাড়িতে ?'

'আমি ছাড়া কেউ পারে না ।'

শুনে জগত আশ্চর্য হয়ে যায় কিন্তু অবস্থাটা মেনে নিতে রাজী হয় না । জগতের মতো ছেলেদের আবার বিবেক বলে একটা মনোধর্ম

থাকে, অনেক ভাবপ্রবণতা চাপা পড়ে যে বিকারটা সৃষ্টি হয়। সে তাই একদিন সোজা নীরদের কাছেই কথাটা পেড়ে বসে।

নীরদ ক্রুদ্ধ হয়ে বলে, 'সে কি! পড়ার সময় 'সংসারের কাজ করতে উঠে যার? ও তাহলে পাশ করবে কি করে।'

বহুদিন পরে অশুরূপা সেদিন ধমকের ধাক্কায় মাথা ঘোরা ও থর থর করে কাঁপবার অস্থখে অস্থস্থ হয়ে বিছানা নিল। নীরদ তবু গর্জে গর্জে শুনাতে লাগল, 'জানি, তোমার মতলব জানি। মেয়েকে তুমি ফেল করিয়ে বিয়ে দিয়ে বিদেয় করতে চাও। আমিও ভেবেছি কি না ওকে এম-এ টেমে পর্যন্ত পড়াব, শক্রতা না করলে তোমার চলবে কেন.'

মেয়েকে ডেকে নীরদ বলে দিল, 'আজ থেকে তুই সংসারের কোনো কাজ করবি নে, শুধু পড়াশোনা নিয়ে থাকবি। ভালো করে পাশ করা চাই।'

'তোমার যে কষ্ট হবে বাবা?'

'বেশি পাকামি করিস নে চাকু। কষ্ট হয় তো হবে।'

চাকু অগত্যা মনকে সরিয়ে নিল পড়াশোনার দিকে এবং তার ফলে গুরুর প্রতিও একটু মনোযোগ তাকে দিতে হল। প্রথমেই তার খেয়াল হল যে দুবেলা তিন ঘণ্টা তাকে যে পড়ায় তার গোলগাল নিরীহ ভালোমানুষী মুখখানা আর যাই হোক একটি সুনির্দিষ্ট মানুষের মুখ। তারপর সে টের পেল যে লোকটা বই পড়েছে গাদা গাদা। তারও পরে সে নিজের কাছে স্বীকার করল যে লোকটা পড়াতে পারে অতি চমৎকার, পড়ানো শুনতে তার খুব ভালো লাগে।

মেয়ের সেবা আর নীরদ গ্রহণ করেনা, যতক্ষণ পারে নিজের কাছে রেখে তার মানসিক উন্নতির সাহায্য করে। অগতও যে শুধু স্কুলের পড়ার মধ্যে নিজেকে সীমাবদ্ধ রাখেনি, চাকুর মানসিক উন্নতির

জন্ম তাকে অনেক বিষয়ে অতিরিক্ত জ্ঞান সরবরাহ করছে, নীরদের তা জানা ছিল না। সে যখন মাঝে মাঝে জগতের পড়ানো স্তন্যে ঘরে গিয়ে বসে জগৎ তখন মধ্যযুগের ব্ল্যাক ডেথের কাহিনী বন্ধ রেখে চাককে ইংরেজি গ্রামার শেখায়, অক্ষ বুঝিয়ে দেয়। চাককে বাড়তি জ্ঞান এবং আদর্শ ও উপদেশ সরবরাহের ভারটা তাই নীরদ নিজেই গ্রহণ করেছে।

চাক বুঝতে পারে, জগতের তুলনায় তার বাপের জ্ঞানভাণ্ডার বড়ই সংকীর্ণ, অনেক বিষয়েই জগতের মতো তার স্পষ্ট ধারণা নেই এবং কোনো বিষয়েই সে জগতের মতো সহজ ও স্পষ্ট ভাবে বুঝিয়ে বলতে পারে না। জগতের বিরুদ্ধে চাকর মনে একটা প্রবল নালিশ জাগে। সে যেন তার বাবাকে অপদস্থ করছে, অবজ্ঞা করছে। সময় সময় মনের রাগ সে সামলাতে পারে না। কথা নেই বার্তা নেই হঠাৎ খাপছাড়া মস্তব্য করে বসে, 'আপনার চেয়ে বাবা চের বেশি জানেন। কত পড়েছেন বাবা !'

'জানেন বৈকি। আমি আর কতটুকু জানি বল ? বই কেনার পরস্যা নেই, চেয়ে চিন্তে ধার করে পড়তে হয়, কত কষ্টে যে আমি লেখাপড়া শিখেছি, তুমি ভাবতেও পারবে না চাক।'

তা ঠিক। রাগ উপে গিয়ে চাকর মন সমবেদনায় ভরে যায়। সে ভাবে, জানুকগে জগত তার বাবার চেয়ে অনেক বেশি, আর তো কিছুই নেই ওর তার বাবার মতো ! চাকরি নেই, পরস্যা নেই, বাড়ি ঘর নেই, আপনার লোক নেই, কিছুই নেই !

চাককে হাফ ইয়ারলি পরীক্ষার সবগুলি সাবজেক্টে পাশ করিয়ে জগত নিজেও লেখাপড়া শেখার চরম পরীক্ষার পাশ করে ফেলল, চাকরি সে একটা পেয়ে গেল চমৎকার। নীরদকে খবরটা জানিয়ে মাথা নিচু করে সে বলল, 'এতদিন আপনাকে বলবার মুখ ছিল না,

বলতে সাহস পাই নি। আজ একটা কথা আপনাকে জানাতে চাই।’
কথাটা শুনে নীরদ চমকে গেল।—‘তুমি! তোমার মধ্যে এসব আছে
তা তো জানতাম না বাপু!’

জগত আশ্চর্য হয়ে বলল, ‘আজ্ঞে, ছশো টাকার ষ্টার্ট পেয়েছি—’
‘আমার তাতে কি? আমি চাকুরে পড়াব—এখন বিয়ে দেব না।’
‘আজ্ঞে ও আর পড়তে চায় না।’

তার মেয়ে চাকুর, জগত আজ তাকে জানাতে এসেছে, চাকুর পড়তে
চায় না! রাগে নীরদের চোখে অন্ধকার ঘনিয়ে আসে, বুকের মধ্যে
একটা অদ্ভুত যন্ত্রণা অনুভব করে। নিজের জ্ঞান ও বোঝা অথবা
বুদ্ধি-তর্ক-রীতি-নীতি যদি মিথ্যা হয়ে যায়, জগতের কথাই যদি সত্য
হয়ে দাঁড়ায় শেষ পর্যন্ত! চাকুর মতামত না জেনেই কি জগত তার
কাছে এ প্রস্তাব করার সাহস পেয়েছে?

কিন্তু তার মেয়ে চাকুর, তার আবার মতামত!

‘তুমি আর এ বাড়িতে এস না জগত।’

জগৎকে তাড়িয়ে দিয়ে নীরদ একেবারে চূপ করে গেল। চাকুরকে
কিছুই বলল না। ধমক হোক, উপদেশ হোক কিছু একটা স্তনবার জন্ত
মেয়ে যে তার উৎসুক হয়ে আছে, বারংবার সেটা টের পেতে লাগল
নীরদ। বুঝতে তার বাকী রইল না যে একবার কথাটা তুললেই
চাকুর তার মনের কথা জানিয়ে দেবে এবং জানাবার জন্ত সে ছটফট
করছে। তবু মনটা তার প্রতিদিন বিগড়ে যেতে লাগল মেয়ের মুখে
তার মা’র মুখের প্যাঙাসেপনার আবির্ভাবের সূচনা দেখে। তবু
নীরদ হাল যেন ছাড়তে পারল না। মেয়েকে আরও বেশি কাছে রেখে,
তাকে পড়িয়ে, গল্প শুনিয়ে, বেড়াতে নিয়ে গিয়ে, সিনেমা দেখিয়ে
ফিরিয়ে আনার চেষ্টা করতে লাগল আগের অবস্থায়। কিন্তু কোনো
দিক দিয়েই নাগাল সে যেন আর পেল না মেয়ের।

সর্বদা কি যেন ভাবে তার মেয়ে, কোথায় যেন পড়ে থাকে তার মন। তার কাছে থেকেও কোথায় সে যেন থাকে, যেখানে তার যাওয়ার কামতা নেই।

জগত চাকরি করতে চলে গিয়েছিল, মাস তিনেক পরে ছুটি নিয়ে ফিরে এল। আবার সে চেপে ধরল নীরদকে।

‘আপনি যদি ওকে পড়াতে চান, পড়াবেন যতদূর খুশি। আমি আপত্তি করব না। কথাটি বলব না।’

এবার নীরদ শুধু বলল, ‘হঁ।’

অনুরূপা খবর দিল, চাক্র আর স্কুলে যাবে না বলছে।

‘কেন?’

‘ও আর পড়বে না।’

‘পড়বে না?’


‘পড়বে—জগতের সঙ্গে বিয়ে দিলে পড়বে। পড়তে ওর ভয়ানক কষ্ট হয়, তবু বিয়ের পর তোমার মুখ চেয়ে পড়বে বলেছে।’

এবার নীরদ বলল, ‘যাক, ওর আর পড়ে কাজ নেই। আজকেই স্কুলে নাম কাটিয়ে দিচ্ছি।’

স্কুলে চাক্রর নাম কাটাবার জন্তু সেদিন নীরদ আপিস কামাই করল। রাত প্রায় এগারটার সময় বাড়ি ফিরে এল আগের মতো। মাতাল হয়ে।

চাক্র এখন বড় হয়েছে। কিছুদিন ধরে বাপের কাছে স্বাধীনতা পেয়ে এসেছে কল্পনাতীত। সে ভৎসনা করে বলল, ‘ছি বাবা, ছি।’

নীরদ জবাব দিল না। কিন্তু ‘অনুরূপা মেয়ের গালে ঠাস করে একটা চড় বসিয়ে দিয়ে নীরদের হাত ধরে ঘরে নিয়ে গেল।



মৃগনয়নার চোখ দুটি সত্যসত্যই হরিনীর চোখের মতো । যাহুঘের
অবিকল হরিনীর মতো চোখ থাকলে অবশ্য অকথ্য রকমের বিস্মী দেখায় ।
কিন্তু ওটা তুলনা মাত্র ; কোনো মেয়ের যদি বড়, টানা, সদাচকিত
অথচ ধীর ও গভীর দৃষ্টিওয়ানা চোখ থাকে এবং চোখ দুটি দেখে
হরিনীর চোখ মনে পড়িয়ে দেয়, সেই মেয়েটিকে মৃগনয়না বলা যায় ।

মৃগনয়নার মনটি বড় কোমল । বিশেষ এ ধরনের সরলতা তার আছে,
তার নিজস্ব সত্যপালন নীতির সঙ্গে জড়াজড়ি করে আছে । একটু
থাপছাড়া তার স্বভাব, কিন্তু আগোছাল নয়, চোদ্দপনের বছরেই তার
চপলতা উপে গেছে, কিন্তু কোনো ভাবেই তাকে ভারাক্রান্তা মনে হয়
না । শান্ত রেশালো নৃত্যছন্দের গতিতে তার চলাফেরা নড়াচড়ার অন্ত
নেই, মুখে মৃদু একটু হাসির সঙ্গে যিষ্টি সুরে সব কথাতেই কথা বলে যায় ।

এখন, মোটে সত্বর বছর বয়সে যৌবনকে নিয়ে কি করতে হয় সে যেন জানে, দেহ যতই উথলে উঠুক মনে নির্মল স্বচ্ছ রসের মতো জীবনের উত্তাপ শুধু আস্তে আস্তে ফোটে। হাতের শাস্ত জ্যোৎস্নায় একা সে আনন্দে পূর্ণ হয়ে যায়, মনে হয় জন্ম থেকে বড়লোকের আত্মরে মেয়ের মতো সে ভগবানের আত্মরে মেয়ে হয়ে আছে, কোনো অভাব তার নেই, কোনো ভাবনা নেই। আবেগ অদম্য হলে হাঁটু পেতে বসে হাতে মাথা ঠেকিয়ে সে অনেকক্ষণ ভগবানকে প্রণাম করে, ভক্তি আর ভালোবাসার কত মাধুর্য যে বিরাট মহান রূপ নিয়ে চোখের সামনে দিয়ে ভেসে যায়, —তার দাদার একবছরের শিশুটি পর্যন্ত আকাশ পাতাল জুড়ে কোমল চামড়ার দ্ব্যতিতে চারিদিক নীলাভ করে তোলে, দুটি দাঁতের ফোকলা মুখে তার দিকে চেয়ে শুধু হাসে।

এই অবস্থায় বাড়ির লোকে তাকে মাঝে মাঝে আবিষ্কার করে। ডাকলেই সে ধীরে ধীরে উঠে বসে বলে, 'মাগো, কি প্রকাণ্ড একটা আগুন আকাশ দিয়ে চলে গেল।'

মা আর মায়ের সম্পর্কিতা মাসি বলেন, 'আইবুড়ো মেয়ে, এসময় তোর ছাতে উঠবার দরকার!'

দাদা ব্যাপারটা ব্যাখ্যা করে বলেন, 'ওটা হল ধূমকেতু। শূন্য থেকে পৃথিবীর বাতাসে এলে জ্বলে উঠে। ওসব দেখে ভয় পাসনি মিশু।'

'ভয় পাব কেন?'

যতীন শোবার ঘরে গম্ভীর মুখে চেয়ারে বসে চুরুট টানছিল, প্রায় নিঃশব্দে বলল, 'বোস মিশু।'

বসবার চেয়ারটাও সে দেখিয়ে দিল, পাঁচ সাত হাত তফাতে। মৃগ-নয়না হেসে তার চেয়ারের হাতলে বসে বললে, 'তোমার যে কি এক বাতিক। আগে দূরে চেয়ারে বসে নানা ছলে একটু একটু করে কাছে

আসতে হবে। আজ আমার অত সময় নেই, মুখের ভাত ফেলে এসেছি।’

‘তোমার নাকি আজ ফিট হয়েছিল?’

‘কে বললে? ছাতে একা একা ভগবানকে প্রণাম করছিলাম, সবাই ভাবল কি যেন হয়েছে। বৌদি ডাকতেই উঠে বসলাম, ফাঙ্কলামি করে বললাম, আকাশে একটা আঙনের গোলা দেখে ভয় পেয়েছি। আসলে কি দেখেছিলাম জানো?’ বিশ্বয়ে দুচোখ বিস্ফারিত করে চিন্তার চাপে ভুরু কঁচকে বললে, ‘কি দেখেছিলাম? কিছুই তো দেখিনি।’

যতীনের কাঁধে হাতের ভর দিয়ে মৃদুস্বরে বললে, ‘দেখিনি তো দেখিনি। বয়ে গেল।’

যতীন অশুভব করল, সে কাঁপছে। সমতল পথে খুব স্পীডে চালালে তার গাড়িটা যেমন কাঁপে।

যতীন স্বাভাবিক গলায় বললে, ‘স্বাক্ষে ওসব বাজে কথা। এমনি ভাবে ঘুরিয়ে কাঁধে মাথা রাখো। তারপর মিন মিন করে সেই গানটা শোনাও তো। তুমি গাইবে আর আমি শুনব, আর কেউ না। বড় ভালোমেয়ে তুমি মিশু, বড় ভালো মেয়ে।’

বাড়ি ফিরে মৃগনয়না সবে ভাত খেয়ে ওপরে তার ঘরে গেছে, ঝড়ের বেগে বিস্ম এসে হাজির। এবাড়িতে তার ছেলেবেলা থেকে যাতায়াত, মৃগনয়নার সঙ্গে অনেক দিনের ভাব। এখন সে এম-এ পড়ে ও মৃগনয়নাকে পড়ায়। কি করে যে এ বন্দোবস্তটা স্থির হল বাড়ির লোকেরা কেউ খেয়ালও করেনি। মৃগনয়নার জন্ম একজন মাস্টার রাখার প্রস্ন উঠেছিল। একদিন দেখা গেল প্রশ্নের মীমাংসা হয়ে গেছে।

বিস্ম ব্যগ্রকণ্ঠে মৃগনয়নার মাকে জিজ্ঞেস করল, ‘কেমন আছে?’

মা বললেন, ‘ভালো আছে। তেমন কিছু হয়নি। এই তো ভাত খেয়ে ওপরে গেল।’

বিশু যখন ওপরে গেল, মৃগনয়না ঘরের দরজার ভারি পর্দাটা ছুপাশে ভালো করে ঠেনে দিচ্ছে। বিশুকে ধরে ভেতরে ঠেলে দিয়ে পর্দাটা ঠিক করে সে মুখ ফেরাল।

‘এত রাতে সবার শেষে উনি খবর নিতে এলেন। কী দরদ!’

‘আমি কি জানতাম? এইমাত্র খবর পেলাম।’

‘অল্প সবাই খবর পেল কি করে? খবর যে রাখতে চায়, খবর তার জোটে।’

বিশু বিব্রত হয়ে বলল, ‘তোমাকে শোনার জন্য বাঁশি বাজাচ্ছিলাম। মনে হল ছাতে তুমিই যুরছ, তাই একটু বাজালাম। শোন নি?’

মৃগনয়না চুপ করে একটু ভাবল। তারপর হঠাৎ উচ্ছসিত হয়ে বলল, ‘হ্যাঁ, তাই তো! তোমার বাঁশি শুনতে শুনতেই ভগবানকে প্রণাম করলাম। এমন করে বাজাও তুমি, এমন অস্থির অস্থির করে আমার!’

বিশু মুখভার করে বলল, ‘ও, তামাসা হচ্ছে!’

মৃগনয়না বিস্মিত হয়ে বলল, ‘কৈপেছ নাকি? তামাসা নয়—সত্যি সত্যি সত্যি।’

মৃগনয়না চট করে পর্দার ফাঁকে উঁকি মেরে দুহাত সামনে তুলে ধরে সোজা হয়ে দাঁড়াল। তেমনি ভাবে হাত তুলে দাঁড়িয়ে বিশুর মুখে হাসি ফুটে উঠল। কলহই হোক বা কথাকাটাকাটিই হোক, এই হল তাদের সন্ধিস্থাপনের বহুকালের পুরানো রীতি। মৃগনয়না হিস্ করায়াত্র দুজনে একসঙ্গে ছুটে গিয়ে পরস্পরকে বাহুবন্ধনে জড়িয়ে ফেলল। একটি চুম্বনও এই রীতির অন্তর্গত। কোন রকমে সেটা শেষ করেই মৃগনয়না বিছানায় বসে জোরে জোরে নিশ্বাস নিতে নিতে জুড় কণ্ঠে বলল, ‘তুমি একটা অসভ্য, গুণ্ডা, বিশু।’

শুনে বিশু একেবারে নিভে গিয়ে বলল, ‘কেন? আমি কি করেছি?’

‘কি করেছ, তাও বলে দিতে হবে। তুমি এখনও পুরুষ মানুষ হওনি বিশু। কত জোরে ধাক্কা দিয়েছ জানো। কি রকম লেগেছে জানো?’

‘সত্যি লেগেছে ?’ মৃগনয়নার সামনে হাঁটু পেতে বসে বিবর্ণ মুখে বিস্তু তার মুখের দিকে চেয়ে রইল। তখন মৃগনয়নার মুখে দেখা গেল হাসি। বিস্তুর মাথা দুই হাঁটুর মধ্যে গুঁজে দিয়ে তার চুলে আঙুল চালাতে চালাতে সে মিষ্টি স্বরে বলল, ‘সত্যি লেগেছে। তোমার দোষ নেই, তুমি তো কিছু জানো না। তুমি আমাকে ভালোবাসতে শিখেছ, আর এইটুকু শেখনি যে ছুটে এসে আমাকে তোমার ধাক্কা দিতে নেই ? আমি ছুটে যাব, তুমি আশ্তে আশ্তে এগিয়ে এসে আমার ধরে ফেলবে। বাঁড়ের মতো গুঁতো দিলে মেয়েদের লাগে না ?’

বিস্তু প্রতিবাদ জানিয়ে বলল, ‘আমারও তো লেগেছে।’

‘পুরুষ হলে লাগত না।’

পাঁচ মিনিট পরে দুজনের জোরালো হাসি কানে যেতে যা হাঁক দিয়ে বললেন, ‘ও বাবা বিস্তু, রাত যে অনেক হয়ে গেল বাবা।’

যাওয়ার আগে বিস্তু বলল, ‘সেখানে যাবে ?’

‘না। আজ বড্ড ঘুম পেয়েছে।’

বিস্তু বাড়ি পৌঁছবার আগেই মৃগনয়না ঘুমিয়ে পড়ল। মা এসে মশারি ফেলে আলো নিভিয়ে দিয়ে বাইরে গিয়ে দাঁড়ালেন। মেয়েকে তিনি বুঝতে পারেন না, পেটের মেয়েকে ! মেয়ে তার ভক্তিমতী। কিন্তু মায়ের মতো মন্দিরে গিয়ে কোনো দিন প্রণাম করে না, দশ-বারো বছর বয়স পর্যন্ত বাপের সঙ্গে উপাসনার বসত, এখন তাও বসে না। ছাতে গিয়ে একা ভগবানকে প্রণাম করে। আকাশে জলন্ত আঙুনের গোলা ছুটে যেতে দেখতে পায়। চলাফেরা কথাবার্তায় কিছুই ধরা যায় না। কোমল মন তার এমন মিষ্টি স্বভাব, কোন ঘরে সে যাবে ভেবে বুকটা তার ধুকপুক করে। তবু মেয়েটাকে তিনি বুঝতে পারেন না। পেটের সন্তানকে যেন ভিন্ন মনে হয়।

মৃগনয়নার স্তম্ভপানের ধরণটা পর্যন্ত যে তার মনে আছে ! সে কেন পর হয়ে না গিয়েও অজানা হয়ে গেল !

বারান্দার দাঁড়িয়ে তিনি নিঃশব্দে কাঁদছেন, কি করে অহুমান করে তাঁর স্বামী তাঁকে হাত ধরে নিজের ঘরে নিয়ে গেলেন । এঘরে তিনি একলা থাকেন, যখন ইচ্ছা ঘরে যাবার অহুমতি জীর আছে । কিন্তু যিনি সর্বদাই আত্ম-চিন্তার মগ্ন থাকেন অথবা বই পড়েন, তার কাছে বেশি যাবার ইচ্ছা লোকের হয় না । ঘরে নিয়ে গিয়ে স্ত্রীকে পাশে বসিয়ে এক হাতে জড়িয়ে তাকে আরও কাছে টেনে নিলেন । অহুতপ্ত কণ্ঠে বললেন, 'আমার অবজ্ঞায় তুমি কাঁদছ বড় বো ? তুমি তো ইচ্ছে করলেই আসতে পার, যখন খুশি আসতে পার !'

মৃগুর মা আঁচলে চোখ মুছে বললেন, 'সেজ্ঞান নয় ।'

মৃগুর বাবার মুখখানা একটু ম্লান হয়ে গেল, জড়ানো হাতের বাঁধন শিথিল হয়ে এল ।

'মেয়ের জন্ম বড় ব্যাকুল হয়েছে মনটা ।'

মৃগুর বাবা সহসা উৎকণ্ঠিত হয়ে উঠলেন, 'মিগুর জন্ম ? কেন, কি হয়েছে ?'

রাত দুটো পর্যন্ত সেদিন তাঁদের কথা চলল ।

ইতিমধ্যেই একটি সুপাত্র পাওয়া গেল । শিক্ত, স্ত্রী, বড়লোকের ভালো ছেলে । একটা দিনও স্থির হয়ে গেল, যেদিন পাত্র এসে মৃগনয়নাকে দেখে শুনে পছন্দ করে যাবে । না, ঠিক প্রাচীন যুগের মেয়ে দেখার অসত্যতা তারা করবে না । বাড়িতে দুতিনটি ভক্তলোক পরিচয় করতে এসেছেন এমনি সাধারণভাবে আগমন ও এবিষয়ে ওবিষয়ে অল্প আলোচনা হবে । বিয়ের পরেও মৃগনয়না যতদূর খুশি পড়তে পাবে । সত্য কথা বলতে কি, পাত্র নিজেই তা চায় ।

মৃগনয়না বাবার কাছে গিয়ে সোজাশুজি বলল, 'আমি যাকে-তাকে
বিয়ে করতে পারব না বাবা।'

'কেন, ছেলেটি তো সবদিক দিয়ে ভালো ?' পরকণে নিজের ভুল
সংশোধন করে বললেন, 'ও ! যাকে-তাকে বিয়ে করতে পারবে না
বলছ। বেশ, তাতে আমার কোন আপত্তি নেই। কিন্তু তোমার
বিয়ের আয়োজন হচ্ছে শুনেও তো কেউ এল না আমার কাছে।'
'আজকালের মধ্যেই আসবে বাবা।'

'বেশ। কিন্তু যাদের ডাকা হয়েছে তাদের একটু অভ্যর্থনা করবে না
যিও ?'

'করব বৈকি। শুজলোক হলে নিশ্চয় করব।'

মৃগনয়না অনেকটা নিশ্চিন্ত হয়ে নিচে নেমে গেল। বিয়ে না করলেও
তার চলে—পারিবারিক শক্তির সমবেত আক্রমণ প্রতিরোধ করার
হাঙ্গামাটা শুধু তার পোয়াতে হবে। হাঙ্গামা ষখন করতেই হবে, বিশেষ
একজনকে বিয়ে করার জন্ত হাঙ্গামাটা ঘটতে দিতে দোষ কি ? যতীন
অথবা বিত্তকে বিয়ে করা সহজ, দ্বিতীয়পক্ষ হলেও বিত্ত ব্রিলিয়ান্ট
স্টুডেন্ট। কিন্তু ওদের দুজনকে তার পার্টিতে সমর্পণ করার কথা, নিকণে
পার্টি ওদের। হাবুলকে হলেই তার চলবে। পার্টি আপত্তি করবে না,
হাবুল আগে থেকেই পার্টির মেসার। দুজনে মিলে তারা কাজ করতে
পারবে। বাড়িতে কেবল হলস্থল পড়ে যাবে হাবুলকে সে বিয়ে করতে
চায় শুনে ! বাবাও সহজে মত দেবেন না ! কিন্তু সেজন্ত মৃগনয়নার
বিশেষ ভাবনা নেই। বাড়িতে একটা প্রচণ্ড ঝড় তুলে দিয়ে শেষ পর্যন্ত
হাবুলকে সে বিয়ে করতে পারবে।

হাবুল ছাড়া আর কাউকে বিয়েও করা যার না। অত তেজ, অত আশু
কার মধ্যে আছে ? যতীন আর বিত্ত দুজনেই বড় বেশি ভালোমানুষ
আর ছেলেমানুষ !

ওদের মনে ব্যথা লাগবে। পার্টির কাজে জীবন উৎসর্গ করেও হয়তো ব্যথাটা সম্পূর্ণ উবে যাবে না। যুগনয়না ওদের জন্তু যতদূর সম্ভব করবে। সর্বদা তাকে কেন্দ্র করে বেঁচে থাকবার সুযোগ ওরা পাবে।

সন্ধ্যার পর পার্টির পাঁচজন প্রধানদের মধ্যে চারজনের কাছে যুগনয়না তার বিয়ের প্রস্তাব পেশ করল। মিসেস বসাককে আজ বিশেষ করে আনবার ব্যবস্থা করা হয়েছিল। মেয়েদের তিনি বোধ্য বিষয় চমৎকার বুঝিয়ে দিতে পারেন। সেক্রেটারি ধরনীবাবুর মুখ প্রতিদিনের মতো একান্ত নির্বিকার, কালা ও বোবা মাহুঘের মতো তাঁকে বিচ্ছিন্ন, স্বতন্ত্র মনে হয়। কিন্তু কথা যখন তিনি বলেন, মনে হয় একজন পরমাঙ্গীর এতক্ষণ ছদ্মবেশ ধরে ছিলেন। ধীরে বড়লোকের ছেলে, কলেজে পড়ে এবং একজন ষ্টুডেন্ট-লীডার, পার্টির কোন মেয়েকে কাছে ধঁকতে দেয় না। রহমান প্রপাগাণ্ডা সেক্রেটারি। নরেশ আগে চুপচাপ মাহুঘ ছিল, পার্টির একটি সমবয়সী মেয়েকে বিয়ে করার পর আজকাল বড় বেশি কথা কয়।

যুগনয়নার কথা শুনে সে উৎসাহিত হয়ে উঠল, 'বিয়ে করবে? কনগ্র্যা-চুলেশান্স! বিয়ের সাধটা শেষ পর্যন্ত উপে যাবে ভেবে রীতিমত উৎকণ্ঠিত হয়ে পড়েছিলাম তাই। যে কাজের ভারটাই নিয়েছ!'

মিসেস বসাক বললেন, 'আঃ, আপনি চুপ করুন। কিন্তু যুগনয়না, তোমার কাছে যে আরও অনেক কিছু পার্টি আশা করছে! আরও কয়েক বছর তুমি আরও কয়েকজনকে পার্টিতে আনতে পারবে, এখনো তোমার সরলতা, সহজ ছেলেমানুষী ভাব আরও কয়েক বছর থাকবে। তুমি বলেছিলে পার্টির জন্তু জীবন দেবে। এত শীগগির একজনকে হৃদয় দান করে ফেলা তোমার উচিত হয়নি। সাধারণ বাজে মেয়েরা এরকম করে, পার্টির চেয়ে ব্যক্তিগত সুখ চুঃখ তাদের বড় হয়ে দাঁড়ায়। তুমি তাদের মতো নও। যতীনবাবুর কাছ থেকে পাঁচটা টাকা

কোনো মেয়ে জোগাড় করতে পারেনি, তুমি তাকে পার্টির মেসার করেছ, তাঁকে দিয়ে প্রেম কিনিয়ে দিয়েছ। বিশ্বে তুমি পার্টিতে এনেছ, কয়েক বছর ট্রেনিং পেলে ও দেশে আশুন আলিয়ে দেবে—বিশেষত, তোমাকে পেলে পার্টির জন্ত ও করবে না এমন কাজ নেই। তোমার মতো ওয়ার্কার পার্টিতে একজনও নেই। বিয়ের বয়স তোমার কুরিয়ে যাচ্ছে না, ক'টা বছর একটু ধৈর্য ধরে অপেক্ষা করতে পারনা ?'

ধরনীবাবু বললেন, 'তাছাড়া, আমরা ভাবছিলাম সামনের বছর তোমাকে কমিটিতে নেওয়া হবে। এখন পার্টি ছেড়ে যাওয়া—'

মৃগনয়না মৃহুস্বরে বললে, 'পার্টি ছাড়ব কেন ? আমি একজন পার্টির লোককে বিয়ে করছি—হুজনে আমরা পার্টির কাজ করব।'

মিসেস বসাক সত্বরে বললেন, 'যতীনবাবুকে ? না বিশ্বে ? দফা সেরেছ তুমি। যাকে তুমি বিয়ে করবে, তাকেই পার্টি হারাবে। শুধু নামটা হয়তো লেখা থাকবে খাতায়।'

'আমি হাবুলমামাকে—মানে, প্রশান্ত দত্তকে বিয়ে করব।' সকলে স্বস্তির নিশ্বাস ফেললেন। নরেশ প্রশ্ন করল, 'হাবুলমামা বলছ—?'

'না, সম্পর্ক কিছু নেই। যাকে দিদি বলেন, তাই হাবুলমামা বলি। ঠাঁর মনের জোরের তুলনা হয় না। সারাদিন খেটে সকলকে খাটান, তারপর এতটুকু বিশ্রাম না করে পার্টির কাজ করেন। এমন স্বাস্থ্য তাই, অন্তলোক হলে মরে যেত।'

মিসেস বসাক দীর্ঘনিশ্বাস ফেলে বললেন, 'তা, বিয়ে যদি করতে চাও, বাধা দেবার অধিকার আমাদের নেই। শুধু ভাবছি, বিয়ের পর যতীনবাবু, বিশ্বে এদের মতো কাউকে কি পার্টিতে আনতে পারবে।'

মৃগনয়না চুপ করে রইল। ঘরের স্তব্ধতার তার বক্তব্য যেন মুখর হয়ে রইল তার শব্দহীন কথার, পার্টির জন্ত সে প্রাণ দেবে কিন্তু তার চুষক

ধর্মকে আর কাজে লাগাতে পারবে না। দুজনকে টানতেই তার হাঁক ধরে গেছে।

মৃগনয়না খুশি মনে বাড়ি ফিরে গেল। হাবুল সন্ধ্যার আগে বাড়ি ফিরে সবে স্নান শেষ করেছে, মৃগনয়না তাকে গ্রেপ্তার করে নিজের ঘরে নিয়ে গেল। সব শুনে কাঠের মতো শক্ত হয়ে গেল মৃগনয়নার হাবুলমামা!

‘আমি তোমাকে বিয়ে করব ? পাগল নাকি ! আমার জীবনের একমাত্র উদ্দেশ্য বড়লোকদের বিক্রছে লড়াই করা—’

‘বড়লোকদের বিক্রছে নয়।’

‘ওসব কূটতর্ক রাখ। গরীবের মেয়ে হলেও তোমাকে আমি বিয়ে করতাম না যিগু। বিয়ে যদি কোনোদিন করি, পার্টির কোনো খাঁটি ওয়ার্কারকে করব, যাতে দুজনে একসঙ্গে কাজ করতে পারি।’

মৃগনয়না বড় বড় চোখ দুটি বিস্ফারিত করে প্রশ্ন করল, ‘আমি কাজ করি না ?’

‘তুমি ?’ হাবুলের চোখে মুখে মৃদু ব্যঙ্গের হাসি দেখা গেল, ‘তুমি পার্টির যতীনবাবুদের মোটরে ঘুরে বেড়াও, হোটেলে খানা খাও, বিস্তর সঙ্গে সিনেমায় যাও—পার্টির কাজ কর বৈকি !’



মুগ্ধনে দেহ প্রান.

ঈষৎ ঢাল সমভূমিতে এলোমেলো ভাবে ছড়ান বাড়িগুলি শেষ ছপুয়ের রোদ পোয়ান্ছে । শীতকালের ঝাঁঝ টনটনে পাহাড়ী রোদ । পশ্চিমে সরু একফালি সাক্ষরুৎ অরণ্যের এক মাথায় টিলার মতো ছোট পাহাড়টি বসান । ছুদিকে শাখাপ্রশাখা ছড়াতে ছড়াতে এসে প্রধান রাস্তাটি পাহাড়ের প্রায় দেড়শ গজ তফাৎ দিয়ে এগিয়ে গেছে । পথ আর পাহাড়ের মধ্যে বাড়ি আছে তিনটি । দুটি বাড়ির গেট প্রায় পথের উপরে, অণু বাড়িটি পাহাড়ের ঠিক নিচে । পথ-ঘেঁষা বাড়ি দুটির ব্যবধানকে মাঝামাঝি চিরে মাটি পাথর আর শুকনো পাতার এবড়োখেবড়ো পথ পাহাড়-ঘেঁষা বাড়িটির সঙ্গে বড় রাস্তার সংযোগ ঘটিয়েছে ।

বাড়িটি ছোট এবং সাদাসিদে । একসারিতে পাশাপাশি তিনখানা ঘর, সামনের সমস্তটাই খোলা বারান্দা । বাড়ির আনুসঙ্গিকটি অনেকখানি

• তর্কতে চাঁকা-বসান কুরোর ধারের বিচ্ছিন্নতায় এবং আগাগোড়া
টিনের হওয়ার তুচ্ছতায় প্রায় চোখেই পড়ে না।

বারান্দার একধারে সাধারণ ছুটি বেতের চেয়ারে একটি পুরুষ ও স্ত্রীলোক
রোদে বসেছিল। পুরুষটি মাঝবয়সী, স্নুস্ন সবল উন্নত চেহারা, মোটা
চিবুক কামানো দাড়িতে কড়া দেখায়। তার স্ত্রী হবার মানানসই বয়স
মেয়েটির, যদিও সে কীর্ণালী। কনকনে ঠাণ্ডা বাতাসে দুজনেরি ঠোঁট
ফেটেছে, মেয়েটির পাতলা ঠোঁটের ছুটি ফাটলে রক্ত জমে আছে
দুইরশ্মি। উদ্বিগ্ন প্রত্যাশায় দুজনকেই একটু উতলা মনে হচ্ছে। পথের
দিকে তাকাবার ভঙ্গিতে এবং বড় রাস্তায় গাড়ির আওয়াজ হলে
দুজনের নড়েচড়ে বসবার রকমে প্রত্যাশার স্বরূপটা স্পষ্ট হয়ে উঠছে।

‘সময় চলে গেছে। আজ আর আসবে না।’ ঠোঁট ঝাঁচিয়ে প্রমীলার
কথা বলার চেষ্ঠা দেখে পরাশর নিজেও ঠোঁট ঝাঁচিয়েই একটু হাসল।
‘গাড়ি আজকাল তিন চার ঘণ্টাও লেট করছে। তবে না-ও আসতে
পারে, চিঠি লেখার পর হয়তো যত বদলেছে। ধাপ্পাও হতে পারে।’
প্রমীলা মাথা নাড়ল। ‘এতকাল পরে হঠাৎ ধাপ্পা দিতে যাবে কেন?’
‘কেন? কে জানে কেন! এতকাল পরে হঠাৎ দেখা করতেই বা
আসবে কেন? এমন ধাপ্পাড়া কাজ কেউ করে বলে তো শুনি নি।’
তিনবার কথা বলতে গিয়ে প্রমীলা চেপে গেল। তারপর আচমকা
বলে ফেলল, ‘আমাকে হয়তো একবার দেখতে চায়।’

‘তোমাকে? পাঁচ ছ বছর চূপ করে থেকে হঠাৎ স্ত্রীর অল্প ভূপতির
মাথাব্যথা হবে কেন?’

‘মনস্তত্ত্ববিদ!’ বলে প্রমীলা হাসল এবং ‘উঃ’ শব্দ করে উঠে দাঁড়াল।
পরাশরের পিছনে দাঁড়িয়ে তার কাঁধে হাতের ভর দিয়ে মাথায় গাল
রেখে মৃদুস্বরে বলল, ‘মন বুঝেও মান রেখে কথা কহতে তুমি আর শিখলে
না। আমি জানি তুমি কী ভাবছ—টাকা বাগাবার চেষ্ঠায় আসছে।’

‘ভাবি নি ঠিক, ওই রকম কিছু আন্দাজ করছিলাম । তবে একটা খটকা লাগছে, এতদিন চূপ করে রইল কেন ?’

‘সাহস পায় নি হয়তো । তুমি যে স্পষ্ট বলে দিলে একটু গোলমাল করলেই খুন করে কাঁসি যাবে । মেয়েমানুষ নিয়ে জগতে ঢের খুনটুন হয়ে গেছে জানে তো । তোমাকেও জানে ছেলেবেলা থেকে, কী রকম মাথা খারাপ তোমার । তারপর মানুষটা যা ভীক । তুমি যে শুধু ভয় দেখিয়ে—’

‘ভয় দেখাই নি । এসে যদি গোলমাল করে সত্যি খুন করব ।’

‘না । সত্যি বলছি ভালো হবে না যদি মাথা গরম কর । দরকার হলে মারধোর করে তাড়িয়ে দাও, সে আলাদা কথা । ওর জন্তে তুমি বিপদে পড়বে, মাথা খারাপ নাকি তোমার ?’

প্রমীলা ফিরে এসে চেয়ারে বসল । শুকনো বাতাস দুজনের মুখের তৈলাভ লাবণ্য শুষ্ক নিয়েছে, পরিবর্তনহীন স্থায়িত্বের মধ্যে এই মৃদু রক্তভার কারণটা অতিশয় প্রত্যক্ষ । মুখ দেখে দুজনের দুর্ভাবনার ঠিক মতো হৃদয় পাওয়া কঠিন । মনের আলোড়ন আড়াল করে রেখে সহজ হয়ে থাকবার চেষ্টাই বরং প্রতি মুহূর্তে ধরা পড়ছে । দুচোখে প্রশ্ন নিয়ে একজন আরেকজনকে নিরীক্ষণ করছে, অপরের মধ্যে শুধু ভাবনা অথবা ভয় জানবার ইচ্ছায় ।

জিভ দিয়ে ঠোট ভিজিয়ে পরাশর বলল, ‘টাকার জন্তে নাও হতে পারে, মিলু ।’

‘কী তবে ?’ প্রমীলাও দেখাদেখি জিভ দিয়ে ঠোট ভেজাতে লাগল ।

‘কোন রকম প্রতিশোধ নিতে হয়তো আসছে ।’

‘প্রতিশোধ নেবে ? ও ?’ ঈষৎ বিবর্ণ মুখখানা প্রমীলার আন্তরিক অবজ্ঞা ও ঘৃণায় কালচে মেরে গেল, ‘যে মানুষ অত্মীয় সয়ে চূপ করে থাকে—’

প্রমীলা ঢোক গিলল, ‘আমরা যে অত্মীয় করেছি তা বলছি না, শুধু—’

কথা বলার সুযোগ আর তারা পেল না। দেখা গেল, চুনীলালের ভাড়া-খাটা গাড়িটি সর্বান্তে আওয়াজ তুলে মাটি পাথর আর শুকনো পাতা দলন করে বারান্দার দিকে এগিয়ে আসছে।

গাড়ি থেকে নামল একটা কঙ্কাল।

পরশর ও প্রমীলা দুজনেই চমকে গেল ভূপতিকে দেখে। মুখে হাড়ের ওপর যেন আলগা করে চামড়া বসান আছে, শুকনো রঙচটা বাহুড়ের পাথর মতো পাতলা চামড়া। চোখ কোটরে, মাথায় বেশির ভাগ চুল উঠে গেছে, গলা এমন সরু যে প্রতি মুহূর্তে আশঙ্কা হয় মাথার ভারে মট করে মচকে যাবে। হাতের শীর্ণ আঙ্গুলগুলি যেন লম্বায় বেড়ে তেরটা হয়ে গেছে। গা উদলা থাকলে হয়তো তাকে এতবেশি জীবন্ত কঙ্কাল বলে মনে হত না। যে টুকু বাইরে আছে তার বীভৎস শীর্ণতাই যেন ঘোষণা করছে গরম জামা কাপড়ের আড়ালে শুধু আছে শ্যাওলা-ধরা ময়লা হাড়।

নামতে ভূপতির কষ্ট দেখে বোধ হয় তাকে সাহায্য করার প্রেরণাতেই প্রমীলা সিঁড়িতে একধাপ নেমে ধমকে দাঁড়িয়েছিল। সেইখানে দাঁড়িয়ে বিস্ফারিত চোখে সে ভূপতিকে দেখতে লাগল। ভূপতি সোজা হয়ে দাঁড়াতে পারে না, দেহটাই তার ঝাঁক হয়ে গেছে। হাত পা নাড়তে তার সময় লাগে। ধীরে ধীরে পকেট থেকে ব্যাগ বার করে চুনীলালের ভাড়া মিটিয়ে দেবার সমস্ত সময়টা সে ধর ধর করে কাঁপতে লাগল। পা টেনে টেনে সিঁড়ির নিচে এসে মৃত চোখের অসহায় দৃষ্টিতে সে দুজনের দিকে তাকাতে লাগল। পরশর চেয়ার ছেড়ে ওঠেনি, ছু হাতে চেয়ারের দু প্রান্ত সজোরে চেপে ধরে মেরুদণ্ড টান করে বসে আছে। মনে হল, প্রমীলাকে ধরে বুঝি ভূপতি বারান্দায় উঠবার চেষ্টা করবে। ঋনিক ইতস্তত করে সে সামনে ঝুঁকে ছু হাত সিঁড়িতে রাখল,

তারপর শ্রব মন্থর চতুশ্চাদের মতো তিন ধাপ সিঁড়ি বেয়ে উপরে উঠল
কোঁকাতে কোঁকাতে। প্রমীলার চেয়ারে বসে পেছনে হেলান দিয়ে সে
চোখ বুজল।

প্রমীল্য চোখ বুলাতে লাগল কদম, পেয়ারা, ইউক্যালিপটাস গাছ
গুলিতে। ল্যাজফোলা চপল কাঠবেরালিটাকে প্রাণপণে দেখে, ঘন ঘন
পলক ফেলে, চোখ বুজে সে যেন দৃষ্টিজোড়া অবাস্তর, অপার্থিব, অসম্ভব
দৃশ্যটাকে উড়িয়ে দেবার চেষ্টা করতে লাগল ভুল বা স্বপ্নের মতো।

‘তোমার কী হয়েছে?’ পরাশর শুধোল। মৃদুস্বরে তিনটি শব্দ
উচ্চারণ করতেই তার গলাটা গেল কেঁপে।

‘টি-বি।’ ভূপতি চোখ মেলল না।

‘এখানে এলে কেন তুমি?’

‘মরতে।’

‘এ অবস্থায় এখানে আসা তোমার উচিত হয় নি।’

‘উচিত হয় নি মানে? পাঁচ সাত দিনের মধ্যে আমি মরে যাব।’

ভূপতির গলার আওয়াজ মাঝা দেওয়া সুরু তারের মতো ধারাল, বড়
মানানসই তাই শোনাল তার কথাগুলি। প্রমীলার কপালের ঠিক
মাঝখানে, মেয়েরা যেখানে টিপ পরে, শির শির করতে লাগল আর
সর্বান্তে কাঁটা দিয়ে কণস্থায়ী তীক্ষ্ণ যন্ত্রণার সঙ্গে প্রতি লোমকূপে ছুঁচ
বিঁধল একটা করে।

তারপর পরাশর ও প্রমীলার মধ্যে একবার দৃষ্টি বিনিময় হল। পরাশর
কী বুঝল, কী ভাবল সে-ই জানে, মুখের শূন্যতাকে বার কয়েক চিবিয়ে
নিয়ে সে রুঢ়কণ্ঠে বলল, ‘তুমি কি আর মরবার জায়গা পেলেন না?’

‘না।’

‘এখানে তোমায় আমরা রাখতে পারব না।’

‘পারবে।’

‘গায়ের জোরে নাকি তোমার ?’

‘জোর কই গায় ?’

‘তোমার মতলব জানি, তুমি প্রতিশোধ নিতে এসেছ। ভেবেছ, মরতেই যখন হবে, ওদের ওখানে গিয়ে মরি, দু জনের শাস্তি নষ্ট হয়ে যাবে। সিনেমার গল্প খেঁটে খেঁটে তোমার মাথা বিগড়ে গেছে ভূপতি। এ রকম উদ্ভট নাটুকেপনা করে তাই মরতে এসেছ প্রতিশোধ নিতে।’

‘চার বছর সিনেমা ছেড়েছি ভাই, অসুখে ভুগছি। কিসের প্রতিশোধ ?’

‘বাজে বোকো না ভূপতি।’

‘বাজে বকতে সত্যি কষ্ট হয়।’

‘এসেছ, আজ রাতটা থাকো। কাল সকালে নিজে থেকে যদি না যাও, তোমায় হাসপাতালে ফেলে রেখে আসব। জিদ করে মদ খাওয়াতে গিয়ে আমি বোয়ের দাঁত ভেঙ্গে ফেলি না, কিন্তু আমিও নির্ভর হতে জানি।’

‘এমনিতেই পাঁচ সাত দিন মোটে টিকব। জোর করে তাড়াতে গেলে সন্ধে সন্ধে মৃত্যু হবে।’

পরশর হার মেনে চূপ করল। কতদিন থেকে মৃত্যু নিশ্চিত জেনে ভূপতির কাছে ভয়-ডর বিধা-সংকোচ লজ্জা-মান সব কিছু বাতিল হয়ে গেছে কে জানে! শিশু আর মুমূর্ষুর সন্ধে কে লড়াই করবে? এতক্ষণে পরশরের নজরে পড়ল, ঠোঁটে আঙ্গুল ঠেকিয়ে প্রমীলা তাকে নিবেদন করছে, চোখ দিয়ে জল পড়ছে প্রমীলার।

ভূপতি আবার চোখ বন্ধ করল। অক্ষুটস্বরে বলল, ‘একজন ডাক্তার ডাকাও। তাড়াতাড়ি ডাক্তার ডাকাও একজন। আমার বিছানায় শুইয়ে দাও। কটা দিন বাঁচিয়ে রাখ। মরতে দিও না।’

ব্যাকুলতার পাগলের মতো হয়ে প্রমীলা বলল, ‘শিগ্গির যাও, ডাক্তারবাবুকে ডেকে আনো। কী করি এখন আমি!’

তারপর ডাক্তার এল, ওষুধ এল, পথ্য এল, রচিত হল মুমূর্ষুর রোগশয্যা। ভূপতি মরবে তাতে সন্দেহ নেই, কিন্তু এখনো যখন মরেনি তাকে বাঁচাবার সমস্ত চেষ্টাই করতে হবে বৈকি। চার বছরের চেষ্টায় কৌন্সো ফল হয় নি তাও সত্য, কিন্তু ভূপতি শেষ হয়ে যাবার আগে তো চেষ্টা শেষ হতে পারে না। হাড়কাপানো পাহাড়ী শীতে অনেক রাত পর্যন্ত ছুটোছুটি করে পরাশর যে চিকিৎসার আয়োজন করে ফেলল তাতে আর খুঁত রইল না। র্যাপার-কম্বল জড়িয়ে 'রোগীর শিয়রে বসে দুজনে রাত কাটিয়ে দিল।

রাতভোর দুজনেই যে কতবার সত্বর্পণে পরীক্ষা করে দেখল ভূপতির দেহে প্রাণ আছে কি না!

যুমে অথবা অবসাদে সারারাত ভূপতি মড়ার মতো পড়ে রইল। প্রথম সে চোখ মেলে চাইল অনেক বেলায়, ভাঙ্গা গলায় ফিসফিস আওয়াজে প্রথম কথা কইল, 'আমি মরি নি?'

ডাক্তার পরামর্শ দিলেন যে এসব রোগের চিকিৎসা এসব রোগের চিকিৎসাকেই ভালো হয়। আশা যদিও নেই বিশেষ কিছু, তবু ভূপতিকে সেখানে পাঠিয়ে দেওয়াই উচিত।

শ্রীমীলা তাকিয়ে রইল পরাশরের মুখের দিকে।

পরাশর বলল, 'খাকগে, কাজ নেই। আমরাই যতটা পারি করি।'

পাঁচদিন গেল, সাতদিনও গেল। ভূপতি মরল না। চেঞ্জ, নতুন ডাক্তারের চিকিৎসা, পথ্যের অদল-বদল, সেবা-যত্নের নতুনত্ব, মানসিক পরিবর্তন কিসে যে কি হল কেউ জানে না, তিন সাত্বে একুশ দিন পরেও ভূপতি বেঁচে রইল। ডাক্তার, স্পেশালিষ্ট নন বলে এখানে রেখে ভূপতির চিকিৎসা করতে যিনি অস্বস্তি বোধ করছিলেন, তিনি গর্ব ও আনন্দের সঙ্গে জানিয়ে দিতে লাগলেন দিন দিন ভূপতির অবস্থার উন্নতি হচ্ছে।

জানিয়ে দেবার অবশ্য কোনো প্রয়োজন ছিল না, পরাশর ও প্রমীলার
চোখেও সে উন্নতি ধরা পড়ছিল।

একদিন পরাশর ডাক্তারকে জিজ্ঞেস করল, 'ওর সত্যি টি-বি হয়ে-
ছিল তো ডাক্তারবাবু ? না, খেতে না-পেয়ে ওরকম হয়েছিল ?'

ডাক্তার চমকে উঠলেন। বললেন, 'সে কি ! তাই কখনো হয় ? আমি
টি-বির চিকিৎসা করছি—'



দশ বছর পরে মাধব দেশের গাঁয়ে ফিরল। রিলিফ ওয়ার্ক চালাবার জন্ত।
 গাঁয়ের নাম বাঙ্গাতলা। গাঁয়ের গৌরব ধনঞ্জয় সরকার। কলকাতায়
 ব্যবসা করে বড়লোক হয়ে তিনি বাঙ্গাতলাকে ধন্ত করেছেন। প্রতি-
 বছর তিনি একবার গাঁয়ে আসেন, সাধারণত অগ্রহায়ণ মাসে এবং
 একদিনের জন্ত। বাঙ্গাতলা ও আশেপাশের আরও কয়েকটা গাঁয়ের
 লোক তাঁকে অজস্র সন্মান দেয়। ছুচারশো টাকা দান করে তিনি
 ফিরে যান। সন্মানের বিনিময়ে নয়, এমনি। সন্মান তাঁর পাওনাই
 আছে। বাঙ্গাতলার যে অবৈতনিক বিদ্যা, দাতব্য চিকিৎসা, টিউব
 ওয়েলের জল ইত্যাদি পাওয়া যায় সে সব সরকার মশায়েরই কীর্তি।
 তাঁরই আপিসে মাধব চাকরি করে। নির্ভরযোগ্য হাসিখুশি ভালোমাহুস,
 শুঁহিয়ে কাজ করতে পারে এবং কাজ করিয়ে নিতে জানে। আদর্শবাদী
 অথচ বেশ হিসেবী। প্রচুর বিনয় ও ট্যাঙ্ক আছে। মাঝে মাঝে বই

পড়ার সখ চাপে, আবার কেটে যায়। স্ত্রীকে অত্যন্ত ভালোবাসে। ছেলোটিকে হাসিয়ে কাঁদিয়ে আদর করে অবর্ণনীয় সুখ পায়। ধনঞ্জয় তাকে পছন্দ করেন এবং দেড়শো টাকা মাইনে দেন।

বান্ধাতলায় লোকে না খেয়ে মরছে শুনে ধনঞ্জয়ের ভাবনা হয়েছিল। গাঁয়ের লোকের ভালোমন্দের দায়িত্ব তো তাঁর। গাঁয়ের একত্রিশ জনকে তিনি সম্প্রতি আপিসে কাজ দিয়েছেন। ধনঞ্জয় নিজেই যে কাঁপছিলেন তা নয়, তাঁর জানাশোনা আরও অনেকে ফুলে তোল হয়ে যাচ্ছিল। লোকের প্রয়োজনও বেড়েছিল সেই অল্পপাতে—আপিসে, কারখানায় এবং মফস্বলে নির্দিষ্ট সময়ের মধ্যে এটা ওটা গড়ে তোলবার স্থানে। শুধু বান্ধাতলা নয়, আশেপাশের আরও কতগুলি গাঁয়ের হাজার খানেক লোককে কাজ দেবার সাধ ধনঞ্জয়ের ছিল। কোশপুরে মস্ত কাজ হচ্ছিল, সকলকে তিনি সেখানে পাঠিয়ে দিতেন। সবাই খাওয়া পেত, থাকার ঘর পেত, মজুরি পেত—তিনটিই ভালো পেত। কিন্তু ইচ্ছাটা প্রকাশ পাওয়ায় গাঁয়ে গাঁয়ে তাঁর নামে কুৎসা রটে গেল, তিনি নাকি কুলি চালানের দালালি নিয়েছেন। যত চাষী মজুর হতে রাজী ছিল তাদের একজনকেও তিনি তাই কাজ দেন নি। নিন্দেটা তাতে প্রমাণ হয়ে যেত! তারপর ধনঞ্জয় স্থির করেছেন বান্ধাতলায় দুঃস্থদের খাণ্ড বিতরণ করবেন। না করে উপায়ও তাঁর ছিল না। নানা দিক থেকে চাপ পড়ছিল। তার মতো বড়লোক অনেকে বিতরণ করছে, এ একটা চাপ। কনট্রাক্ট দেবার কর্তারা ইঙ্গিত করছেন, সে আরেকটা চাপ। বান্ধাতলা হিতৈষিণী সমিতি (প্রেসিডেন্ট—ধনঞ্জয় সরকার) গাঁয়ের লোকের প্রত্যাশাকে আবেদন নিবেদনের রূপ দিচ্ছে, সেও চাপ। তাছাড়া পূর্বোক্ত কুৎসাটির প্রতিকার করার বাগনার চাপ এবং হৃদয় নামক অঙ্গটির দয়াদাক্ষিণ্য ও উদারতার চাপ তো আছেই।

কাছের ভারটা তিনি দিয়েছেন মাধবকে; সেই সঙ্গে দরকারী উপদেশও

দিয়েছেন। মাধবকে বেশি বলা বাহুল্য, কি ভাবে কি করতে হবে তার পলিসিটা বাংলাে দিলেই সে সব সমঝে নেয়। মাধবের নীতিজ্ঞান অতি তীক্ষ্ণ।

‘একটু সামলে চোলো হে।’

‘আজ্ঞে হ্যাঁ।’

‘কলকাতায় লোকারণ্য কেন? ফুটপাতে মানুষ মরতে আসছে কেন? কলকাতায় খাবার আছে। বেশি খেতে দিলে চাদিকের লোক বাঙ্গাতলায় হুমড়ি খেয়ে পড়বে। সামলাতে পারবে না। কি অবস্থা!’

‘ছোট মগের মাপে দেব ভাবছি। বেশি গহীতেও পারবে না, পেট খারাপ হয়ে যাবে।’

‘অন্নই আসল জীবন। ব্যঞ্জন নয়, স্বাদগন্ধ নয়।’

‘নিশ্চয়ই। ভিকের চালের আবার কাঁড়া-আঁকাড়া।’

‘এমন অবস্থা আর হয় নি। ছিয়াত্তরের মন্বন্তর কোথা লাগে! ভালো কথা মাধব, অক্ষয়ের বোনটা নাকি নিখোঁজ হয়েছে?’

‘নিখোঁজ মানে ওই আর কি যা হয় বুঝলেন না?’

‘তা, দোষ কি করে দি? যুবতী মেয়ের খিদে একটু বেশিই হয়। আহা, এদিকে খিদে জ্বালা, ওদিকে বদলোকের প্রলোভন, যুবতী মেয়ে তো ষতই হোক! গায়ের কেউ ওকে দুটি খেতে দিতে পারল না? ভদ্র ঘরের বাড়ন্ত যুবতী মেয়ে, চাইতে পারে না বলে কি দিতে নেই? ছি ছি! এ গায়ের কলঙ্ক, আমার কলঙ্ক। বিপাকে পড়লেও ভদ্রঘরে ভিকের নেবে না। লুকিয়ে কিছু কিছু চাল ডাল ঘরে দিয়ে এলে ওদের মানটাও বাঁচে, প্রাণটাও বাঁচে।’

‘তা দিতে হবে বৈকি!’

‘আমার দোষ নেই। অক্ষয়ের বিধবা মা আর যুবতী বোনটা যে গায়ে পড়ে আছে কেউ আমার জানায় নি। তবু আমিই দোষী। জেল থেকে

বেরিয়ে অক্ষয় ভাববে কি না বলো যে সরকার মশায় থাকতে তার সর্বনাশ হল ?'

'তা ঠিক । দেখি কি করতে পারি ।'

স্টেশনে ভিড় করেছিল একদল নরনারী যাদের দেখলেই মরণাপন্ন গাছের কথা মনে পড়ে যায় । মাধব তাদের জন্তু কলকাতা থেকে চাল ডাল আটা ময়দা নিয়ে আসছে খবর শুনে তারা স্টেশনে ছুটে এসেছে । না, ঠিক ছুটে তারা আসে নি, ধীরে ধীরে হেঁটেই এসেছে । বাঙ্গাতলা থেকে স্টেশন মোটে তিন মাইল পথ, দশ পনের মাইল হলেও তারা আসত । কারণ, দান এগিয়ে গিয়ে সবার আগে নিতে হয়, নইলে ফুরিয়ে যায় । জগতে চিরকাল চাওয়ার তুলনায় দান কম পড়ে এসেছে, সবার আগে হাত পাতবার প্রয়োজনটা তাই সবাই জানে ।

বেলা তিনটের গাড়ি পৌঁছল সন্ধ্যা সাতটায় । স্টেশনের গ্রাম্যতা তখন অন্ধকারের রূপ নিচ্ছে । লোক দেখে মাধব প্রথমে ভেবেছিল, সরকার মশায় আসবে শুনে সবাই বুঝি তাকে অভ্যর্থনা করতে এসে ভিড় জমিয়েছে, তারপর আসল ব্যাপার টের পেয়ে তার বেশ একটু উল্লাস ও গুরুত্ববোধ জাগল । কারণ যাই থাক, তারই প্রতীকায় এতগুলি লোক জমা হয়েছে এ চিন্তা মানুষকে উল্লাস দেবেই, নয়তো কোনো চাপরাসী কোনোদিন খাতির পেয়ে খুশি হত না । গুরুত্ববোধ জাগল দায়িত্বের হৃদিস পেয়ে । এদের প্রত্যাশা যে কত অধীর এই ভিড় তার প্রমাণ । তাকে কারবার করতে হবে এদের নিয়েই ।

মাধবের সঙ্গে শুধু বিছানা আর পুটকেস নামতে দেখে জনতা শুরু হয়ে গিয়েছিল । হঠাৎ সেই নৈঃশব্দ্য উপলব্ধি করে মাধবের গা ছমছম করতে লাগল । খালি হাতে স্টেশনে নেমে সে যেন হৃদয় মনের এক বিরাট অভিযানকে বিপথে চালিয়ে দিয়েছে ; পাক দিয়ে এসে সেটা রক্তমাংসের আক্রমণে পরিণত হয়ে যাওয়া বিচিত্র নয় ।

হেডমাষ্টার ভূপতি চক্রবর্তী বললেন, 'আপনি ওদের একটু বুঝিয়ে
বলুন। আমি বলেছিলাম, বিশ্বাস করে নি।'

মাধব কি আর করে, ছবার খুক খুক করে কেশে নিয়ে চিৎকার আরম্ভ
করল : সকলে শোন—

সকলে শুনল। সেই ভয়ানক স্তব্ধতা ভেঙে গেল। উন্মুখ ভিক্ষুক বোধ
হয় মরে গেলেও আশ্বাসের মন্ত্রে বেঁচে ওঠে। নয়তো পৃথিবীতে এত
মানুষ আজও বেঁচে আছে কেন? ভিড় যেন সশিৎ কিরে পেয়ে সশক
উদ্ভেজনায় জীবনের গুণ্ডন তুলে গাঁয়ের দিকে রওনা হল। আজ
আসেনি কিন্তু তাদের জন্তু অন্ন আসবে। খেতে তারা পাবেই। স্বয়ং
ধনঞ্জয় সরকার তাদের সকলকে খাওয়াবেন। স্টেশনে আসা তাদের
সার্থক হয়েছে। বোপে আর গাছে ছড়ান জোনাকিগুলি যেন টেপা
টেপা সংকেতে সায় দিতে লাগল।

স্কুলের ঘরে মাধবের থাকবার ব্যবস্থা হয়েছিল। স্কুল আজ মাস দুই বন্ধ
আছে। ছেলে হয় না বলে ধনঞ্জয় পূজোর ছুটি পর্যন্ত স্কুল বন্ধ রাখবার
হুকুম দিয়েছিলেন। স্কুলের লাগাও হেডমাষ্টারের বাড়ি, মাধবের জন্তু
তিনি খাওয়ার আয়োজনটা করেছিলেন ভালোই। হেডমাষ্টারের স্ত্রী
নিজে পরিবেশন করে তাকে খাওয়ালেন, পান এনে দিল তার মেয়ে।
অতিথিকে ঘরের লোক করে নেওয়াটা গ্রাম্য ব্যবহার। তবে এক্ষেত্রে
সেটা একটু খাতির করার দাঁড়িয়ে গেল। স্কুলের মাষ্টারদের বেতন এক
পয়সা বাড়ান হয়নি, এই ছুঁদিনে তাদের দিন চলে না। এদিকে মাধব
ধনঞ্জয়কে একটু বললেই এ অবস্থার প্রতিকার হতে পারে। এটুকু উচ্চ
ধাকলে ভূপতির বাড়ির পারিবারিক আদর-যত্নে মাধব মুগ্ধ হয়ে যেতে
পারত।

স্কুলের কেয়ানি শ্রামল এ বাড়িতেই থাকে। খাওয়াদাওয়ার পর আড়াল
থেকে স্বার্থের কথাটা সেই সামনে টেনে আনল। শ্রামলের বয়স ত্রিশের

নিচে, অজীর্ণের চেহারা। বিনিরে বিনিরে শোকের শোভাযাত্রার মতো কথা বলে।

‘আমাদের দিকে একটু না তাকালে আমরা তো আর ঝাচি না, মাধববাবু। বাবুর আগিসের পিয়ন পর্যন্ত রেশন পাচ্ছে, অর্থাৎ ইদিকে—’ শ্রামল প্রায় কখনোই মুখের কথা শেষ করে না। যেটুকু বলা হলে বক্তব্য বোঝা যায় সেইটুকু বলেই সে সার্থক হাসির ভঙ্গিতে নীরবতার জের টানে।

মাধব হেসে বলল, ‘আপনারা তো সুখে আছেন মশায়। ছুটিও ভোগ করছেন, মাইনেও পাচ্ছেন।’

ভূপতি বিমর্ষভাবে বললেন, ‘সরকার মশায় হঠাৎ যে কেন স্কলটা বন্ধ করলেন। প্রায় নব্বুইটি ছেলে অ্যাটেণ্ড করছিল—’

‘নব্বুই ?’ বলেন কি সার !’ মাধবের পান চিবানো বন্ধ হয়ে গেল।

‘আজ্ঞে হ্যাঁ। আমি নিজে অ্যাটেণ্ডান্স রেজিষ্টার দেখে অ্যাভারেক্স কবে পাঠিয়েছি। বাবু বুঝি বিশ্বাস করেন নি ?’ ভূপতি শঙ্কিত ভাবে প্রশ্ন করলেন।

আবার পান চিবোতে আরম্ভ করে মাধব বলল, ‘বিশ্বাস অবিশ্বাস জানি না মাস্টার মশায়। বাবুকে জানেন তো, কখন কি খেয়াল চাপে কেউ টেরও পায় না। উনি রসিক পিয়নকে পাঠিয়েছিলেন ছেলে গুণতে। ও ব্যাটা এক নম্বর ধূর্ত। গিয়ে বলে কি, নিমতনার গামছা কাঁধে ঠায় বসে থেকে এক এক করে’ গুণে দেখেছে, তেত্রিশটি ছেলে স্কুলে এল।’

শ্রামল হাত কচলাতে লাগল। ভূপতি খানিকক্ষণ চূপ করে থেকে বললেন, ‘সেদিন—সেদিন হয়তো কিছু কম ছিল। মানে, কি জানেন, মেলা-টেলা থাকলে ছেলেরা আসে না।’

স্কুলের ঘরে গুতে গিয়ে ধনঞ্জয়ের আশ্চর্য উদারতার কথা ভাবতে

ভাবতেই মাধব সে রাতে ঘুমোল। তাকে পর্যন্ত ধনঞ্জয় জানান নি যে ভূপতি ছেলের সংখ্যা বাড়িয়ে মিথ্যা রিপোর্ট দিয়েছিলেন, মিথ্যাটা তিনি ধরে ফেলেছেন! মিথ্যাকে তিনি মিথ্যা বলে গ্রহণ করেন নি, ভূপতির প্রবঞ্চনা কমা করেছেন, চেপে গেছেন। এদের আতঙ্ক তিনি টের পেয়েছিলেন। স্কুল বন্ধ হলে মাইনেও বন্ধ হয়ে যাবে ভেবে মরিয়া হয়ে ভূপতি অন্ডায়টা করে ফেলেছেন অনুমান করে রাগ হওয়ার বদলে তাঁর অনুকম্পা জেগেছে। কী মহৎ তিনি! কিরে গিয়ে সর্বাঙ্গে মাধব তাঁর পদধূলি গ্রহণ করবে। তিনি যে জেনেছেন একথা জানিয়ে ভূপতিকে লজ্জা দেবার স্বাভাবিক ইচ্ছাটা পর্যন্ত দমন করার মহত্বই ধনঞ্জয় মাধবের কাছে দেবতার চেয়ে বড় হয়ে যান। ভক্তির উত্তাপে মাধবের মোহ ঘন আঠালো হয়ে আসে।

দুঃস্বপ্ন দেখে রাতে তার ছবার ঘুম ভেঙে গেল। ছবারই শেয়ালের ডাক শুনে প্রায় আধঘণ্টা করে' সে জেগে রইল।

সকালে চা খেতে গিয়ে দিনের আলোর মাধবের খেয়াল হল ধনঞ্জয় যাদের যুবতী বলেন ভূপতির মেয়েটি সেই পর্যায়ে পড়ে। এক মুহূর্তের জ্ঞান, শুধু কয়েক মুহূর্তের জ্ঞান মাধবের মনটা একটু খিঁচড়ে গেল। এর জন্মই কি ভূপতির প্রতি ধনঞ্জয়ের এত দয়া? স্বাদগন্ধহীন গেরো চা-টুকু গিলতে গিলতেই মানসিক বিশ্বাসঘাতকতার প্রক্রিয়াটি সে সামলে নিল। ওসব দোষ ধনঞ্জয়ের নেই। তিনি শুধু অধ্যবসায়ী কৃতী পুরুষ নন, চরিত্রবানও বটে। তাঁর শত্রুও একথা স্বীকার করবে। ভূপতির মেয়েকে হরতো তিনি কোনোদিন চোখেও দেখেন নি। হরতো শুধু শুনেছেন যে ভূপতির একটি যুবতী মেয়ে আছে। যাদের বাড়িতে যুবতী বোন বা মেয়ে আছে তাদের ধনঞ্জয় একটু প্রশ্ন দিয়ে থাকেন। চাকরি দেবার সময় প্রত্যেকের পরিবারের খবর তিনি খুঁটিয়ে খুঁটিয়ে জেনে নেন। কস্তাদায়গ্রস্ত কেউ কোনোদিন তাঁর কাছে

এসে খালি হাতে ফিরে যায় নি। মাধব জানে, ধনঞ্জয়ের এই সদাজাগ্রত সহানুভূতি স্বর্ষের আলোর মতো নির্মল। যুবতী মেয়েদের সম্বন্ধে তাঁর কোন দুর্বলতা নেই, তাঁর সবটুকু সহানুভূতি শুধু যুবতী মেয়ের বাপ ভায়ের জন্য।

‘অক্ষয়ের বোনটার খবর জানেন মাষ্টার মশায় ? নলিনীর ?’

‘সে সদরে আছে।’

‘সদরে নাকি ! শুনছিলাম একেবারে নিখোঁজ ?’

‘না, সদরে নৃসিংহবাবুর রিলিফ ওয়ার্ক করছে।’

‘বটে ? তবে যে শুনলাম নৃসিংহবাবুর ছেলেটার সঙ্গে পালিয়ে গেছে খেতে না পেয়ে ?’

‘ঠিক পালিয়ে যায় নি, চলে গেছে। বলা হল অনেক, কারো কথা শুনল না। ওর মা তো ওকে গাল দিয়ে কিছু রাখেনি। শিববাবু, ভোলানন্দী এঁরা সবাই কিছু টাকা সাহায্য দিতে চাইলেন, সরকার মশায়কে বলে সব ঠিক করে দেওয়া হবে জানান হল, ও তা গ্রাহ্যও করল না। খালি বলতে লাগল, ‘যান্, যান্, আপনারা যান্।’ মাকে ফেলেই চলে গেল।’

শেষ কথাটার মাধব মুচকে হাসতে থাকে। ওটা যেন বলাই বাহুল্য ছিল।

শ্রামল বলে, ‘সে এক কাণ্ড মাধববাবু। মা টেনে হিঁচড়ে মেয়েকে আটকাতে চায়, মেয়ে টেনে নিয়ে যেতে চায় মাকে। বুড়ী কেন গায়ের জোরে পারবে অমন জোয়ান মেয়ের সঙ্গে ! টানতে টানতে বেলাতলা তক্ নিয়ে গেছল। বুড়ী তখন হাঁউমাউ করে চেঁচাতে লাগল। আমরা মেয়েটাকে ধমকে ছাড়িয়ে দিলাম।’

ভূপতির মেয়ের মুখখানা বিবর্ণ স্নান দেখাচ্ছিল। তিনবার সে ঘরে এসেছে, গেছে। এসব কথা শুনে সে যেন সহঁতে পারছে না, থাকতেও

পায়ছে না না-শুনে । হঠাৎ সে বলল, ‘নলিনী আমার চিঠি লিখেছে বাবা । পাচটা টাকা পাঠিয়েছে ওর মার জন্তু-’

ভূপতি আশ্চর্য হয়ে বললেন, ‘আনু তো চিঠিটা, দেখি কি লিখেছে ।’ চিঠিখানা প্রথমে দেখল মাধব, সে উপস্থিত থাকতে প্রথম কিছু করার অধিকার আর কারো থাকতে পারে না । যন্ত্র লম্বা চিঠি, মনকে ঢেলে দেবার সব চেয়ে উপযোগী ব্যক্তিগত সস্তা ভুল ভাষায় লেখা বলে স্পষ্ট পরিষ্কার মানেতে আগাগোড়া ঠাঙ্গা । সবাই কি ভাবছে আর তার কি হবে ভেবে নলিনীর কারা পাচ্ছে । বাঙ্গাতলায় পড়ে থেকে মরে গেলেই তার ভালো ছিল । নলিনী আর বাঁচতে চায়না, কিন্তু বেশ আছে সে দিনরাত খাটতে খাটতে মরে যাওয়ার মতো কাজের মধ্যে, তবে কিনা বুক ফেটে যায় মানুষের দুর্দশা দেখলে । নলিনীর দাদা তাকে বলত যে ভিক্ষে করা আর ভিক্ষে দেওয়া দুটোই সমান পাপ । কারো কাছে ভিক্ষে নেবে না বলেই তো সে চলে গেছে । ভিক্ষে নেবেও না, ভিক্ষে দেবেও না । তবে ভিক্ষে দেওয়ার কাজ যে সে করছে সেটা ভিন্ন । নিজে তো আর সে ভিক্ষে দিচ্ছে না, সে শুধু কাজ করছে । কাজ তো তাকে করতে হবে, তাই সে কাজ করছে । কি কাজ করতে হচ্ছে তা সে ভাবতে যাবে কেন ? মানে, নলিনী শুধু কাজটাই করছে, আর কিছু নয় । যাদের সে খেতে দিচ্ছে ইচ্ছে করে দিচ্ছে না । ক্ষমতা থাকলে সে কিছুতেই দিত না । সবাই মরলেও দিত না । দাদার কথা নলিনী পালন করছে । চিঠি পড়ে বোঝা যায় এই কথাটা বুঝিয়ে লিখতে নলিনী বেশ ফাঁপরে পড়েছিল । দুলাইনেই তার বক্তব্য স্পষ্ট হয়েছে, কিন্তু সেটা তার বোধগম্য হয়নি, সম্ভব বলে ভাবতেও পারেনি । ঘুরিয়ে ফিরিয়ে নানাভাবে লিখেও তার মনে সন্দেহ রয়ে গেছে যে মনের আদর্শ মনে রেখে কাজের জন্তু কাজ করার নীতি-কথাটা সে বুঝিয়ে বলতে পেরেছে কিনা এবং ভূপতির মেয়ে বুঝবে কিনা ।

চিঠি পড়ে মাধব বা ভূপতি কেউ কোনো মন্তব্য করল না। শ্রামল টেনে টেনে বলল, 'ফাজিল মেয়ে' যেমন ভাই তার তেমনি বোন। ভক্তি হতে চায়নি আমাদের এই স্কুলে? এ যেন মেয়ে স্কুল, খেড়ে মেয়ে নিলেই হল। বলে কিনা মেয়েদের একটা সেকসান করুন। গুর হকুমে মেয়েদের সেকসান খোলা হবে! ছেলেদের স্কুলেই ছেলে হচ্ছে না—'

'আমার চিঠি দিন!' ভূপতির মেয়ে ফৌস করে উঠে শ্রামলের হাত থেকে চিঠিটা ছিনিয়ে নিল।—'আপনি তো যেচে পড়াতে চেয়েছিলেন ওকে। রোজ গিয়ে পড়িয়ে আসবেন বলেছিলেন।'

ভূপতি শ্রামলের হয়ে অপরাধীর মতো বললেন, 'লেখাপড়া শেখার খুব কোঁক আছে মেয়েটার। বড় উত্যক্ত করে তুলেছিল। শেষে কি আর করি, আমার মেয়ের সঙ্গে মাঝে মাঝে পড়াতাম।' ভূপতি একটা নিশ্বাস ফেললেন, 'আর মেয়েদের লেখাপড়া শেখা। ছেলেরাই এডুকেশন পাচ্ছে না, মেয়েরা কি করবে এডুকেশন দিয়ে?'

মাধব বলল, 'দাঁড়ান, মেয়েদের একটা স্কুল খুলিয়ে দিচ্ছি।'

ভূপতি চমকে গেলেন। শ্রামল ফ্যালফ্যাল করে তাকিয়ে রইল। চল। যেতে যেতে ভূপতির মেয়ে থমকে দাঁড়াল।

'সরকার মশায় রাজী হবেন? কিন্তু মেয়ে তো বেশি হবে না!'

'দশটি মেয়ে তো হবে? তাই চের।'

ধনঞ্জয়ের ছোঁয়াচ লেগে লেগে মাধবের কি হয়েছে, হঠাৎ সংকর্মের অদম্য প্রেরণা জাগে। মেয়ে স্কুল খোলবার চিন্তায় সে অশ্রমনস্ক হয়ে গেল। তাকে যে কমিটি গড়ে, ভলাটিয়ার জোগাড় করে, সাপ্লাই-এর ব্যবস্থা ঠিক করে, স্কুলের একটা অংশ ঘিরে এবং আরও বহু হাঙ্গামা করে অন্তিমত খুলতে হবে সে ভাবনা প্রায় চাপা পড়ে গেল তখনকার মতো। ধনঞ্জয় রাজী হবেন। খুব সহজেই মাধব তাঁকে মেয়ে স্কুল খুলতে

রাজী করাতে পারবে। পড়ানোর কাজ দিয়ে তিন চার জন যুবতী মেয়ের উপকার করার সুযোগ ধনঞ্জয় ছাড়বেন না।

মাধবের কাছে এই নতুন পরিকল্পনা পেয়ে তিনি খুশি হবেন। ধনঞ্জয় খুশি হলে মাধবের হবে সুখ।

বাক্সাতলা হিতৈষিণী সভার কয়েকজন মাতঙ্গর সভ্য এবং স্কুলের অন্তর্গত মাষ্টাররা এসে পড়ায় মাধবকে তাদের সঙ্গে আলাপ আলোচনার রত হতে হল। মনটা তার একটু আনমনা হয়ে রইল।

গাঁয়ের চারদিক ঘুরে আসবার ইচ্ছা মাধবের ছিল। দুপুরে বিশ্রাম করে বিকালের দিকে ভূপতি, শ্যামল এবং আরও দুজন হিতৈষিণী সভ্যের সঙ্গে সে বেরিয়ে পড়ল। বাবার আগে ভূপতির মেয়ের কাছ থেকে নলিনীর মার পাঁচটা টাকা চেয়ে নিল। নিজেরই সে টাকাটা পৌছে দিয়ে আসবে।

‘আর গোটা তিনেক টাকা দিয়ে আটটাকা করে দেব। বলবখন মেয়েই সবটাকা পাঠিয়েছে।’

‘ভালোই তো।’

সুখে সার্ব দিলেও সকলে একটু শঙ্কিত হলেন। আট টাকাকে বারো চোদ্দ টাকা করতে মাধব আবার চাঁদা না চেয়ে বসে। মাধব সিনেমার স্বাদ পাচ্ছিল। গোপনে পাঁচ টাকাকে আট টাকা করে মা’র হাতে তুলে দিয়ে বলা তার মেয়ে পাঠিয়েছে।

‘ছেলেবেলা খুব আদর করতেন। কত মোয়া আর তিলুড়ি যে খেয়েছি। ইঁদা, চক্রপুলিও খাওয়াতেন। এখনো জিভে স্বাদ লেগে আছে মনে হয়। কি কপাল দেখুন মানুষের, উপযুক্ত ছেলে থাকতে কেউ দেখবার নেই।’ সকলে একটু অস্বস্তি বোধ করছে বোঝা গেল। নলিনীর মার উপযুক্ত ছেলে যে থেকেও নেই, এটা বড় খাপছাড়া সত্য।

ধনঞ্জয় দাতব্য ঔষধালয়ের কিছু দূরে নন্দীদের বাড়ির কাছে নলিনীর

মার বাড়ি । ঘর তিনখানা ভাঙাচোরা, উঠোনে শুকনো পাতা ছড়ান ।
বাড়ির কাছাকাছি যেতেই একটা বিদ্যুৎ দুর্গন্ধ নাকে লাগছিল, উঠোনে
পা দিতে গন্ধটা ঘন ও গাঢ় হয়ে উঠল ।

দক্ষিণের ঘরে দরজা খোলা । পায়ের শব্দে একটা শেয়াল খোলা দরজা
দিয়ে ছুটে বেরিয়ে এসে রান্নাঘরের কানোচ দিয়ে ডোবার পাশে
বাঁশবনে চলে গেল ।



টিফেন এফ বিলামসনের মনটা সরল, কেবল বুদ্ধিটা একটু প্যাঁচালো, জাত বেনের যেমন হয়। দরকার না হলে অকারণে কখনো সে প্যাঁচ কবে না এবং প্যাঁচ যাতে গভীর হয় সে বিষয়ে সাবধান থাকে। মিথ্যাকে সে আমল দেয় না। সাদাকে যদি বা কালো বলে, এমন জোয়ের সঙ্গে বলে এবং এতখানি তেজ আর আন্তরিকতা থাকে তার বলার মধ্যে, যে লোকে খতমত খেয়ে ভাবে তারই বোধ হয় ভুল হয়েছে। বিলামসনের সাহস চূর্জয়। যেখানে ভয়ের কিছু নেই, যেখানে প্রতিপক্ষ তার চেয়ে দুর্বল, সেখানে সে দুঃসাহসী। শঙ্কার কারণ থাকলে শঙ্কিত না হয়ে সে উদারভাবে সাহস দেখাতে বিরত থাকে, তাতে তার ধৈর্য ও সহিষ্ণুতা প্রমাণিত হয়ে যায়। অন্ডায় সে কখনো কঁপে না, অন্ডায় করতে হলে আগে ঈশ্বরের, কর্তব্যের, মনুষ্যত্বের দোহাই দিয়ে সে বিশ্ব জগতের কাছে ঘোষণা করে নেয় যে সেটা অন্ডায় নয়, অতিশয় স্তায়।

সাতান বছর বয়স হয়েছে বিলামসনের। মেহেদি রঙের চুলে সাদার ছোপ ধরেছে। মিসেস বিলামসনের বয়স হবে ছেচল্লিশ, তবে বয়স গোপন করার কৌশল ভদ্রমহিলা এত ভালো জানেন এবং ওই সাধনায় প্রতিদিন এত সময় ব্যয় করেন যে মনে হয় ত্রিশ বছরের বৌবর্নে বেন ভাঁটা ধরেনি। তবে জোয়ারের জল প্রাচীর তুলে আটকে দিলে তাতে যেমন শ্রাওলা জন্মায়, জল খারাপ হয়ে পচাপচা দেখায়, মিসেস বিলামসনের রূপও তেমনি হয়ে গেছে। বিশ বছরের মেয়েটির পাশে বিশেষ করে বদ দেখায়। মেয়েটির নাম অরেল্যে। অরেল্যে যে খুব বেশি রূপসী তা নয়, নীল চোখ, গালের উঁচু হাড় আর বৈচিত্র্যহীন ছিপছিপে গড়নে রূপ সৃষ্টি হয় না। তবু, ছেচল্লিশের সঙ্গে কুড়ির তফাৎ অনেক।

একটি ছেলে আছে বিলামসনের, আর্থার। অরেল্যের চেয়ে আর্থার কিছু বড়। আর্থারের তেতাল্লিশটা বিভিন্ন রকমের টাই আছে।

বিলামসন সম্প্রতি সপরিবারে নগরগড়ে মহীধর রায়ের বাড়িতে বাস করছে। বাস করছে অনেকদিন, যদিও মহীধর তাদের নিমন্ত্রণ করেছিল দিন কয়েকের জন্য। মহীধর অত্যন্ত অতিথিবৎসল, তাদের বংশে চিরদিন এই বাৎসল্যের প্রবল প্রকোপ দেখা গিয়েছে। বিলামসন নড়বার নামও করত না, তবু মহীধর প্রত্যেক সপ্তাহেই দু'চার বার তাকে আরও কিছুদিন থেকে যাবার জন্য অনুরোধ করত।

বিলামসনেরা সপরিবারে তাকে ধনুবাদ জানিয়ে বলত, 'অত করে বলবার দরকার নেই রায়। আমরা নিশ্চয় থাকব।'

কয়েক সপ্তাহ অতিথি হয়ে বাস করবার পর বিলামসন মহীধরের ম্যানেজার হয়ে বাস করছে। সেকলে বিশাল তিনমহাল বাড়িটার গায়ে লাগিয়ে দক্ষিণে নদীর দিকে মহীধর যে একেলে ধাচের নতুন বাড়িটি তুলেছে, তাতে। বাড়িটিতে শোবার ঘরের সংখ্যাই হবে ডজন-

খানেক। অতিথি পরিবারটিকে প্রথমে মহীধর তিনখানা শোবার ঘর আর একটি বসবার ঘর ছেড়ে দিয়েছিল। তারপর বিলামসন নিজেকে কাজ করবার জন্ত একটি অফিসঘর, আর্থারের জন্ত একটি পড়ার ঘর এবং অরেলোর জন্ত একটি বসবার ঘর চেয়ে নিয়েছে। তারপর আরও একটি বাড়তি ঘর তার কি কারণে দরকার হয়েছে মহীধর ঠিক বুঝতে পারে নি। তারও পরে মহীধরের বাড়ির এই আধুনিক অংশটির সমস্তটাই বিলামসন আয়ত্ত করে ফেলেছে।

মহীধরের একটি বন্ধুর সপরিবারে আসবার কথা ছিল, নতুন বাড়ির একাংশেই তারা থাকবে। এ বাড়িতে পাঁচ সাতটি পরিবার একসঙ্গে আরামে বাস করে গেছে।

মহীধরের বন্ধু পরিবার এসে পৌঁছবার আগে বিলামসন বলল, 'আমার একটা অনুরোধ রাখতে হবে রায়। অন্ত কোথাও ওদের যদি থাকবার ব্যবস্থা করে দাও, বড় ভালো হয়। তেবো না, দেশীলোক বলে আপত্তি করছি। মোটেই তা নয়। তোমার এই বন্ধুটির সঙ্গে আমার বনে না। তা ছাড়া তোমার ও বাড়িতে তো জায়গার অভাব নেই।'

তারপর আরও অনেকবার মহীধরের আত্মীয়স্বজন বন্ধু-বান্ধব এসেছে কিন্তু বাড়ির নতুন অংশে কেউ স্থান পায়নি। কয়েকবার বিলামসন নতুন নতুন অকাট্য যুক্তি দেখিয়ে আদার ধরেছে তার অংশে সে যেন একলা থাকতে পায়। এখন আর বিলামসনকে যুক্তি দেখাতে হয় না, কিছু বলতেও হয় না। অতিথি যারা আসে পুরানো বাড়ির সাতান্নটি ঘরের সব চেয়ে ভালো খান দশেক ঘরে তাদের থাকতে দেওয়া হয়, বিলামসনের শাস্তি ভঙ্গ করার কথা মহীধর মনেও আনে না।

জেলার কালেক্টর জ্যাকসন সাহেব যখন সন্ধ্যাক তিনদিন মহীধরের অতিথি হয়েছিলেন, তখন পুরানো বাড়িতেই তাদেরও থাকতে দেবার

ব্যবস্থা হয়েছিল, বিলামসন অকাট্য যুক্তি দেখিয়ে বলল, 'মিষ্টার জ্যাকসনের সঙ্গে আমার সর্বদা নানা বিষয়ে আলোচনা করতে হবে বুঝতে পারছ না, রায় ? নতুন রাস্তা, স্কুল, কারখানা, আরও কত বিষয়ে কত কথা বলতে হবে। ওরা আমার বাড়িতেই থাকবে।'

এই প্রথমবার বিলামসন মহীধরের নতুন বাড়িকে আমার বাড়ি বলে ঘোষণা করল। কিন্তু কথাটা যেন মোটেই খাপছাড়া শোনাল না তার মুখে।

জ্যাকসন সাহেবের পর এসেছিলেন শ্বিথ সাহেব ও বেনেট সাহেব। এদের দুজনেরই পত্নীরা মিসেস বিলামসনের এবং ছেলেমেয়েরা আর্থার ও অরেলোর প্রাণের বন্ধু। সুতরাং এরাও যে বিলামসনের বাড়িতে বাস করে যাবে সেটা খুবই স্বাভাবিক মনে হয়েছিল সকলের।

একটা রাজ্যের সমান মহীধরের জমিদারী—বিলামসনের তত্ত্বাবধানে দিন দিন জমিদারীর উন্নতি হতে লাগল।

লোকটা বিলক্ষণ কর্মঠ এবং উৎসাহী সন্দেহ নেই। নাইবা হবে কেন। পুষ্টিকর, উত্তেজক খাদ্য ও পানীয়ের অভাব নেই, বিশ্রাম সে কাজেরই অঙ্গ হিসাবে নেয়, অবসর বিনোদন তার অপরিহার্য নিত্যকর্ম, সুপি-রিয়রিটি কম্প্লেক্স দিয়ে মনকে সর্বদা তাজা রাখে, তার উপর বেনের মতো বাস্তববাদী বলে মানসিক কর্মের মানেই সে বোঝে না। মহীধরের বাড়িতে ও এষ্টেটে সে যে কত কি করেছে এবং করছে তার বিবরণ সত্যিই চমকপ্রদ। পঞ্চষাটের সংস্কার দিয়ে কাজ শুরু হয়। আশেপাশের গাঁয়ের লোক আজ নগরগড়ে নতুন পিচ ঢালা পথে উঠবার আগে ভালো করে পায়ের কাঁদা ধুয়ে নেয়। গরুর গাড়ি চলে চলে এতকাল সদরে যাবার বড় রাস্তার দফা নিকেশ করে দিত, মাইল পাঁচেক রাস্তার এখন গরুর গাড়ির যাতায়াত বন্ধ হয়ে গেছে। ওপথে এখন মহীধরের, তার অতিথি অভ্যাগতদের এবং বিলামসনের মোটরগাড়ি হস্ হস্

করে চলে—খানা ডোবার জন্ত টিপে টিপে সাবধানে চালাতে হয় না। গরুরগাড়িগুলি চলাচল করে অল্প পথে। একটু ঘুর হয়, সময় বেশি লাগে, আর কোন অসুবিধা নেই। রামপুর গাঁ থেকে হানাতিয়া আগে ছিল ক্রোশখানেকের পথ, এখন তিন ক্রোশের সামান্য বেশি কি কম হবে। নগরগড় থেকে সদরের দূরত্ব গরুর গাড়িতে সাত মাইল বেড়ে গেছে। তবে বিলামসনের বন্ধু স্মিথের কোম্পানী নগরগড় থেকে মালপত্র সদরে নিয়ে যাবার জন্ত আট দশটি গরি কাজে লাগিয়ে দেওয়ায় অনেক গাড়ির এখন আর খ্যাটার খ্যাটার করে সদরে যাবার দরকার হয় না।

মহীধরের বাড়ির কাছাকাছি নদীর ধারে একটা বিদ্যুত তৈরীর কল বসানো হয়েছে। মহীধরের বাড়িতে ঝাড়বাতি লঠন আর টানাপাখার পাট গেছে উঠে। ত্রিশ বছর প্রতি সন্ধ্যায় আলো জ্বালান ভার যে লোকটির ছিল, তাকে ছাড়ানো হয় নি। পাখা টানার এগারটি ছেলেবুড়োর কাজ গেছে। বিদ্যুতের কল বসানো আর চালানোর খরচ উঠেও যাতে কিছু লাভ থাকে সে ব্যবস্থা বিলামসন করেছে। নগরগড়ের অধিবাসীদের নিজের নিজের কাঁচা পাকা বাড়িতে বৈদ্যুতিক আলো জ্বালাতে রাজী করানোর সমস্তটা তাকে মোটেই কারু করতে পারে নি। অর্ধেক লোক বুদ্ধিমানের মতো নিজেরাই রাজী হয়েছিল। কাজেই, রাজী করাতে হয়েছিল মোটে বাকী অর্ধেককে। নগরগড়ের যে বাড়িতে সন্ধ্যার পর এক খণ্টার মধ্যে বাতি নিভিয়ে সকলে ঘুমিয়ে পড়ত, এখন রাত বারটা পর্যন্ত বাল্ব জ্বালিয়ে সে বাড়িতে সকলে জেগে থাকে।

আলো জ্বলুক বা না জ্বলুক, টাকা মাসে মাসে দিতে হবে। আলো না জ্বালিয়ে টাকা দেবার কথা ভাবতে অনেকের গা জ্বালা করে।

তিনটে কারখানাও বিলামসন বসিয়েছে। তার মধ্যে কাঁচের কার-

খানাটিই সব চেয়ে বড়—শ্রামুয়েল, পিটার অ্যাণ্ড ডেভিড্‌সন কোম্পানী
 ম্যানেজিং এজেন্টস। অস্তুত একটা কোম্পানীর মূলধন মহীধরের দেবার
 ইচ্ছা ছিল। তার এষ্টেটে তার জমিতে কারখানা বসাতে বিলামসনের
 'বন্ধুরা শুধু পকেট থেকে টাকা চালাবে, সহায়তা করা ছাড়া সে কিছুই
 করবে না, এটা তার কাছে কেমন লজ্জাকর মনে হয়েছিল।
 কেমিকেলের কারখানার সমস্ত মূলধন, অস্তুত অর্ধেক, দেবার জন্ত
 মহীধর উৎসুক হয়ে উঠেছিল। কিন্তু যা হবার নয় তা তো আর হয় না।
 বিলামসন তাকে বুঝিয়ে বলল, 'সত্য কথা বলি রায়, এতবড় দায়িত্ব
 দেবার ক্ষমতা তোমার নেই। কি দরকার তোমার অত হাল্কা মায় ?
 তোমার যথেষ্ট লাভ থাকবে। তোমার এষ্টেটের কত উন্নতি হয়েছে,
 আরও কত উন্নতি হবে ভাব তো !'

আরও অনেক কিছু বিলামসন করেছে এবং করছে। এষ্টেটের বিলি
 বন্দোবস্ত আদায়পত্র হিসাবনিকাশ ইত্যাদি ব্যবস্থায় যেখানে যতটুকু
 ছিল ছিল সব এমন আঁট করে দিয়েছে যে সমস্ত এষ্টেট সে টানের চোটে
 টন্ টন্ করছে। নিয়ম হয়েছে অসংখ্য এবং নিয়মানুবর্তিতার কড়াকড়ি
 হয়েছে বিশ্বয়কর। দেড় আনার গোলমান নিয়ে দেড় ডজন চিঠি
 লেখালেখি হয়, প্রশ্ন, কৈফিয়ৎ, মন্তব্য, ব্যাখ্যা ইত্যাদি ষ্টেটমেন্টে
 দেড় দিল্লী কাগজ লাগে, দেড়দিন খেটে একজন কেরানি স্থায়ী ফাইল
 তৈরি করে। কারও প্রতি বেআইনী অগ্রায় হবার উপায় নেই, আইন
 ছাড়া এক পা চলা নিষেধ। সামান্য বলে কোনো ব্যাপারকে তুচ্ছ করা
 হয় না, বিচারের জন্ত সোজা আদালতে পাঠিয়ে দেওয়া হয়।
 এক ধমকেই সাড়ে চার টাকা খাজনা আদায় হয় বটে কিন্তু ধমক
 দেওয়া তো আইনসঙ্গত নয়। দুটো মিষ্টি কথায় আপোষে
 অনেক 'ব্যাপারের মীমাংসা হয় বটে, কিন্তু তাতে তো প্রেস্টিজ
 থাকে না।

বিলামসন বলে, 'প্রেক্ষিত বজায় থাকার ওপর সব নির্ভর করে রায়, এটা কখনো ভুলো না। প্রেক্ষিত বজায় রাখা চাই, প্রেক্ষিত।'

এত কাজ ও দায়িত্বের বিনিময়ে বিলামসন মাসে মাসে মোটে দেড় হাজার টাকা নেয়। মহীধর অবশ্য তাকে থাকবার বাড়ি দিয়েছে। আসবাব দিয়েছে, চাকর বাকর দিয়েছে, খাদ্য এবং পানীয় যোগাচ্ছে, মাঝে মাঝে সে যে পাটি দেয় তার খরচটাও দিচ্ছে, তবু ধরতে গেলে বিলামসন যত কিছু করেছে এবং করছে তার তুলনায় মাসে দেড় হাজার টাকা কিছুই নয়। দূর থেকে তাকে আসতে দেখলে গাঁয়ের ছেলে বুড়ো স্ত্রী-পুরুষ চোখের পলকে উধাও হয়ে যেত বলে গোড়ার দিকে বিলামসনের বড় আপসোস ছিল। পালিয়ে যাবে কেন? কি দরকার পালিয়ে যাবার? যে যেখানে ছিল সেইখানেই দাঁড়িয়ে থাক, সে কাছাকাছি গেলে সেলাম করুক, পালিয়ে গিয়ে বেড়ার ফাঁক দিয়ে উঁকি দেওয়ার মতো অসভ্যতা করা কি উচিত? মাঝে মাঝে ছ'চার-জনকে ঘরের ভেতর থেকে টানিয়ে এনে বিলামসন তাদের সঙ্গে আলাপ করত।

সন্দের আদালিকে বলত, 'সেলাম করনে বোলো। বাতলা দো।' সেলাম করা হলে কয়েকবার মাথা হেলিয়ে বলত, 'ডরতা কাছে? ডরো মৎ।' বলে আলাপ সাক্ষ করে এগিয়ে যাবার আগে হাতের সুরু বেতগাছা দিয়ে সপাং করে পথের ধারের আগাছার ডগাটি উড়িয়ে দিয়ে আড়চোখে চেয়ে দেখত, অন্তর পাওয়া লোকটি কেমন চমকে উঠে ভড়কে যায়!

খুব বেশি রকম বেয়াদবি না করলে বেতগাছা সহজে মানুষের পিঠে পড়ত না। দীঘু বাগদি একদিন অরেলোর ঘোড়ায় চড়া দেখে বোকার মতো হাসছিল, লম্বা লাঠিটা ছ'হাতে মুঠা করে ধরে সিধা হয়ে দাঁড়িয়ে বুক ফুলিয়ে হাঁদারামের মতো হাসছিল। বিলামসন কি আর

জানিত না এরকম করে হাসাটা যে অপমানকর অসত্যতা দীর্ঘ তা জানে না। তাই রাগ করে নয়, দীর্ঘ বা জানে না তাকে শুধু সেটা জানিয়ে দেবার উদ্দেশ্যে তার নিকষ কালো পিঠের চামড়ায় বিলামসন চার পাঁচটা লম্বা দাগ একে দিয়েছিল। দাগগুলি থেকে রক্তচূইয়ে পড়ার আগেই দীর্ঘ বাগ্গী গিয়েছিল পালিয়ে।

আরেকদিন বিলামসন সপরিবারে নদীর ধারে বেড়াতে আর পাখী শিকার করতে গেছে বিকালের দিকে। পাঁচু গোয়ালার ছেলে মধু মাঠের গরু নিয়ে ফিরছে বাড়ি! কালি নামে পাঁচুর একটি গরু ছিল একটু বেশি রকম চপল, মাঠ থেকে বাড়ি ফেরার সময় তার চং যেত বেড়ে। এদিকে যেত, ওদিকে যেত, থমকে দাঁড়িয়ে মাথা নিচু করে রুখে দাঁড়াত, হঠাৎ শিং নেড়ে চার পা তুলে ছুট দিত দিগ্বিদিগ্ জ্ঞান হারিয়ে। তবে গুঁতোনোর স্বভাব তার ছিল না, ছুরছুর বয়সের মধ্যে একটি মানুষকেও সে গুঁতোয় নি। শিং নেড়ে যেদিক লক্ষ্য করে সে ছুটছিল তাতে বিলামসনদের হাত দশেক তফাৎ দিয়েই সে বেরিয়ে যেত। কিন্তু মিসেস বিলামসন আর অরেল্যে ভয় পেয়ে এত জোরে আতঁনাদ করে উঠল যে বিলামসন ও আর্থার দু'নলা দুটি বন্দুকের চারটি টোটার ছুরাগুলি কালির গায়ে ঢুকিয়ে দিল। মধু হাউমাউ করে ছুটে এলে এমন বিপজ্জনক হিংস্র জন্তুকে দড়ি ছাড়া ছেড়ে দেওয়ায় জন্তু হাতের বন্দুক দিয়ে বিলামসন কয়েক ঘা এবং আর্থার কয়েক ঘা মারল। আর এমনি ক্ষীণজীবী যুবক ছিল মধু যে সেই কয়েকটা ঘায়েই সেইখানে সে পড়ে গিয়ে হয়ে গেল অজ্ঞান!

ত্রিলোচন ভরফদারের ছেলে ধূর্জটিকে বিলামসন এক দিন খালি হাতেই মেরে বসেছিল। ধূর্জটি সহরে কলেজে পড়ে, সিগারেট খায়। নদীর ধারে বাধানো নালায় বসে বিলামসন-পরিবার আশ্বিনের স্নিগ্ধ বাতাস উপভোগ করছে, বলা নেই কওয়া নেই একহাত তফাতে বসে

পড়ে ধূঁজটা কুস কুস সিগারেট টানতে লাগল, ধোঁয়া উড়ে আসতে লাগল মিসেস এবং মিস বিলামসনের মুখে। আর্থার টানছিল সিগার, বিলামসন টানছিল পাইপ। ছেলের হাত থেকে সিগারটা টেনে নিয়ে বিলামসন তার জলন্ত প্রান্তটি চেপে ধরেছিল ধূঁজটির গলায়।

এই ইঙ্গিতটুকুই যথেষ্ট হবে ভেবেছিল বিলামসন, হওয়া উচিত ছিল। কিন্তু কলেজে বিদেশী শিক্ষার কুফল প্রমাণ করতে ধূঁজটি বিনা বিধায় সজোরে বিলামসনের গালে একটা চড় বসিয়ে দিল!

বাপ ব্যাটার তখন চার হাতে ধূঁজটিকে মারতে লাগল। কিন্তু একালের বাবু ছেলে শুধু বেয়াদব হওয়া নয় গায়েও যেন তারা কি ভয়ানক ছোর বাগিয়ে ফেলেছে, ঘুবি মারার কৌশল শিখেছে অকাট্য। দুজনে তাকে যত না মারল, একা সে ফিরিয়ে দিল তার দ্বিগুণ।

বিলামসনদের সঙ্গে সেদিন বন্দুক ছিল না।

ধূঁজটি কোঁচার খুটে নাকমুখের রক্ত মুহূর্তে লাগল আর বিলামসনেরা নাকে ক্রমাল চেপে ধরে পা বাড়াল বাড়ির দিকে। বিলামসনের দুটি প্রকাণ্ড দুর্ধর্ষ প্রকৃতির কুকুর ছিল, চাকরের সঙ্গে তারাও প্রতিদিন হাওয়া খেতে বার হত। একটু এগিয়েই কুকুর দুটির সঙ্গে বিলামসনদের দেখা হয়ে গেল!

বিলামসন চিরদিনই চটপটে। কুকুর দুটিকে সঙ্গে নিয়ে ফিরে গিয়ে তাদের বাধন খুলে একটু তফাৎ থেকে ধূঁজটির দিকে লেলিয়ে দিল। ভীরের মতো ছুটে গিয়ে বাঘের মতো সেই কুকুর ধূঁজটিকে একেবারে মাটিতে পেড়ে ফেলল।

বিলামসন ভেবেছিল ছোকরাটাকে একটু নাস্তানাবুদ করে কুকুর দুটিকে ডেকে নেবে। ধূঁজটি মারাত্মক রকমের নাস্তানাবুদ হল বটে, কুকুর দুটিকে বিলামসনের আর ডেকে নেওয়া হল না। এখান থেকে গোয়ালপাড়া বেশি দূরে নয়। নদীর ওপারেই বাগ্দিদের এক বস্তি,

অগ্রহারণের গোড়ায় এখন হাঁটু ডুবিয়ে হেঁটে নদী পারাপার করা চলে। চারিদিকে কাছে ও দূরে বিশ ত্রিশটি দর্শকের সমাগম বিলামসন-দের সঙ্গে ধূর্জটির হাতাহাতির সময়েই হয়েছিল। এইবার তারা হেঁ হেঁ করে ছুটে এল। দশ বার জনের হাতে ছিল লাঠি, লাঠির ধারে বিলামসনের কুকুর দুটি দেখতে দেখতে শেষ হয়ে গেল।

কুকুর দুটিকে না মেয়েও ধূর্জটিকে বাঁচান যেত। কুকুর অতি প্রভুতঙ্ক জীব। কিন্তু বিলামসনের কুকুর বলেই বেচারিদের সেদিন প্রাণটা দিতে হল।

বিলামসন কিন্তু অস্বীকার করে বলল, ‘ওসব মিছে কথা। ভয়ে ওরা দিশেহারা হয়ে গিয়েছিল।’

বিলামসনের ভাবগতিক দেখে কারো সন্দেহ রইল না যে তার কুকুরপ্রেম সত্যই বড় গভীর ছিল। কুকুরের শোকে সর্বদা মুখে সে গরু গরু আওয়াজ করতে লাগল পাগলা কুকুরের মতো। যখন তখন যাকে তাকে সপাং সপাং বেত মারছে, কথায় কথায় পাইকপেয়াদা আমলারা বরখাস্ত হচ্ছে, জরিমানায় জরিমানায় মাইনে কেউ পাচ্ছে না অধেকের বেশি। চাপ দিয়ে দিয়ে কাবু করে লোক ঢুকিয়ে ঢুকিয়েও কারখানাগুলিতে কিছুতেই লোকের অভাব মিটছিল না, এবার একেবারে সোজাসুজি ধরে বেঁধে কারখানায় নির্বিচারে লোক ঢোকানো শুরু হয়ে গেল—নিজে না চষলে ক্ষেতে যার চাষ হবে না তাকে পর্যন্ত।

গোয়ালপাড়া উঠে গেল এক মাইল তফাতে একটা জলার ধারে, ওখানে ছাড়া অল্প কোথাও তাদের ঘর তুলতে অসুমতি দেবার উপায় বিলামসন খুঁজে পেল না। নদীর ওপারের সেই বাগদীপাড়ার সকলকে পুরো একমাস মাটি ফেলে নদীর ধার উঁচু করার কাজে লেগে থাকতে হল।

অতি ক্ষুদ্র সে নদী, বছরে ছমাসের বেশি জল থাকে না, আজ পর্যন্ত এ নদীতে কোনদিন বন্যা হয়েছে বলে কেউ স্মরণ করতে পারে না। কিন্তু বিলামসনের ধনুকভাঙ্গা পণ, একটা মাস বেগার খেটে বন্যার হাত থেকে নিজেদের তারা বাঁচাবেই বাঁচাবে।

দিন এনে দিন কিনে তারা আধপেটা সিকিপেটা খেত, তিনদিন বিনা পয়সায় মাটিকাটার পর তাদের উপোস শুরু হয়ে গেল। যে হাতে লাঠি ধরে বিলামসনের কুকুর ঠেঙ্গিয়ে মেরেছিল সেই হাতে কোদাল ধরার জোরও আর রইল না। তখন বিলামসন একটা কারখানা থেকে অগ্রিম মজুরি আনিয়ে তাদের খাওয়ার ব্যবস্থা করে দিল কিন্তু মাটিকাটা বন্ধ হল না। গুর্খা দরোয়ানেরা ঠায় দাঁড়িয়ে থেকে পুরো একটা মাস তাদের দিয়ে তাদের নিজেদেরই মজল করাল।

একমাস শয্যাশায়ী হয়ে থেকে ধূর্জটি সেরে উঠল। মনে হল, বিলামসনের কুকুরের কামড় খেয়ে তার মাথাটাও বিগড়ে গেছে। শোভায় বিচিত্র এই যে একটা সুন্দর জগৎ আছে, সুখ শান্তি আরামের মতো অপূর্ব আশীর্বাদ আছে, জীবনে একশ দেড়শ টাকার চাকরি আর সুন্দরী বৌ প্রভৃতি বিশ্বকর সম্ভাবনা আছে অদূর ভবিষ্যতে, এসব সে যেন স্নেহ ভুলে গেল। দিবারাত্রি টো টো করে ঘুরে ঘুরে অন্ত সব মাথাগুলি বিগড়ে দেবার চেষ্টা ছাড়া তার যেন আর কাজ রইল না।

মাথা প্রায় সকলেরই কমবেশি খারাপ হয়েছিল, তবু সে মাথাগুলি বিগড়ে দিতে কী পরিশ্রমটাই যে করতে হল ধূর্জটির! এতদিন বিচ্ছিন্নভাবে ইতস্তত ছড়িয়ে ছিল মাথাগুলি।

কয়েকজন শিষ্য জোটার অতিকষ্টে মাথাগুলিকে ধূর্জটি কাছাকাছি এনে ফেলল। কি যেন ঘটে গেল তখন নিরীহ গোবেচারী মানুষগুলির মধ্যে, চারিদিকে অভিশাপ শোনা যেতে লাগল, বিলামসন নিপাত যাও!

ব্যাপার দেখে মহীধর বিব্রত হয়ে বলল, 'তুমি বরং কিছু দিন বাইরে থেকে ঘুরে এসো বিলামসন।'

বিলামসন মূঢ় হেসে বলল, 'ভেবো না রায়। ছ্চারজন অকৃতজ্ঞ বদ্মায়েস যদি চেষ্টাতে চায়, চেষ্টাতে দাও। বেশির ভাগ লোক আমাকে পছন্দ করে, আমাকে চায়।'

'তবে একটু নরম হও।'

'কেনেপেছ? এই তো শক্ত হওয়ার সময়!'

মহীধর তবু ইতস্তত করছে দেখে অরেল্যে তাকে ইসারা করে নিজের বসবার ঘরের নির্জনতায় ডেকে নিয়ে গেল। তাকে কোঁচে বসিয়ে পিছন থেকে দুহাতে তার গলা জড়িয়ে ধরে মাথায় মাথা রাখল। মহীধরের রঙ কালো, রীতিমত কালো। তাকে অরেল্যে এইভাবে পিছন থেকে আদর করে। কারণ, মহীধর তার মুখ দেখতে পায় না বলে মুখের ভাব গোপন করার কষ্টটা তাকে করতে হয় না।

'আমায় দেখলেই এইটুকু এইটুকু বাচ্চা ছেলেরা ঢিল ছুঁড়ে মারছে। কত বিকুট আমি খাইয়েছি ওদের! সেদিন যে কজনকে চাপা দিয়েছিলাম, সেটা কি আমার দোষ? রাস্তার মাঝখানে ওরা খেলা করবে, দূর থেকে হর্ন দিলে সরবে না, কাছাকাছি এসে অত স্পীডের মাথায় কেউ গাড়ি ধামাতে পারে? তাই বলে আমাকে দেখলেই ঢিল ছুঁড়ে মারবে! কি বলে তুমি বাবাকে চলে যেতে বলছ, ওদের অত্যাচার চূপচাপ সহিতে বলছ?'

মহীধরের মাথা ঘুরতে থাকে। অরেল্যে তার কাছে শিক্কা-দীক্কা, ভাব, কুচি, কুষ্টি, ক্লাব, হোটেল, সিনেমা, ট্রেন, মোটর, এরোপ্লেন, বিছ্যাং, বেতার, সিভিল-কোড, পেনাল-কোড, ডেমোক্রেসি প্রভৃতির অভ্যস্ত চেতনার মতো। মনে হয়, অরেল্যের অভাবে সে অচেতন হয়ে যাবে।

বিলামসনের ভয় তো আছেই, অরেল্যোকে হারাবার ভয়ও তার কম নয়। ভয়টা কমতে চায় না কিছুতেই। মহীধর কাবু হয়ে থাকে।

মহীধর ব্যাকুল হয়ে উঠলেও বিলামসনেরা কিন্তু যা কিছু ঘটতে লাগল সমস্তই তুচ্ছ করে উড়িয়ে দিতে লাগল। গুলি করে, লাঠি মেয়ে, বেত্তিয়ে, বেঁধে রেখে; লুট করে, আগুন দিয়ে, বিলামসন জন-প্রিয়তা বাড়াবার চেষ্টা করতে লাগল। উৎসাহ উদ্দীপনা ও উত্তেজনার নেশায় সে যেন হয়ে গেল নতুন মানুষ। মুখে শুধু তার ফুটে উঠতে লাগল, আতঙ্ক ও আপসোসের কতগুলি রেখা।

একদিন রাত্রে খবর এল, পরদিন সকালে নিষিদ্ধ পথে পাঁচশো গরুর গাড়ি চলবে। সাধারণের রাস্তা সেটা নয়, দয়া করে যে রাস্তায় সাধারণকে পায়ে হেটে অথবা রবার টায়ারের গাড়িতে যেতে দেওয়া হয়, বিলামসনের সেই পথে বিলামসনের হুকুম তুচ্ছ করে কাঠের চাকাওলা পাঁচশো গরুর গাড়ি একসঙ্গে সদরে রওনা হবে।

মহীধর কাতর হয়ে বলল, 'যাক না বিলামসন ?'

বিলামসন বলল, 'ক্ষেপেছ ? তাই কখনো যেতে দেওয়া যায় ?'

মহীধর তবু ইতস্তত করছে দেখে অরেল্যো, তাকে ইসারা করে নিজের বসবার ঘরের নির্জনতায় ডেকে নিয়ে গেল।

পরদিন বেলা দশটার সময় পরপর পাঁচশোখানা গরুর গাড়ি বিপুল ক্যাচর ক্যাচর আওয়াজ তুলে নগরগড় থেকে সদরে রওনা হল। বিলামসনের ব্যবস্থা আপে থেকেই করা ছিল, মাইল দুই এগিয়ে যাবার পর গাড়িগুলি ধামিয়ে প্রত্যেক গাড়িতে পেট্রোল ঢেলে আগুন ধরিয়ে দেওয়া হল। গাড়ি পিছু গড়পড়তা পেট্রোল খরচ হল তিন গ্যালন। আরও কম পেট্রোলেই কাজ হত কিন্তু এসব ব্যাপারে কার্পণ্য করা বিলামসনের স্বভাব নয়।

গোয়ালারা ক'দিন থেকে তাদের পুরানো ভিটের ছোট ছোট চালা

ভুলতে আরম্ভ করেছিল। বিলামসন ভেবেছিল ধরগুলি শেষ হওয়া পর্যন্ত অপেক্ষা করবে। আজ আগুনের নেশা চেপে যাওয়ার গাড়ির পর সমাপ্ত ও অর্ধসমাপ্ত চালাগুলিতেও সে আগুন ধরিয়ে দেবার হুকুম দিল।

এই বিরাট অগ্নিকাণ্ডে মানুষ মরল মোটে একজন। ধূর্জটি সামনের গরুর গাড়িটিতে ছিল। গাড়োরানেরা পালাবার অবসর পেল কিন্তু ধূর্জটিকে বেঁধে রাখায় গাড়ির সঙ্গে সেও গুড়ে ছাই হয়ে গেল। এই গাড়িটাতে পাঁচ ছ গ্যালন পেট্রল ঢালা হয়েছিল। গাড়োরান ও দর্শকদের কারো কারো শরীরে একটু ছঁাকা লাগল এবং গোয়ালাদের কয়েকজনের মাথা একটু ফেটে গেল। আর কিছুই হল না।

অপরাত্তে নগরগড়ের কয়েকজন বিশিষ্ট ভদ্রলোক মহীধরের কাছে দরবার করতে গেলেন। বললেন, 'এবার আপনি বিলামসনকে বিদায় দিন।'

মহীধর বিব্রত হয়ে বলল, 'কি করে বিদায় দেব?'

'চলে যেতে বলুন।'

'যেতে বললে কি যাবে!'

কথাটা তার নিজের কানেই একটু অদ্ভুত শোনাল বৈকি! তার জমিদারী, তার বাড়ি, তার লোকজন, তার পয়সা—সে যেতে বললে বিলামসন যাবে না একথার যেন সত্যসত্যই কোনো মানে হয় না।

ভদ্রলোকেরা বললেন, 'ওকে যেতে বলুন, আজকেই যেতে বলুন। ওর সঙ্গে আপনিও কেন মারা পড়বেন?'

মহীধর সন্ত্রস্ত হয়ে বলল, 'আচ্ছা, দেখি বলে কি হয়। আপনারা অত ব্যস্ত হবেন না, একটু সময় দিন আমাকে।'

বিলামসনেরা বৈকালিক চা পান করছিল, মহীধর সেখানে গিয়ে চা খেতে অস্বীকার করে গম্ভীর চিন্তিত মুখে বলল, 'এবার সত্যি সত্যি

তোমার মাস ছয়েকের বিশ্রাম নেওয়া দরকার বিলামসন। তুমি কালকেই যাও। আমি এখুনি ট্যাটরা দিয়ে দিচ্ছি যে তুমি কাল থেকে ছমাসের ছুটিতে বেড়াতে যাবে।’

বিলামসন শুধু বলল, ‘কেপেছ ? এ অবস্থায় তোমাকে ফেলে কি আমি যেতে পারি ! আমি গেলে কি অবস্থা দাঁড়াবে ভেবে দেখেছ ? সবাই মারা পড়বে !’


মহীধর ভীকু নয় কেবল মনের গড়নটা তার খাপছাড়া। জীবনে কোন-দিন যে কথা উচ্চারণ করতে পারবে ভাবে নি, আজ অনায়াসে বিনা দ্বিধায় সেই কথাগুলিই বলে ফেলল, ‘তা হোক, তোমায় আমি আর থাকতে দিতে পারি না বিলামসন। তোমার আমার দুজনের ভালোর জন্তই তোমাকে আমার যেতে বলতে হচ্ছে। তুমি কাল সকালে রওনা হবে। আমি এখুনি খবরটা ছড়িয়ে দিচ্ছি, শুনলে সকলে শান্ত হবে।’

বিলামসন ক্রুদ্ধ হয়ে বলল, ‘তোমার কাণ্ডজ্ঞান লোপ পেয়েছে রায়। আমি চলে যাব শোনা মাত্র ওদের সাহস বেড়ে যাবে, উত্তেজিত হয়ে তোমার ঘরবাড়ি কাছারি আক্রমণ করবে, লুটপাট দাঙ্গাহাঙ্গামা শুরু হয়ে যাবে। আমি আছি বলেই ওরা কিছু করতে পারছে না, তা জানো ?’

মহীধর আমতা আমতা করে বলল, ‘তা হোক। এ অবস্থায় ওসব ভয় করলে চলে না।’

অরেল্যে ক্রমাগত ইসারা করছিল, মহীধর জোর করে কার্পেটের দিকে চেয়ে রইল।

বিলামসন নিজের উঠে গিয়ে আলমারি খুলে বোতল নিয়ে এল, ঘাসে ঢেলে মহীধরের সামনে ধরে দিয়ে বলল, ‘খেয়ে ছাখো খাসা জিনিস। তারপর এস আমরা মাথা ঠাণ্ডা করে পরামর্শ করি। কতব্যের চেয়ে বড় কিছু নেই রায়। আদর্শের জন্ত দরকার হলে প্রাণও দিতে হয়। ঈশ্বর যে নির্দেশ আমার দিয়েছেন আমাকে তা মানতেই হবে।’



ডিক্রিট বোর্ডের বাঁধানো পাথুরে রাস্তার খানিক তফাতে আসল খড়পা গ্রাম। গ্রামটি ছোট, কিন্তু তারই একটি শাখা রাস্তার দুপাশে গড়ে উঠেছে। কয়েকটি ঘরবাড়ি, দোকান ও আড়ত। এদিকে তেইশ মাইল দূরে সদর শহর, ওদিকে সতর মাইল দূরে মহকুমা শহর। ছোট বড় দুটি শহরের মধ্যে একটি বাস যাতায়াত করে। সদর থেকে সকালে ষাট মহকুমায়, মহকুমা থেকে বিকালে ফেরে সদরে। যাত্রীরা অধিকাংশই সদর ও মহকুমায় আসা যাওয়া করে মামলার খাতিরে। কোর্ট বন্ধ থাকলে বাসও সেদিন বন্ধ থাকে।

খড়পায় বাস থামে এবং জল নেয়। যাত্রীরা গজেন ও রাঙেনের দোকানে ভাগাভাগি করে খাবার কেনে, জগতের চায়ের দোকানে চা পান করে। রঘুনাথের দোকানে খড়পার বিখ্যাত তাঁতের কাপড়-গামছা দর

করে। মধু মাইতির পান বিড়ির দোকানে পান বিড়ি কেনে—কেউ কেউ সস্তা সিগারেট। দোকান আরও কয়েকটি আছে, ঘনশ্যাম দাসের একাধারে মনিহারী, মুদিখানা ও লোহার স্মিগের দোকান, নিতাই সামন্তের বাসনের দোকান, রঘু সামন্তের কাষারখানা, আর ধনেশ সাহার ধান চালের আড়ত। আড়তে ধান প্রায় থাকেই না, ছুচার বস্তা চাল কেবল মজুত দেখা যায়। কে যে কখন সে ছুচার বস্তা চাল কিনে নিয়ে যায় এবং কোথা থেকে আবার ছুচার বস্তা চাল আড়তে আসে, খড়পার সকলেই তা জানে কিন্তু বলার অধিকার নেই জেনে উচ্চবাচ্য করে না।

উপাধিহীন ডাক্তার দণ্ডধারী মাইতির ছোট একটি হোমিওপ্যাথিক ওষুধের দোকানও এখানে আছে। আড়াই হাত উঁচু ও দেড় হাত চওড়া একটি নীল নীল কাঁচ লাগানো আলমারিতে ওষুধ এবং সেই অল্পপাতে একটি ছোট পালিশহীন কাঠের টেবিলের সামনে টুলে উপবিষ্ট স্বয়ং ডাক্তার দণ্ডধারী মাইতি, টেবিলে দুখানা পাতা এবড়ানো বই, হিসাবের খাতা, কাঠের দোয়াতদান ও বুক পরীক্ষার একনলা যন্ত্র। এখানকার সবচেয়ে নতুন এই ডাক্তারী দোকানটিকে সবচেয়ে প্রাচীন মনে হয়।

ডাক্তার মাইতির পশার আছে। তার ওষুধের দাম কম, ভিজিটের টাকা কম অথচ চিকিৎসা আশ্চর্য ফলপ্রদ। পাঁচ দশ মাইল দূরের গাঁ থেকেও তাকে ডাকতে আসে। তবু, দণ্ডধারীর মক্কেলের সংখ্যা বেশি বলা যায় না। এ অঞ্চলে বসতি বড় কম, গাঁগুলি সব দূরে দূরে। সাঁওতালদের বস্তু বাদ দিয়ে খড়পার দশ মাইলের মধ্যে পনেরটির বেশি গ্রাম আছে কিনা সন্দেহ। এইসব গ্রামের কোনো কোনোটি আবার দশ বারটি গৃহস্থের ঘরবাড়ি নিয়েই সম্পূর্ণ।

খড়পার পশ্চিমে কয়েক মাইল দূরে শালবন। বনের বহিঃরেখা দক্ষিণ দিকে ক্রমে ক্রমে বাক নিয়েছে পূবে এবং উত্তর দিকে ক্রমে ক্রমে বাক

নিরেছে পশ্চিমে। উত্তরে গাঁয়ের কাছাকাছি যে শালতরুরেখা চোখে পড়ে সেটা বন নয়, একশো গজের চেয়েও অগভীর এলোমেলো শাল গাছের লম্বা একটা ফাঁকি। ওপাশে ফাঁকা মাঠ আর ক্ষেত আছে, মাইলখানেকের মধ্যে বাহুসী গাঁ, যেখানকার 'বাবরসা' কয়েক বছর আগেও মুখে দিলে গলে যেত। বাহুসী থেকে পূবে এক ক্রোশ দূরে ডিষ্ট্রিক্ট বোর্ডের রাস্তার প্রথম বাঁক চোখে পড়ে, খড়পায় যা অদৃশ্য। ওই বাঁক থেকে রাস্তাটি সাপের মতো এঁকে বেঁকে গিয়েছে মহকুমার দিকে। পূবের শাল বনও বড় বা খাঁটি বন নয়। রাস্তা থেকে অনেকটা দূরেও বটে। বনের মতো শালবন শুধু পশ্চিমে। খড়পা পার হয়ে কিছুক্ষণের মধ্যে বাস এই বনে প্রবেশ করে, সাত আট মাইল গিয়ে বনের অপর প্রান্ত পাওয়া যায়। এতখানি পথের গা ঘেঁষে ছপাশে থাকে শুধু শাল—সিধা, নিশ্চল, ভূমি-প্রোধিত উদ্ভিদ সেনার বিরাট বাহিনীর মতো। খড়পায় এখন সূর্যাস্ত ঘটেছে।

সূর্য শালবনের আড়ালে গেলে রোদ ফুরিয়ে শুধু আলো থাকে, দিগন্তের আড়ালে যাবার সময় আকাশকে রাঙিয়ে দিয়ে যায়। স্থানীয় লোকে বলে, সূর্যের নাকি একবার ক্রোধ হয়েছিল। আকাশে বাতাসে লেগেছিল আগুন, মাটি পাথর পুড়ে গিয়েছিল। সব দেবতারও যিনি দেবতা তিনি সূর্যদেবের ক্রোধ শাস্ত করলেন।

সূর্য। হে বিষ্ণু, হে জগৎপতি, আমার ক্রোধ সত্য।

বিষ্ণু। তোমার ক্রোধ সত্য।

সূর্য। ক্রোধ ত্যাগ করলে আমি সত্যব্রট হব। আমি নিভে যাব।

বিষ্ণু। হে সূর্য, তুমি সত্য রক্ষা কর। তুই বিন্দু ক্রোধ তুই দিবাভাগে সঞ্চিত কর। ক্রোধে তোমার উদয় হোক, ক্রোধে তুমি অস্ত যাও।

সূর্যের সেই ক্রোধে এখানকার মাটি পাথরের মতো শক্ত হয়ে গেছে—উর্বর, অকৃপণ মাটি। বর্ষার প্রথম জলধারা মাটিকে নরম করে দিলে

তবে এ মাটিতে লাঙ্গলের ফলা বসে, বর্ষায় সরস হলে তবে এ মাটিতে বীজ বেঁচে থাকে, অঙ্কুরিত হয়; তারপরেও বর্ষার কৃপাতেই অঙ্কুর বড় হয়ে ফসল ফলায়। কতবার বর্ষার খেয়ালে মানুষকে মাঠে বীজ ছড়াতে হয়েছে দুবার তিনবার—আধহাত উঁচু চারা, ফসল ধরবার আগের চারা, কতবার বলসে পুড়ে গেছে। বর্ষার খেয়াল খানিকটা বনের বৃষ্টি সামলে নেয়—কিন্তু বন দিন দিন ছোট হচ্ছে, আগের মতো আর তার ক্ষমতা নেই। বনের গাঁ ঘেঁষা আর বনের তিতরের জমি শুধু বনের প্রচুর স্নেহ আজও পায়।

এবার খড়পাকে বর্ষা ফেলেছে বিপদে। অসময়ে একটু দেখা দিয়েই কোথায় কোন দেশে যে চলে গেল এবারের বর্ষা, সময় পার হচ্ছে আবার অসময় হল, তবু তার দেখা নেই। এবার আশুক বর্ষা। আজ না আসে, কাল আশুক। শেষ বেলায় একপ্রান্ত ধূসর করে বিহ্যতের চমক দিতে দিতে বাতাসের বলা ধরে মহাসমারোহে আকাশ ছেয়ে আশুক। ওগো মা কুণ্ডেশ্বরী—আশুক। নইলে যে বড় বিপদ হবে গো মা। একদিন একরাত উপোসী থেকে তোমায় পাঁচ পঞ্চসার ভোগ দেব মা—আশুক।

গরু মহিষ নিয়ে গোবর্ধন বাড়ি ফিরছিল। ছেলেটা মহিষের পিঠে চেপে বসেছে। গোবর্ধনের দুটি মহিষের রঙ বাদামী ধাঁচের, অজুনের মহিষ-গুলির মতো নিকষ কালো নয়। হাড়পাঁজরা সব গোনা যায় তার দুটি মহিষের, পিঠের উঁচু হাড়টার ওপর বসে ছেলেটা কি আরাম ভোগ করছে কে জানে! তিনটি গরু। আর বলদ দুটিও তার কঙ্কালসার, তবু জমকালো চেহারার জন্তু মহিষ দুটির শীর্ণতা বেশি চোখে পড়ে। কি প্রকাণ্ড কালান তার ওই দুব্বা'র, দুদিন ভালো করে খাওয়াতে পারলে কি দুধটাই ও দেয়। খেয়ে যেন ও নিজের দেহ পুষ্ট করে না, দুধে পরিণত করে তার জন্তু কালান ফুলিয়ে রাখে। তার ছেলেকে পিঠে

নিরে ধীর মছরগতিতে ছব্বাকে গাঁয়ের দিকে চলতে দেখে এক সময়
গোবর্ধনের বুক বা মন কোথায় যেন বেশ জ্বালা করে ।

মনটা গোবর্ধনের ভালো ছিল না । চোখে জল আসবে টের পেয়ে জোর
গলা ঝাঁকারি দিয়ে সে গরু' মহিষকে ভাড়া দেয়—টকাস, টকস,
হেই-ই ! চঃ, চঃ ।

রাস্তার ধারে তৃণহীন শক্ত মাঠ । প্রতি পদক্ষেপে যেন ফিরে আঘাত
করে । রাস্তায় উঠে গোবর্ধন একটু আশ্চর্য হয়ে গেল ।

বিকালে বাসের প্রতীক্ষায় পথপ্রান্তের ধড়পা যেমন চঞ্চল হয়ে
থাকে, এখনো তেমনি চঞ্চল হয়ে আছে । চঞ্চল এবং উদগ্রীব হয়ে
আছে ।

‘কি ব্যাপার গ ?’

‘বাস এসে নি ।’

‘এসে নি ? না ?’

‘উঁহঁক । সদরে না গেলি মোর চলবে নি কিনা, শালার বাস তাই আজ
এসবে নি তো মোকে লিরে যেতে !’

পুঁটলি হাতে শ্রীধন পাল অনেকক্ষণ হল অস্থির হয়ে এদিক ওদিক
চলা-ফেরা করছে । পূর্ব দিকে যতদূর রাস্তা দেখা যায় তাকিয়ে থাকছে,
অগতের চায়ের দোকানের সামনে বেঞ্চিটায় ধপ্ করে বসে বিড়ি
ধরাচ্ছে এবং কয়েক মিনিট পরেই আবার উঠে অস্থির হচ্ছে । কাল তার
মস্ত মোকদ্দমা আছে সদরে । সদরে পৌঁছতে না পারলে তার সর্বনাশ
হয়ে যাবে । দেড়শো পৌনে ছশো টাকার সর্বনাশ !

গোবর্ধনের গরুর গাড়ি ঠিক নেই, চাকা মেরামত করতে হবে । বলদ
আছে । গাড়ি একটা হয়তো ভাড়া পাওয়া যেতে পারে ।

‘বাস না এসে তো মোর গাড়িতে যেও’খন । খেয়ে লিরে রওনা দিলে—’
গোবর্ধনের প্রস্তাবে শ্রীধনের মুখে ভেংচি দেখা দিল । ‘গরুর গাড়িতে ?’

ছপুর রাতে বন পেরিয়ে লিয়ে যাবি তোর গরুর গাড়িতে ? রাতে
কটা বাঘ রাস্তায় হাওয়া খেয়ে বেড়ায় জানিস ?

নটবর ঠাকুর মূহু হেসে বলল, ‘গণ্ডা তিনেক, আর কত !’

দণ্ডধারী ডাক্তারের ভাঞ্জে পাশ দিয়ে আসল খড়পার দিকে যাচ্ছিল,
বলে গেল, ‘বাঘগুলোও হচ্ছে হয়ে আছে । একটা মানুষে আগে ওদের
চারবেলা পেট ভরত, এখন একবেলা আধপেটা হয় । দীঘু সেদিন বাঘ
দেখে কাঁপতে কাঁপতে পড়ে গেল, বাঘ তাকে দুচারবার শুঁকে গর্জন
করে চলে গেল । হাড় চামড়া বাঘ খায় না ।’

পেটের কথায়, খাওয়ার কথায়, ক্ষুধার কথায় গোবর্ধনের হঠাৎ মনে
পড়ে গেছে । প্রকাণ্ড একটা কুমড়ো কাল সে নামিয়েছিল, গাঁয়ের
কেউ ভালো দর দেয় নি । নটবর ব্রাহ্মণের দাবীতে কেড়ে নেবার চেষ্টা
করেছিল দশ পরগা বাকী দামে । বাসের ষাত্রীদের কারো কাছে
হয়তো কুমড়োটা বেচা যেতে পারে । অবশ্য বাস যদি আসে । কেউ কি
জানে না কি হয়েছে বাসের, কেন বাস এখনো আসে নি আজ ?

দেখা গেল এ খবরটা সকলেই জানে । সেন সাহেব সদরে ফিরবার পথে
দয়া করে তাঁর গাড়ি থামিয়ে জানিয়ে দিয়ে গেছেন যে বাস বিগড়ে
গেছে, আসতে দেরি হবে । কি রকম বিগড়ানো বিগড়েছে বাস ? কত
দেরি হওয়া সম্ভব বাসের আসতে ? এসব খবর সেন সাহেব দেন নি ।
খুঁটিনাটি বিবরণের জন্য ম্যাজিষ্ট্রেট সাহেবকে পীড়ন করার ভরসাও
অনেকের ছিল না । কেবল ডাক্তার দণ্ডধারী আর গজেন সাহস করে
দুজনে প্রায় এক সপ্তেই এ বিষয়ে তাকে প্রশ্ন করতে গিয়েছিল ।

দণ্ডধারী আরম্ভ করেছিল, ‘সার—’

গজেন আরম্ভ করেছিল, ‘হুজুর—’

তখন হাস করে বেরিয়ে গিয়েছিল সেন সাহেবের গাড়ি । শ্রীধন যদি
তখন এখনকার মতো মরিয়া হয়ে থাকতো, সে হয়তো সেন সাহেবের

কাছ থেকে বাস সম্পর্কে বিস্তারিত বিবরণ আদায় করে ছাড়ত। ম্যাজিস্ট্রেট সাহেবকে ঘাঁটাতে শ্রীধনও কম বিমুখ নয়। তবে, স্বার্থ মানুষকে শক্ত করে, বিপদ সাহস যোগায়। তাছাড়া গাড়ির সামনে দাঁড়িয়ে সেলাম করে বাস সম্পর্কে একটু বিশদ বিবরণ জানতে চাইলে তার উপর দিয়ে মিঃ সেন গাড়ি চালিয়ে দিতে পারতেন না। সে দিন-কাল যে আর নেই, শ্রীধনের পর্যন্ত তাতে বিশ্বাস জন্মেছে।

বাস কখন আসবে কেউ বলতে পারে না। তবে শেষ পর্যন্ত এসে যে পৌঁছবে তাতে অনেকেরই সন্দেহ নেই। সেন সাহেব স্পষ্টই বলে গেছেন বাস আসবে—দেরি করে আসবে। বাস কি না এসে পারে? কুমড়ো বিক্রীর আগ্রহে গোবর্ধনেরও মনে হল, বাস আসবে। বাড়ি গিয়ে কুমড়োটা এনে রাখা ভালো। কখন বাস এসে পড়বে কে জানে! গরু মহিষ তার তখন ঘরে চলে গেছে। গোবর্ধন তাড়াতাড়ি বড় রাস্তা ছেড়ে গাঁয়ে যাবার সরু মাটির পথে নেমে গেল। গাঁয়ের কোনো ঘরেই এখনো আলো জ্বলেনি। কয়েক মুহূর্তের জন্তু যে সন্ধ্যাদীপ জ্বলে আবার নিভিয়ে দেওয়া হয় ঘরে ঘরে তেলের অভাবের জন্তু, সে দীপগুলির আর জ্বলে উঠতে বেশি দেরি নেই, দিনের আলো ম্লান হয়ে এসেছে।

প্রতিদিনের মতো শ্রীমন্তসহায় পুরানো মন্দিরের সিঁড়িতে এসে বসেছে। প্রাচীন বিষ্ণু মন্দির, এদিকে এরকম বহু মন্দির দেখা যায়। খড়পার মন্দিরের পাথরে ফাটল ধরে আজ পর্যন্ত একটিও আগাছা গজায় নি। পঞ্চাশ ষাট বছর আগে কোথা থেকে এক সন্ন্যাসিনী এসে বিষ্ণুহীন মন্দিরে কুণ্ডেশ্বরীর প্রতিষ্ঠা করে গিয়েছিলেন। বৈষ্ণব যুগে বিষ্ণুর জন্তু নির্মিত মন্দিরটি সেই থেকে সিঁদুর ঢাকা কুণ্ডেশ্বরী দখল করে আছেন। এ সময় মন্দিরের সিঁড়িতে বসে প্রতিদিন শ্রীমন্তসহায় গাঁয়ের লোককে আশ্চর্য সব কথা শোনায়। মানুষের আগের কথা, মাঝের কথা,

আজের কথা, জমির কথা, চাষীর কথা, কলের কথা, কুলির কথা, টাকা
এবং গরীব ও বড়লোকের কথা। কখনো অনর্গল বলে, বোঝা যায় না।
কখনো উদাস কণ্ঠে, কখনো মৃদু মৃদু রহস্যের সুরে বলে—কিছু বোঝা
যায়, কিছু বোঝা যায় না, শ্রোতাদের মনে গভীর অস্বস্তি জাগে।

কখনো একেবারে তাদের ভাষায় সে বলে, তারা বুঝে শুনে থ' বনে
যায়। সমাজ সংসার সব মিছে? ভাঙতে হবে, গড়তে হবে? টাকার
খেলা ফক্কিয়ার, লুটলে অনেক থাকে, নইলে থাকে না? বড়লোকের
সুখস্বাচ্ছন্দ্য ভগবানের শাস্ত্রে বে-আইনী—সুখস্বাচ্ছন্দ্যের অধিকার
তাদের যারা গরীব?

বলতে বলতে হঠাৎ থেমে গিয়ে শ্রীমন্তসহায় বলে, 'উঁহ, তোমাদের
এ সব বলা তো উচিত হচ্ছে না! গাঁ ছেড়ে বাইরে যাওয়া বারণ, ঘর
থেকে বেরুতে পার না শেষে! রামাবতার আবার সব শুনলো।'

খানার রামাবতার সোৎসাহে বলে, 'ঠিক বাত হয়। গরীবকা লোছ
পিনেসে ধনী বনতা, নেহি তো নেহি বনতা। জওহরলালজী তো—'

'একটা গান শোন রামাবতার।' বলেই শ্রীমন্তসহায় গলা ছেড়ে হিন্দী
গান ধরে দেয়।

আধ ঘণ্টা পরেই হয়তো দেখা যায় শ্রীমন্তসহায় ডাক্তারখানার বসে
ওষুধপত্রের হিসাব দেখছে, ভিজিটের টাকার বখরা নিয়ে মৃদু কোমল
সুরে দণ্ডধারী মামার সঙ্গে কলহ করছে, আর নয় তো পরিদর্শন করছে
তার যে কাঠ চালান যাবে তার ব্যবস্থা। ওষুধের দোকানের আসল
মালিক শ্রীমন্তসহায়, দণ্ডধারীর পশারও দাঁড়িয়েছে তারই জন্ত।
গোড়াতেই একটা বখরার ব্যবস্থা স্থির হয়েছিল। খুব সহজ ব্যবস্থা—
দোকানের লাভ আর ডাক্তারির আয় যত হবে সেটা দুজনের মধ্যে
ভাগ হয়ে যাবে আধাআধি। যতদিন এই উপার্জনে দুই ছেলে তিন
ঘেঁরে এবং বৌ আর শালীকে নিয়ে তার প্রকাণ্ড সংসারের খরচ না

চলে, শ্রীমন্তসহায় কিছু কিছু সাহায্য করবে। আয়ের ভাগ ছাড়বে না এক পরসী, কিন্তু সাহায্য করবে। ভাগের দশ গুণ দিতে হলেও সাহায্য করবে।

কারণ, ব্যবসাতে কে কার ভাগে, কে কার মামা! মামা হয়ে খেতে পাচ্ছ না, ভাগের সাহায্য নাও! দুবেলা আধপেটা খেয়ে বেঁচে থাকো সেই সাহায্য নিয়ে, ব্যবসাতে পাওনার বেশি আধলাটি পাবে না।

‘রাজা হয়ে বেঁচে থাক বাবা!’ বলে ভাগেকে জড়িয়ে ধরে সেদিন, বছর চারেক আগে, কৃতজ্ঞতার দণ্ডধারী কেঁদে ফেলেছিল। ডাক্তারীর আয়টা বেশ ভালো রকম হওয়ায় আজকাল বখরার ব্যবস্থা নিয়ে সে খুঁত খুঁত করে।

বলে, ‘রুগী দেখার পরসীতে তোর বখরা কিসের? তুই যাসু রুগী দেখতে? তিন ক্রোশ পথ হেঁটে আমি দেখব রুগী—’

শ্রীমন্তসহায় বলে, ‘সব রুগী আমার মামা। তুমি শুধু দেখতে গিয়ে ভিজিট লিয়ে এস।’

গোবর্ধনকে দুর্বোধ্য রহস্যের কথা শোনাতে শ্রীমন্তসহায় বড় ভালো-বাসে। গোবর্ধন বোকা মানুষ, কিছু বোঝে না, কিন্তু অশুভূতি দিয়ে কি যেন ঝাঁচ করে সে বিহ্বল হয়ে যায়। সেই বিহ্বলতা স্পর্শ করে এদিক ওদিক সেদিক থেকে আঘাত পাওয়া শ্রীমন্তসহায়ের ঝাঁকাঝাঁকা মন। শ্রীমন্তসহায়ের মনগড়া দর্শন, আকাশ পৃথিবী সূর্যচন্দ্র তারায় জড়ানো তার আবেগ, জীবন মরণ সুখ দুঃখ ব্যথা বন্ধন মুক্তিকে আশ্রয় করা তার উদাস, যুঁহু গম্ভীর গলার আওয়াজ সমস্ত মিলে গোবর্ধনের হৃদয়কে আকুলি ব্যাকুলি করিয়ে ছাড়ে।

আজ বাস-এর গোলমালে কেউ আসে নি। বুড়ো শশীধর শুধু অনেক তফাতে বসেছে—সে কিছু শোনে না, শুনতে পারে না। নটবরের বিধবা বোন মন্দিরে আলো জ্বলে রেখে গেছে, নটবর এক সময়ে এসে

ঘণ্টা নেড়ে দিয়ে যাবে। মন্দিরে আজকাল এক ছটাক চালও হয় না। একবেলা—চার পাঁচটা সরা দিলেও নয়। গোবর্ধনকে দেখে শ্রীমন্ত-সহায় ডাক দিল। কাছে গিয়ে গোবর্ধন বলল, ‘বসবার সময় নেই গো নারেক মশায়। বাস এলে কুমড়োটা বেচব।’

‘কোথা তোর বাস? বোস। ভালো করে নজর রাখ দিকি গোবর্ধন, ঠিক কখন বিকেল শেষ হয়ে সন্ধ্যা লাগে বলতে হবে তোকে।’

‘খিদে পেয়েছে নারেক মশায়।’

‘খিদে পেলেই খাস বুঝি তুই? রাজা মহারাজা হলি কবে থেকে? এ গাঁয়ে কেউ আর খিদে পেলে খায় না গোবর্ধন—তুই আর আমি ছাড়া। ছুবেলা আধপেটা খাস? তবে তুইও বাদ গেলি। আমি চারবেলা খাই, পেট ভরে খাই, রাজভোগ খাই! বোঁটা এলে সেও খাবে। সবার খিদে সয়, আমার কেন সয় না বলতো? খিদেয় আমার পেট জলে না, মাথার মধ্যে আগুন জলে ওঠে।’ শ্রীমন্তসহায় হাসল, ‘যা বাবা, যা। গাঁয়ে আটক আছি, তাই না তোদের ডেকে দুটো কথা কই!’

সত্যই বড় খিদে পেয়েছিল গোবর্ধনের। কিছু না খেয়ে কুমড়োটা নিয়ে রাস্তার ধারে অপেক্ষা করা যাবে না, শেষ পর্যন্ত বাস হয়তো আসবে অনেক দেরিতে।

খাওয়ার তাগিদ শুনে কিন্তু তার বৌ গুণমতী মাথা নাড়ল—

‘সন্দে লাগুক, বাতিটে জালি? সবুর কর খানিক।’

‘মুড়ি দে ছুটি?’

‘কাণ্ডজ্ঞানটি খুইয়েছো একদম। বাতিটে জালি? আগে এসতে পারলে নিকো একটুকু?’

‘বাতি জাল।’

‘সন্দে হোক?’

গোবর্ধনকে সার দিতে হল। সন্ধ্যাকে হতে না দিয়ে সত্যই এখন আর

‘বাতি জ্বালা যার না। দিন শেষ হয়ে গেছে, কিন্তু সন্ধ্যা এখনো হয় নি। অঞ্চল ইচ্ছে করলেই সে অনেক আগেই বাড়ি ফিরতে পারত। বাস আসে নি, আসতে দেয়ি হবে শুনেই সোজা বাড়ি চলে এলেই হত। কিন্তু কোনো একটা ব্যাপার বুঝে মনের মধ্যে গুছিয়ে নিতে যেন তার জন্ম কেটে যায়। তাড়াতাড়ি করার তাগিদ বোধ করেও সে চিমে তালে কাজ করে যায় চিরদিন—শ্রীমন্তসহায়ের ডাকে সাড়া না দিয়ে হন্ হন্ করে এগিয়ে যাবার বদলে দাঁড়িয়ে খানিক আলাপ করে আসে। এমন করে সব তার পণ্ড হয়ে গেল—সব। মনটা খিঁচড়ে যায় গোবর্ধনের। সে ভাবে, কুমড়ো নিয়ে যেতে যেতে বাসটা এসে চলে যাবে নিশ্চয়, চিরদিন এমনি ঘটনাই তো ঘটে এসেছে তার জীবনে! নাঃ, খিদে মেটাবার জন্য ছুদগুও সে দাঁড়াতে না বাড়িতে।

ছেলের হাতে রাস্তায় দুটি মুড়ি পাঠিয়ে দিতে বলে কুমড়োটি সে বার করতে যাবে, গুণমতী তাতেও বাধা দিল। বাতি জ্বালার আগে ঘর থেকে এখন কুটোটি সে বার করতে দেবে না।

‘ধুস্তোর বাতি জ্বালা!’ পনের সের ওজনের মন্ত কুমড়োটি কাঁধে তুলে গোবর্ধন বেরিয়ে যাচ্ছে দেখে গুণমতী কাতর হয়ে বলল, ‘ওগো, যেওনি তুমি, যেওনি। কেউ কুমড়ো কিনবে নি তুমার, সবুর করে যাও।’

গুণমতীর শরীর ছিপছিপে, গলাও বাশির মতো সরু। কাতর হলে ভারী মিহি আর মিষ্টি শোনায়। পেটের জ্বালায় কাতর হয়ে না থাকলে গোবর্ধন হয়তো রাগও করত না, কুমড়ো নিয়ে অসময়ে ঘরের বাইরে যাবার সাহসও খুঁজে পেত না।

‘কিনবে নি তো কিনবে নি। নালায় ফিঁকে দিয়ে চলে এসব।’

এই বলে কাঁধের নিটোল কুমড়োটি বাগিয়ে ধরতে গিয়ে গোবর্ধনের হাত পড়ল গতে। অঙ্গনে নামিয়ে রেখে সে তাকিয়ে রইল কুমড়োটির

দিকে । এ মাথা থেকে ও মাথা পর্যন্ত চার আঙ্গুল চওড়া একটি ফালি কুমড়া থেকে কে কেটে নিয়েছে ।

এক চড়েই গুণমতী কেঁদে ফেলল—ডুকরে নয় ফোস ফোসিয়ে । শুধু কাঁদল না, বিনিরে বিনিরে নিজের পক্ষ সমর্থনও করে চলল সেই সঙ্গে । গোবর্ধন যে বলেছিল কুমড়াটা সে বেচবে না ! লোকের কিপ্টেপণাকে গাল দিতে দিতে জোর গলায় সে যে বলেছিল কুমড়াটা ঘরে পচাবে তবু বেচবে না ! তাই শুনে গুণমতী যদি এক ফালি কেটেই নিয়ে থাকে আর রাণীকে এক রত্তি একটু দিয়ে, তরকারী রেঁধে থাকে গোবর্ধনের অন্ত, কি এমন ঘটতি হয়েছে তার যে তাকে চড় মারবে গোবর্ধন !

গোবর্ধন কুমড়া নিয়ে বেরিয়ে যাবার পরেই তার কান্না থেমে গেল । কান্না যে শেষ হয়ে গেল তা নয়, তোলা রইল । গোবর্ধন ফিরে এলে, ঘর সংসারের সব কাজ চুকে গেলে গোবর্ধনের তামাক টানা শেষ হলে সময় বুঝে সে আবার একটু কাঁদবে । দাওয়ার খুঁটিতে ঠেস দিয়ে পা ছড়িয়ে বসে নিজের মনে নিজের অদেষ্টকে গাল দিয়ে দুকথা বলতে আরম্ভ করলেই বুকে ঠেলে তার কান্না আসবে ।

গোবর্ধন বলবে, হাঁদিকে আর নাহুর মা ।

সে হুঁ পিয়ে বলবে, জ্বাকামি কোরোনি বলছি, ভাল হবেনি কিন্তু হাঁ !

গোবর্ধন আরও নয়ম হয়ে তাকে সাধবে । তারপর—

কিন্তু যেমন সে ভাবছে তেমন ঘটবে কি—তাদের চিরদিনের রাগ সোহাগের এক ঘটনা ? শরীরটা তার শুকিয়ে গেছে ঢের, ঘুমের মতো কেমন একটা কিম ধরা ভাব সদাই যেন জড়িয়ে ধরে আছে । গোবর্ধনও কেমন হয়ে গেছে, অসহায়ের মতো কেমন দিশেহারা ভাবে চায় । আহা, পাঁজরাগুলো বেরিয়ে গেছে জোয়ান মাহুঘটার ।

কোথা থেকে রাণী এসে বলল, ‘মিনবে বড় গোরার দিদি, নয় ? কী চড়টা মারলে !’

শুণমতী চটে বলল, 'তোমার মুখ বড় মন্দ রাণী । সোয়ামি লিতে চান না, তুই কি করে জানবি সোহাগ কেমন ধারা হয় ।'

বন্ধুর বিরাগে ধতমত খেঁরে রাণী বলল, 'যারলে নাকি সোহাগ হয় !'

শুণমতী মুচকে হাসল ।—'যারলে ? যারবে কেনে লো বোকা ছুঁড়ি । গালটা টিপে দিয়েছে এমনি করে ।'

শুণমতীর গাল টিপুনিতে বড় ব্যথা লাগল রাণীর, টনটনে ব্যথা । শুণমতীর ভাব দেখে যে কথা চেপে যাবে ভেবেছিল, সে কথাটা না বলে সে থাকতে পারল না, 'অত কারা হচ্ছিল কেনে শুনি তবে ?'

'ওমা ! সোয়ামির সোহাগে কারা এসেছনি ?'

নিতাই সাহার বাসনের দোকানের সামনে ছোট রোয়াকটির এক পাশে কুমড়োটি নামিয়ে গোবর্ধন বাস আর ছেলের প্রতীকার বলে থাকে । শুণমতী সন্ধ্যা-প্রদীপ জ্বাললেই নাহু তার মুড়ি আর গুড় নিয়ে আসবে। কি ভয়ানক খিদে তার পেয়েছে জেনে নাহুকে পাঠাতে এক মুহূর্ত দেরি করবে না শুণমতী ।

চারিদিকে অন্ধকার হয়ে আসে । কদিন আগে পূর্ণিমা গেছে, চাঁদ আজ উঠবে একটু দেরিতে । দোকানগুলিতে একে একে আলো জ্বলে ওঠে, —লঠন, প্রদীপ আর কুপি ।

নিতাই সাহা আনমনেই শুধায়, 'চোদ্দ পরসায় দিবি ? আধখানা ত কেটেই লিয়েছিস ।'

গোবর্ধন সংক্ষেপে বলে, 'না ।'

বাস সঙ্কে সকলের মনে একটু হতাশা দেখা দিয়েছে । এখন বাস এলেও বেশিফণ থামবে না, আরোহীরা ঘুরে ফিরে দরদস্তুর করে সদরের চেয়ে সম্ভার কিছু কিনতে সময় পাবে না । তারা খিদে আর চায়ের তৃষ্ণার কাতর হয়ে থাকবে, চা আর খাবার খাওয়া ছাড়া কোনো দিকে নজর দেবার অবকাশ কি তারা পাবে! গোবর্ধনের রাগ

পর্দার পর্দার চড়তে থাকে । একটা চড়, শুধু একটা চড়ের জন্য গুণমতী .
 তাকে ছুটি মুড়ি পাঠাল না ? রাগটা মনের মধ্যে পাক খেতে খেতে
 শেষ পর্যন্ত প্রায় অভিমানের দাঁড়িয়ে যায় গোবর্ধনের । রাগের মতো
 অভিমানও শান্তি দিতে চায় কি না, তাই বাড়ি ফিরে আরও কয়েকটা
 চড়চাপড় বসিয়ে দেবার বদলে না খেয়ে থেকে গুণমতীকে শান্তি দেবার
 কর্তব্য সে বিশেষ কোনো তফাৎ খুঁজে পায় না । তাছাড়া তার
 অভিজ্ঞতা আছে । চড়চাপড়ের চেয়ে শেষের শান্তিটাই জোরালো হয় ।
 চড় মারলে গুণমতী শুধু কাঁদে, রাগ করে উপোস দিলে মাথা কপাল
 খুঁড়তে আরম্ভ করে ।

গোবর্ধন ভাবে, জগতের কাছে দুপয়সার চা খেয়ে চাঙা হওয়া যাক ।
 ছ সাত মাস আগে কারা যেন এসে চায়ের আশ্চর্য গুণের কথা তাদের
 জানিয়ে দিয়ে গিয়েছিল । তারপর দুএকবার খিদের সময়—মাঠে
 খাটবার সময় যে খিদে শরীর ভেঙ্গে আনে আর মাথা ঝিম ঝিম করায়
 —মুড়ি চিড়ার বদলে কাঁচের গ্লাসে চা খেয়ে দেখেছে । মস্তবলে যেন
 খিদে মরে যায়, সারা দেহ চাঙা হয়ে ওঠে । কেবল একটা আক্ষেপ
 থেকে যায়—তৃষ্ণার । মনে হয়, সমস্ত শরীর, সমস্ত শরীরের ভেতরটা
 যেন হাত-পা আছড়ে মুছা যাচ্ছে ! আধ ঘটি জল খেয়ে একটু বিশ্রাম
 করলেই সেটা মেরে যায় । অনেকক্ষণ খিদে পায় না, সর্বশেষ খিদে !
 জগতকে গোবর্ধন দুধ জোগায়, দেনা-পাওনার হিসেব আছে ।
 চাইতেই চা পাওয়া গেল, আর এক পয়সার ছোলাভাজা । একদিকে
 কাঁচবসানো টিনের পাত্রে নোনুতা মিষ্টি বিস্কুটগুলি চিরদিন গোবর্ধনকে
 আকর্ষণ করে । কিন্তু বিস্কুট তার কপালে জ্বোটে না । কয়েকবার
 একখানা করে কিনেছিল, খেতে পারেনি । নাহু রোজ বিস্কুটের পয়সার
 জন্য বাবনা ধরে, কাঁদে । নিজের জন্য বিস্কুট কিনে কোণা ভেঙ্গে একটু
 শুধু খাদ গ্রহণ করে নাহুর জন্য তুলে রাখতে গোবর্ধন কোনোদিন

এতটুকু মজা পায় না, তবু তার কেনা বিস্কুট শেষ পর্যন্ত নাছুর পেটেই যায়। তার একগাল হাসি আর ভাবভঙ্গির খুশি খুশি ভাবটা জগৎ-সংসারের ওপর গোবর্ধনকে চটিয়ে দেয়। একবার সে ছুখানা বিস্কুট কিনেছিল একসঙ্গে, ভাগ্যকে পরাস্ত করবে বলে। কিন্তু হারেরে কপাল গোবর্ধনের, বিস্কুট সম্পর্কে যার কথা কোনো দিন তার মনে আসেনি, সেদিন তারই কথা স্পষ্ট মনে পড়ে গেল—গুণমতী বোধ হয় জীবনে কখনো বিস্কুটের স্বাদ পায়নি!

কত দিক থেকে এমনি ধারা কত চাপ যে ঠেসে ধরে রেখেছে গোবর্ধনের মনকে! আজকের মতো যাতনাময় ক্ষুধায়, প্রতিদিনের অপরিভূষিত ক্ষুধায়, সেই চাপগুলি সে স্পষ্ট অনুভব করে। বহুক্ষণ নিঃসঙ্গ থাকলে তার যখন কিম্ব ধরে যায় তখন মনে হয়, পায়ের তলার শক্ত মাটি ছেড়ে খানিকটা উপরে উঠে সে যেন নিরাস্রব হয়ে ঝুলছে, দড়াম করে পড়ল বলে।

গোবর্ধনের অনেক আগে থেকে জলভরা বালতি নিয়ে অপেক্ষা করছে নিবারণ। তার অপেক্ষা করাটা যেন ছটফটানোর সামিল। হঠাৎ উঠে ঘর চলে যাচ্ছে, আবার ফিরে আসছে দশ পনের মিনিটের মধ্যে। বাড়িতে তার একমাত্র বোনটি ছাড়া সকলের অসুখ। বৌ ছেলে আর ভায়ের গা-হাত-পা ফুলে জ্বর হয়েছে, দণ্ডধারী দেখে বলেছে যে এটা ভালো চাল একদম না খাওয়া আর খারাপ চাল একটুখানি করে খাওয়ার ফল। অনাহারের বদলে খাঁটি সজ্জী আর ফ্যানের বদলে দুটি ভাত খেলেই সেরে যাবে। বুড়ী ঠাকুয়ার বয়সের ব্যারামটা হঠাৎ খারাপের দিকে চলতে শুরু করেছে। ঠাকুমা মরবে তাতে কোনো সন্দেহ নেই। আরেকজন কাউকে সে পাছে সঙ্গে নিয়ে যায়, এই হয়েছে নিবারণের ভয়। বারবার সে তাই ঘরে ছুটে যাচ্ছে। আবার এদিকে বাসের ড্রাইভার তার অন্ত সের তিনেক চাল আনবে, ঘরেও তার তাই মন টিকছে না।

নইলে, বালতিভরা জল রয়েছে, একটা দিন কি তার হাজির না থাকলে চলে না !

‘তোমার কি দাদা, যখন খুশি কুমড়োটি লিয়ে ঘর যাবে। মোকে ঠায় বসি থাকতি হবে যতখন না শালার বাস এসে।’

‘এসবে াইবারে এসবে।’

কিন্তু বাস আসে না। রাত বেড়ে চলে। গাঁয়ে কখন রাত ছুপুর হয় বাসের কি জানা নেই ? আলাপ বিলাপের শব্দ চারিদিকে ঝিমিয়ে আসে। দুএকটি দোকান বন্ধ হয়ে যায়, অসময়ের বাসের সঙ্গে এদের স্বার্থ তেমনভাবে জড়িত নয়। দেয়ালে হেলান দিয়ে বসে থাকতে থাকতে নিবারণের মাথাটা ধীরে ধীরে বুকে নেমে আসে এবং তার গলায় শুরু হয় শ্লেষ্মার একটা অদ্ভুত ঘড়ঘড় আওয়াজ। গোবর্ধনেররও ঘুম পায়। শ্রীধন বলে, ‘অ গোবর্ধন, এ যে খিদে পেয়ে গেল দস্তুরমত। বাড়ি থেকে চট করে খাওয়াটা সেরে আসি। বাস যদি এসে পড়ে, ড্রাইভারকে এই চারগুণা পরমা দিয়ে একটু দাঁড়াতে বলিস বাবা।’

‘আজ্ঞে, বলব।’

‘শব্দ শুনেই ছুটে আসব। তবে কি জানিস, মোটাসোটা মানুষ অত ছুটতে পারিনে।’

শ্রীধন মাইতি চলে গেলে গোবর্ধন ঝিমোতে ঝিমোতে প্রায় ঘুমিয়ে পড়ে। হঠাৎ কানের কাছে একটা উৎকট সোরগোলে সে সজাগ হয়ে ওঠে। আরেকটু পরে সে ভালো করে ঘুমিয়ে পড়ার পর সোরগোলটা আরম্ভ হলে গোবর্ধন নিশ্চয় দাওয়া থেকে নিচে পড়ে যেতো।

কুকুরের লড়াই।

গজেনের খাবারের দোকানের সামনে ছোটো কুকুর সর্বদা পড়ে থাকে— তিনকু আর ভুলি। বাস তারা করে গজেনের বাড়িতেই, গজেন দোকান খুলতে এলে সঙ্গে আসে, আবার দোকান বন্ধ হলে গজেনের

সঙ্গে ফিরে যায়। কেবল দোকানের ফেলনা ঘিয়ের খাবার খেয়েই বেঁচে থাকে না বলে ছুজনের সব লোম খসে যায়নি, ঘন লোম একটু পাতলা হয়েছে আর দু'একটা ছোটখাট টাক পড়েছে এখানে ওখানে। তিনকুর চেহারা বেশ জমকালো, গম্ভীর গোমড়া মুখ, মাঝবয়সী জোয়ান মদ কুর। তার কাছে রোগা ছোটখাটো ভুলিকে কেমন বেমানান দেখায়। বয়সে কিন্তু ভুলি তিনকুর চেয়ে বড়ই হবে। তেজ কিন্তু তার কম নয়, মাঝে মাঝে তার দাঁতখিচুনিতেই তিনকুকে বিনা প্রতিবাদে তফাতে সরে যেতে দেখা যায়।

গত বছর পাঁচটি বাচ্চা হয়েছিল। শরীরটা ভালো ছিল না ভুলির, পাঁচটিকে বাঁচাতে পারবে না জেনে দুটিকে বেছে নিয়ে মাই না দিয়ে নিজেই সে মেরে ফেলেছিল। একটি খেয়েছিল শেরালে, একটি মরেছিল দুর্বোধ্য রোগে এবং অন্যটিকে চেয়ে নিয়ে নানু গলার দড়ি বেঁধে টেনে টেনে বেড়িয়েই শেষ করে দিয়েছিল। বর্ষা ঋতুর আগর আবির্ভাব ওদের ছুজনকেই একটু চঞ্চল ও জীবন্ত করে তুলেছে। দোকানের সামনে চুপচাপ পড়ে থেকে সারাক্ষণ ওরা শুধু জিভ বার করে হাঁপায় না। খানিক আগেও গোবর্ধন ওদের ছোটোছুটি লাফা-লাফির খেলা দেখেছে, লড়ায়ের অভিনয়ে ভুলির আদরের কামড়ে তিনকুকে হার মেনে শূন্যে চার পা তুলে চিৎ হয়ে পড়তে দেখেছে।

গোবর্ধনের কালোও যে বর্ষা ঋতুর তাগিদে বসন্ত-ব্যাকুল মাহুকের মতো চঞ্চল হয়ে সঙ্গিনীর খোঁজে বেরিয়ে পড়বে, কে তা জানত! তিনকুর সঙ্গে তার বেধেছে লড়াই এবং ছুজনকে ঘিরে চারিদিকে পাক দিতে দিতে তাঁর তীক্ষ্ণকণ্ঠে চিৎকার জুড়েছে ভুলি। তিন দফা লড়ায়ের পর কালোকে লেজ গুটিয়ে পালিয়ে যেতে দেখে গোবর্ধনের মনটা বিগড়ে গেল। কালোর সম্বন্ধে সে একান্ত উদাসীন, তার আঙা কুঁড় বেঁটে আর মাটির খোলায় গুণমতীর দেওয়া একমুঠো ভাত খেয়ে কালো বেঁচে

থাকে আর উঠানের কাঁঠাল গাছটার নিচে সারাদিন বিশ্রাম করে ।
রাতে হয়তো দাওয়ান উঠে শোয়, কেউ টের পায় না । লেজ নাড়তে
নাড়তে কখনো কাছে এলে গোবর্ধন তাকে দূর দূর করে ভাগিয়েই
দিয়েছে চিরদিন । তবু আজ কালোর পরাজয়ে কেমন একটা অপমান
বোধ ভেতরে কামড়াতে থাকে । গজেনের লোম ওঠা বুড়ো কুকুরের
কাছে তার চিকন কালো কুকুর হেরে গেল !

তারপর আর তো ঘুম আসে না গোবর্ধনের ! জীবনের সমস্ত সঞ্চিত
ক্ষোভ আর নালিশ যেন একসঙ্গে পাক দিয়ে উঠে তার কণ্ঠ রোধ করে
দিতে চায় । সেও প্রায় জগতের ছোট-বড় আপন-পর সকলের জ্বিদের
কাছে এককাল হার মেনেছে, তার ইচ্ছা অনিচ্ছাকে কুকড়ে দিয়েছে
সবাই মিলে । অপরাঙ্কের বিরূপ দৈত্যের মতো একটা অদৃশ্য শত্রুর
সান্নিধ্য গোবর্ধন স্পষ্ট অনুভব করে ।

এদিকে ততক্ষণে শুরু হয়েছে ওষুধের দোকানে মানুষের লড়াই । দণ্ডধারী
ও শ্রীমন্তসহায়ের দৈনন্দিন কথা কাটাকাটি আজ প্রচণ্ড কলহে পরিণত
হয়েছে । শ্রীমন্তসহায় চিরদিন কড়া কথাও আস্তে বলে, গলা চড়ায়
না । গলা ছেড়ে আজ সে মামাকে গাল দিচ্ছে শুনে গোবর্ধন আশ্চর্য
হয়ে গেল । তারপর যে কাণ্ড করল শ্রীমন্তসহায়, দেখে শুনে তাক
লেগে গেল গোবর্ধনের । গর্জন করতে করতে দণ্ডধারীকে টেনে
হিঁচড়ে দোকানের বাইরে এনে সজোরে এক ধাক্কা দিল । দণ্ডধারী
একেবারে আছড়ে পড়ল বাঁধান পাথুরে রাস্তার ধুলোয় ।

আলো নিভিয়ে দোকানের দরজা বন্ধ করতে করতে শ্রীমন্তসহায়
বলল, 'আর ঢুকো না মোর দোকানে তুমি । যেখানে খুশি ডাক্তারী
করে বড়লোক হওগে যাও । একটি পয়সা ভাগ চাইব না ।'

দণ্ডধারী তখনও রাস্তা ছেড়ে উঠে দাঁড়ায় নি । সামনে পা ছড়িয়ে
ছূপাশে রাস্তার চূহাতে ভর দিয়ে পিছনে হেলে সে বোধ হয় রাগ

আর ব্যথা সামলে নিচ্ছিল। জুঁক আত'নাদের মতো উদ্ভট শূরে সে
 জবাব দিল, 'মারলি! গুরুজনেরকে মারলি! সর্বনাশ হবে তোর, ঘরে
 তোর মড়ক লাগবে। তখন যদি পারে ধরে এসে কাঁদিস, মাথা কপাল
 কুটিল চিকিচ্ছের জন্তে—তুই মরবি, মা ছেতলার কিরপা হয়ে একুশ দিন
 ভুগে মরবি।'

এতক্ষণে সকলে এসে ঘিরে দাঁড়িয়েছে। পূবে সদ্যোদিত স্নান নিশ্চল
 চাঁদের আবছা আলোর দণ্ডধারীকে রাস্তার পড়ে শুঁকু চড়া কান্নার
 শূরে অভিশাপ দিতে শুনে ছুচারজনে শিউরে উঠল। এ বছর
 চারিদিকে বেশ ভালো করেই বসন্ত রোগের আবির্ভাব ঘটেছিল, এখন
 একটু নরম পড়েছে। দণ্ডধারীর অভিশাপ হয়তো ফলেই যাবে! গাঁয়ের
 এক প্রান্তে একটু তফাতে ফচ্কের মাসী এই রোগে সেদিন চিতার
 উঠেছে—ফচ্কে আর শ্রীমন্তসহার শুধু দুজনের কাঁধে একটা বাঁশে বাঁধা
 হয়ে ঝুলতে ঝুলতে গিয়ে উঠেছে চিতার। শ্রীমন্তসহার কত ছোঁরাছুঁয়ি
 করেছিল ফচ্কের মাসীকে! তার অবশ্যস্বামী ফলটা গুরুজনের অভি-
 শাপের তাগিদে দু-চার দিনের মধ্যেই নির্ঘাৎ ফলে যাবে নিশ্চয়।

শ্রীমন্তসহার এগিয়ে এসে বলল, 'বড্ড লেগেছে নাকি মামা? ওঠ,
 বাড়ি যাও।'

ধীরে ধীরে দণ্ডধারীকে ধরে তুলে সে দাঁড় করিয়ে দিল। এ কাজটা
 এতক্ষণ অণু কারুর করাই উচিত ছিল বটে, কিন্তু উচিত কাজ কি সব
 সমর করতে পারে মানুষে? শ্রীমন্তসহার রাগ করতে পারে এ ভয়তো
 ছিলই, তাছাড়া একটু শুধু অপেক্ষা করছিল সকলে, তারপর কি ঘটে
 দেখবার জন্ত। মামাকে যে ঘাড় ধরে রাস্তার আছড়ে ফেলতে পারে,
 অভিশাপ শুনে তার পক্ষে তেড়ে এসে আরও দু'চার ঘা বসিয়ে দেওয়া
 বিচিত্র কি।

শ্রীমন্তসহারের নতুন ধরনের কথা ও ব্যবহারে দণ্ডধারীও একটু ভড়কে

গিয়েছিল। হাত ছাড়িয়ে হন হন করে খানিকটা ভফাতে গিয়ে সে
থমকে দাঁড়াল। মুখ ফিরিয়ে ভাথেকে পাজী, বজ্জাত, বেজয়া, চণ্ডাল
শ্রুতি কতগুলি বাছা বাছা গাল শুনিবে গাল দিতে দিতেই আবার
হন হন করে কাঁচা পথে নেমে বাড়ির দিকে চলে গেল।

শ্রীমন্তগহাঁয় সকলকে শুনিবে বলল, 'চারটে গাঁ ঘুরে আজ চার
টাকা পেয়েছে। কাল পেইছিল দেড় টাকা। বললাম, কালকের বার-
গণ্ডা পয়সা যদি না দিলে তো নাই দিলে মামা, আজকের দুটো টাকা
দাও ? বলে কিনা, মোর পাওনা নেই !—বাপের শালা কুখাকার !
দূর করে দিলাম দোকান থেকে। কদিন ভণ্ডামি নয় বলো ? ওটা কি
ডাক্তার ? আমি একটা চটি বই কিনে দিইছি, তাই পড়ে ডাক্তারি করে,
আবার আমারি মুখের পরে চোটপাট। পাওনা নেই ! মোর সব কিছু
—মোর পাওনা নেই !'

চারের দোকানে গিয়ে সে লোহার চেয়ারটা দখল করে বসল, হাঁক
দিয়ে বলল, 'এক কাপ চা দে দিকি বাবা কে আছিস। দুধ মিষ্টি দিস
বাবা একটুখানি, তেতো না লাগে।'

ধীরে সুস্থে চা পান করে বিড়ির বদলে এক পয়সার একটা
সিগারেট কিনে সবে সে ধরিয়েছে, দূরে দেখা গেল বাসের আলো।
বাসেরই আলো। মোটর গাড়ির আলো আরও নিচে থাকে।

গোবর্ধন উঠে দাঁড়িয়ে কুমড়োটা তুলে নিল কাঁধে আর নিবারণ গিয়ে
দাঁড়াল তার জলভরা বালতির কাছে। জগত চা-ভরা পাত্রটি উনানে
তুলে দিল আর দোকানের ঘুমন্ত ছোকরাটাকে এক গাঁট্রায় জাগিয়ে
দিল আধো কান্নায়। কয়েকটি মিট মিটে আলোজ্বালা শুরু ঘুমন্ত পুরী
যেন মুহূর্তে সজাগ হয়ে উঠল। সন্ধ্যাবেলার মতো লোক নেই, বহুলোক
চলে গেছে, কিন্তু অবশিষ্ট কয়েকজনের অতিরিক্ত উত্তেজনা সে অভাব
পূরণ করে দিল।

বাসের দৃষ্টিগোচর চোখের দিকে পিছন করে দাঁড়িয়ে শ্রীমন্তসহায় তখন অনিচ্ছুক শ্রোতা গোবর্ধনকে বলছে, 'গাঁ থেকে বেরতে পারি না, তাই না খণ্ডরের এত জোর! পাঁচ দিন আগে পৌঁছে দিয়ে যাবার কথা, আজও এল না। তাই না বলছিলাম মামাকে, আজকের বাসে এলো তো এলো, না এলে কাল তুমি গিয়ে নিয়ে এসবে। তাঁ মামা বলে, উঁহ, সেটা নিয়ম নয়। মামাখণ্ডর একলাটি ভাণ্ডে বৌকে নিয়ে এসবে কি করে, মামাখণ্ডরের ছায়া দেখতে নেই ভাণ্ডে-বৌয়ের? শুনলি? এমনি করে রসাতলে যাচ্ছে দেশটা। একবারটি এসে লিক। কি করব জানিস? একটা গোটা দিন রাত বৌ আর মামাটাকে এক ঘরে কুলুপ দিয়ে রেখে দেব।'

সর্বান্তে আওয়াজ করতে করতে পুরানো বাস এসে দাঁড়াল। কুখাত যাত্রীরা ঘেন হুমড়ি খেয়ে পড়ল চা ও খাবারের দোকানে। ড্রাইভার ঈশ্বর এবং ক্লিনার ও কণ্ডাক্টর পটল পর্যন্ত নেমে গেল চা খেতে।

নিবারণ গাড়িতে জল দিতে গিয়েছে, ঈশ্বর চঁচিয়ে বলল, 'আরে ও নিবারণ, জল দিস্ নি।'

নিবারণ বিস্মিত হল, প্রতিবাদ করল না। কাছে গিয়ে বলল, 'চাল কটা দেন ঈশ্বরবাবু, ঘর গিয়ে ছুটি রাঁধি।'

'মোদের অল্পে রাঁধবি না?' ঈশ্বর নির্বিকারচিত্তে হাসল, 'না, তোর ঘরে আবার কুগী সব কটা। চাল কিন্তু মোটে দেড়সের মিলেছে তাই।'

মৃত্যুর নিম্নালনের বদলে জীবনের বিস্ফোরণে ছুচোখ প্রায় গোলাকার হল নিবারণের, সে বলল, 'দেড় সের?'

'দাম চড়ে গেছে তাই।' চায়ে চুমুক দিয়ে ঈশ্বর গলা নামাল, 'বাবুকে বলেছি, সেন সাহেবকে ধরে কিছু চাল সস্তায় পাইয়ে দিতে। পেনে পাঁচ দশ সের দেব তোকে।'

এই সময় হাঁপাতে হাঁপাতে শ্রীধন মাইতি এসে পড়ল। বাস একেবারে

খালি দেখে বিশ্বয় ও আনন্দে তার ভরা পেট মোচড় দিয়ে উঠল।
এভাবে বাস খালি করে এক সঙ্গে নেমে যায় না মেয়ে পুরুষ সবাই,
তবে নেমেছে যখন ও বিষয়ে মাথা ঘামিয়ে লাভ নেই। তাড়াতাড়ি
উঠে জায়গা দখল করে নিয়ে আরাম করে বসাই ভালো।

ঈশ্বর চায়ের দোকান থেকে হাঁক দিয়ে বলল, 'আরে ও মশায়! ওটা
করছেন কি? বাস আজ যাবে নি।'

'যাবে নি কি হে? এলো তো যাবে নি কেনে?'

'বাসের গোসা হয়েছে। এক পা লড়বে নি।'

'আমার সাথে ফাজলামি করবি নি তুই বেয়াদব কুখাকার।'

ঈশ্বর নির্বিকারচিত্তে দুহাত দুদিকে কাত করে উদাসভাবে বলল, 'তবে
চালিয়ে লিয়ে যান আপনি। বাজারের মোড়ে লিয়ে যাবেন। বাবু
খুশি হবে।'

এবার উৎকর্ষায় কাতর হয়ে শ্রীধনকে নামতে হল। কাল তার মোকদ্দমা
সদরে, দেরি করে বাস যদিবা এলো, সে বাস যাবে না! গোবর্ধন এদিক
ওদিক কুমড়ে। বিক্রীর চেষ্টায় ঘুরছিল। কিন্তু এত রাত্রে এ অবস্থায়
কুমড়োর দিকে তার তাকাবে কে! বাস ভর্তি লোক এখানে আজ
আটকে পড়েছে, কোথায় থাকে কোথায় শোবে কি করবে কিছুই তারা
জানে না। তবে শুধু এইটুকু ভরসা যে, যেমন হোক একটা গ্রামে এসে
বাসটা ধেমেছে। মুড়ি চিড়ে খাবার টাবার কিছু খেয়ে আশ্রয় চাইলে
কেউ অস্বীকার করবে না। মাথা গুঁজে রাতটা কাটাবার জায়গা
সবাই দেবে।

শ্রীধন গোবর্ধনকে শুখোল, 'বাস যাবে না কেনরে?'

'কি বিগড়েছে কে জানে।'

শ্রীধন চায়ের দোকানে এগিয়ে গেল। খানিকক্ষণ নিরীক্ষণ করে বলল,

'তুমি ঈশ্বর ডাইভার না?'

ঈশ্বর তাকে চিনেছিল অনেকক্ষণ। দেহখানি দূর থেকে দেখলেই শ্রীধনকে চেনা যায়। এতক্ষণে ভদ্রতা করে বলল, 'মাইতি মশায় যে! আমি ভাবলাম, কে না কে হবে, গাড়িতে উঠতে যাচ্ছে। বসেন মাইতি মশায়, বসেন।'

'বাস নিরে যাবে না কেন হে? অ্যাদুর এসে এখানে বাসটা কেলে রাখা—'

'আজ্ঞে তেল নেই এক ফোটা।'

এখানকার কেউ তো জানতই না বাস কেন খড়পায় এসে আটকে গেল, যাত্রীরাও অনেকেই ভালো করে জানত না। সকলে ভিড় করে দাঁড়িয়ে কারণটা ঈশ্বরের মুখে শুনল। সেন সাহেবের তেল কম পড়ায় দু গ্যালন তেল ধার চেয়েছিলেন। সেন সাহেবের ড্রাইভার বাসের তেল পাম্প করে সাহেবের গাড়ি চালান দিতে লাগল, সেন সাহেব দাঁড়িয়ে রইলেন সামনে। 'সব নিয়ো না হে!' সেন সাহেব বল্লেন।

'না, হুজুর। বহুত তেল হ্যায়।' বল্লেন তাঁর ড্রাইভার।

গাড়ির ইঞ্জিন তখন মেরামত হচ্ছে। ঈশ্বর কিন্তু ঠায় দাঁড়িয়েছিল তেল চালানোর কাছে। পাম্প যখন আর তেল ওঠে না, তখন দু গ্যালন তেল ধার নেওয়া শেষ হল।

'তুমি কিছু বললে না সাহেবকে? বললেই তিনি সদর পর্যন্ত পৌছবার তেল নিশ্চয় ফেরত দিতেন। বাসভরা এতগুলো লোক—'

ঈশ্বর মাথাটা কাত করে প্রায় ঘাড়ে ঠেকিয়ে সায় দিল, 'বল্লে, দিত। একবার ভেবেছিলাম বলি। বাবুর কথা ভেবে সামলে গেলাম। দোষ আমারই কি না। আলুগা টিনে তিন চার গ্যালন তেল মোদের রাখতে হয়। একটা টিনে খানিকটা তেল মোটে ছিল। বাবুকে বলতে হবে, টিনের তেলও সাহেব লিয়েছেন।'

একজন বলল, 'সাহেব যদি না বলে?'

ঈশ্বর অবাধ হয়ে বস্তার নিরীহ গোবেচারী মুখখানার দিকে খানিক চেয়ে বলল, 'সাহেব না বলবে ! কে জিজ্ঞেস করতে যাবে সাহেবকে ? এ কি আদালত পেয়েছো না কি ? বাবু যখন বিশ বস্তার জায়গায় দুশো বস্তা চাল গায়ের করবে, সাহেব কি তখন শুধোতে যাবে, না কাউকে শুধোতে দেবে ?'

শ্রীধন আগাগোড়া ঠোঁট কামড়ে বিরক্তি জানিয়ে ইঙ্গারা করছিল, ঈশ্বর থামল না দেখে এবার রুক্ষস্বরে বলল, 'এসব কথা যে কাঁকা করে বেড়াচ্ছ ঈশ্বর—'

'বাবুর হুকুম আছে ।'

'হেঁ ?'

'আরে বাবা, সোজা কথা বোঝা না কেউ ? সেন সাহেব বড় ঠ্যাটা । বাবু ওকে সরাস্তে চান ।'

শ্রীমন্তসহায় একটা চেয়ারে উঠে দাঁড়াল ।

'মশায়রা, দয়া করে আমার দুটো কথা শুনুন । আমার কিছু বলার হুকুম নেই । মুখ একদম সিল্ করা । তবে কিনা এ অবস্থায় দুটো কথা না বলে কি থাকতে পারি ? মোদের গাঁয়ে এসে আপনারা আটক পড়েছেন । অতিথি হয়ে পড়েছেন আমাদের । তা আগের দিনের মতো অতিথি সংকারের সাধ্য গাঁয়ের নেই, আপনারা সব জানেন । গাঁ থেকে দুটি খিচুড়ি রেঁধে দিলে কি গ্রহণ করবেন ? ঘরে ঘরে ভাগ হয়ে তারপর রাতটা আপনারা একটু কষ্ট করে কাটিয়ে দেবেন । আমার ঘর খালি— একদম খালি । কেউ নেই আমার বাড়িতে । সাত আটজন আমার বাড়িতেই থাকতে পারবেন ।'

ঈশ্বর ব্যঙ্গ করে শুধোল, 'আপনার গাঁয়ে কত চালডাল আছে মশায় ?'

চেয়ার থেকে নেমে শ্রীমন্তসহায় সোজা ঈশ্বরের সামনে গিয়ে দাঁড়াল । ঘুঁষিয়ারার জন্তু ডান হাতের মুষ্টি তার তৈরি হয়ে আছে । ঈশ্বরের

ব্যক্তকে ভেংচি দিয়ে সে বলল, 'তোমার তা দিয়ে দরকার কি মশায় ?'
ঈশ্বরও উঠে দাঁড়াল । মুষ্টি বাগিয়ে বলল, 'দরকার আছে বৈকি ! তুমি
তো গাঁয়ের দশটা বাড়ির চাল ডাল নিয়ে এতগুলো লোককে ভোজ
দেবে—কাল উনানে হাঁড়ি চড়বে না দশটা বাড়িতে । আমি মুফতে
চাল ডাল জোগাড় করে দেব । বুঝলে মশায় দরকারটা এতকণে ?'
'কে দেবে মুফতে চাল ডাল ?'

ঈশ্বর ধনেশ সাহাকে সম্বোধন করে বলল, 'না-মশায় দরকার মতো চাল
ডালটা আপনিই দেন আজকের মতো ।'

ধনেশ কিছু বলার আগেই শ্রীমন্তসহায় মাথা নেড়ে বলল, 'না মশায়,
খাতিরের চাল ডাল আমরা খাইনে । পরিবার এসবে বলে কিছু চাল
রেখেছি ঘরে, তা পরিবার এখন এসবে নি । আমার ঘরের চাল ডালেই
চের হবে । খিচুড়ি হবে আর কুমড়ো ভাজা হবে । দেতো তোর
কুমড়োটা গোবর্ধন—'

গোবর্ধনের হাত অবশ হয়ে গিয়েছিল—পনের গেরি কুমড়োর ভার
এতখানি সময়ে বড় সহজ দাঁড়ায় না । শ্রীমন্ত টানতেই কুমড়োটা মাটিতে
পড়ে কয়েকটা খণ্ডে ভাগ হয়ে গেল ।

শ্রীমন্তসহায় যেন আরও উৎসাহিত হয়ে বলল, 'বাপ, এ যে বিরাট
কুমড়ো তোমার গোবর্ধন ! যাক যাক ওটাতো কাটতেই হত । একটা
ঝোড়ায় তুলে ঘরে দিয়ে আর দিকি পক্ষু । তোমাকে দেড়গেরি—আচ্ছা,
ছুগের চাল দেব গোবর্ধন—কুমোড়োটার দাম ।'

ঈশ্বর মুচকে হেসে বলল, 'আপনি মহৎ লোক মশায়, তাতে সন্দ নেই ।
ঠকিয়ে যারা প্রাণে মারছে তাদের ঠেয়ে দুটি চাল বাগিয়ে নিতে
অভিমানের আপনার মরণ হয় ।'

ধনেশ সাহা দ্বিধাগ্রস্তভাবে বলল, 'কার কথা বলছ ? কে ঠকায় ? কারা
প্রাণে মারছে শুনি ?'

জবাব না দিয়ে ঈশ্বর বাসটি রাস্তা থেকে সরিয়ে রাখতে গেল। ওষুধের দোকানের পাশে রাস্তার সঙ্গে সমতল খানিকটা জায়গা ছিল। পটল হাতল ঘুরিয়ে ষ্টার্ট দিয়ে সরে যেতেই ঈশ্বর বাস চালিয়ে দিল, পরক্ষণে তীব্র আতর্নাদে খড়পার আকাশ গেল চিরে। দুটি প্রাণীর আতর্নাদ। গোবর্ধনের কালো একবার আতর্নাদ করেই সামনের চাকায় পিষে চ্যাপ্টা হয়ে গেছে, পিছনের চাকায় লেগে ভুলির পিছনের দুটি পা ভেঙে গেছে। একটানা আতর্নাদ করতে করতে ভুলি সামনের পা দুটির সাহায্যে দেহটাকে কোনোমতে টেনে নিয়ে যেতে লাগল জগতের দোকানের সামনে।

গাড়িটা যথাস্থানে রেখে ঈশ্বর ফিরে এলে জগত তাকে কটু একটা গাল দিল। গোবর্ধন প্রায় আতর্নাদ করেই বলল, 'তোমার কি চোখ নেই? অরে অ খুনে ব্যাটা, তোকে কি চোখ দ্যায় নি ভগ্‌মান্ন!'

ঈশ্বর কারো কথার জবাব দিল না, পটলকে ধরে আখালি পাখালি মারতে আরম্ভ করল।

'শূয়ার বাচ্চা, চোখ নেই তোমার? বলতে পারলি নি যোকে? ইঞ্জিন ঘেঁষে ওরা ছিল, মোর সেখা নজর যায়?'

শ্রীমন্তসহায় ক্রুদ্ধ কণ্ঠে বলল, 'রাখো তোমাদের ঝগড়া। এটার কি করা যায়। কোলে করে গাঁয়ে লিয়ে যাই?'

ঈশ্বর বলল, 'ও বাঁচবে না।'

শ্রীমন্তসহায় হঠাৎ যেন কাবু হয়ে গেছে। ভিজ্জে গলায় বলল, 'তবু একটা দুটো দিন যা বাঁচবে—'

বাসে ষ্টার্ট দেবার হাতলটা নিয়ে ঈশ্বরকে এগিয়ে আসতে দেখে সে খেমে গেল। জগত চিৎকার করে উঠল, 'খপদায়! তুমি আমার কুকুরের গায়ে হাত দিও না।'

মোটো খসি হাতে জগত ঈশ্বরকে মারতে আগছিল, শ্রীমন্তসহায় তাকে

জড়িয়ে ধরে আটকে রাখল। লোহার হাতলের একটিমাত্র আঘাতে ভুলির আতর্নাদ একেবারে বন্ধ হয়ে গেলে সে গভীর একটা নিশ্বাস ফেলে বলল, 'এই ঠিক হয়েছে ভাই।'

খস্মি কেড়ে জগতকে শাস্ত করে আবার সে বলল, 'জানি সব, ভুলে থাকি। গাঁয়ের বাইরে যাওয়া বারণ। কাঠপোড়া যত শুকনো গাঁ হোক' ভাই, বাঙ্গলা দেশের গাঁ। রসে একদম টইটুসুর। একটা মোটে মামী মশায়—পরিবারটিকে খণ্ডরব্যাটা পাঠাই পাঠাই করে পাঠাচ্ছে না— একটা মামীর স্নেহ লেগে লেগে মনটা আঠার মত চটচটে হয়ে গেছে, কি বলব আপনাকে!'

শ্রীমন্ত সহায় সকলকে ডেকে নিয়ে বাড়িতে বসিয়ে দণ্ডধারীর বাড়ির কাছে গিয়ে একবার শুধু ডেকেছে, মামী বেরিয়ে এসে দেহের মত মোটা গলায় স্কিন্জেস করলেন, 'কজন খাবে র্যা ছিমন্ত?'

কজন খাবে? সেটাতো হিসাব করে নি শ্রীমন্ত সহায়। মামী চটে বললেন, 'কজন খাবে না জানলে কি করে রাখব শুনি? দশ জনের কম পড়াটা ভালো, না দশজনেরটা নষ্ট হওয়া ভালো? কাণ্ডজ্ঞান থাকলে কি মামাকে তুই মারতে পারিস।'

ঈশ্বর মনে মনে হিসাব করছিল।

'আজ্ঞে, আমরা একুশ জনা খাব। উনিশ প্যাসেঞ্জার আর আমরা দুজন। তারপর ছিমন্তবাবু আছেন'—

শ্রীমন্তসহায় যোগ দিল, 'গোবর্ধনও খাবে। ওর কুমুড়োটা নেওয়া হল, ওকে দিতে হবে।'

মামী তার বিধবা বোনকে নিয়ে অল্পদূরে শ্রীমন্তসহায়ের বাড়িতে গিয়ে ঢুকলেন। উঠানের বড় চুলোটার দাঁউ দাঁউ করে আগুন জলে উঠল, উনানে একটা প্রকাণ্ড হাঁড়ি চাপান হল। শ্রীমন্তসহায়ের বাপের আমলের হাঁড়ি! দশ বছর বাদে হাঁড়িটা শুধু ধুয়ে নেওয়া হয়েছে, মেজে

ঘষে নেবার সময় কোথায় !

না ডাকলেও গাঁ থেকে খিচুড়ি খেতে এল গাঁয়ের প্রায় তিনভাগ লোক, মেয়ে এবং পুরুষ তার মধ্যে কয়েকজন শুধু ভাণ করে বলল যে তারা শুধু ব্যাপারখানা দেখতে এসেছে। বাকী সকলে নিঃশব্দে অপেক্ষা করতে লাগল, কারো কারো মাথাটা শুধু নিচু হয়ে রইল আগাগোড়া। ঈশ্বর চুপি চুপি শ্রীমন্ত সহায়কে বলল, 'পেট ভরে খাওয়া কি সহিবে এদের ? কাল সব কটার না অমুখ করে।'

পেট ভরে খিচুড়ি খেল গোবর্ধন, তার কুমড়ো ভাঙ্গা দিয়ে। বহুকাল একবারও এমন পেটভরে খাওয়া তার জোটেনি, শরীরটা ক্রমে অবশ থেকে অবশতর হয়ে আসতে লাগল। সকলের শোবার ব্যবস্থা করার কাজটাতে ফাঁকি দিয়ে সে বাড়ি ফিরে গেল। ভরা পেট, অলস দেহ, ঘুমের আবেশ কিছুতেই কিন্তু তার মনে একটি কাটার খচখচানি বন্ধ করতে পারল না। গুণমতী গুড় মুড়ি পাঠায় নি। একবেলা সে আধপেটা ভাত খায়, ঘরে কিছু মুড়ি থাকলেও গুণমতী একমুঠো তার স্বামীকে পাঠায় নি।

'মুড়ি পাঠাস্ নি যে ?'

'পাঠাই নি। মিলে বলে কি গো ! নাহুকে দিয়ে পাঠালাম যে ?' নাহুকে দিয়ে গুণমতী তবে মুড়ি পাঠিয়েছিল ? পেটের জ্বালায় নাহুই সেটা খেয়ে ফেলেছে ? অসংখ্যবার ক্ষুধার জ্বালা সয়ে সয়ে জ্বালাটা ভুলে যাবার অভ্যাস জন্মে গেছে গোবর্ধনের। আজ সন্ধ্যার অসহ জ্বালাটাও সে ভুলে গিয়েছিল। তার শুধু জ্বালা ছিল অভিমানের, সেটা মিটে যেতে গোবর্ধন গভীর তৃপ্তি বোধ করল।

ঘুম আসতে কিন্তু তার দেরি হল অনেক। কতকাল পরে পেটভরা খাওয়া ! চোখ বুজে বিম ধরে পড়ে থাকলেও একটু চেতনা তার সজাগ হয়েই রইল।



রাত দশটার মেনকা ঘরে এল। এ বাড়িতে সকাল সকাল খাওয়া-
দাওয়ার হাঙ্গামা চুকে যায়।

ছোট ঘর, চওড়ার চেয়ে লম্বার ছহাতের বেশি হবে না। মেনকার
বিয়েতে মেনকার স্বামী গোপালকে দেওয়া খাটখানাই ঘরের অর্ধেক
জুড়ে আছে। খাটের সঙ্গে কোণাচেভাবে পাশ কাটানোর কোশলে
পাতা আছে গোপালের ক্যাম্পচেয়ার, চারিদিকেই চেয়ারটির পাশ
কাটিয়ে চলাফেরা সম্ভব। সামনে ছোট একটি টুলে পা উঠিয়ে এই
চেয়ারে চিৎ হয়ে গোপাল আরাম করে, বিড়ি মেশাল দিয়ে সিগারেট
খায় আর বই পড়ে। পপুলার বই—উঁচুদের বই খারা লেখেন তাঁদের

পৰ্বত—যে-বই পড়ে সময় কাটিয়ে মনকে বিশ্রাম দিতে হয়।
 ঘরের এককোণে ট্রাঙ্ক ও স্ট্রটকেশ, স্টিল, চামড়া আর টিনের।
 ট্রাঙ্কটি মেনকার বিয়ের সময় পাওয়া। রঙ এখনো উজ্জল, তবে
 কিসে যা লেগে যেন একটা কোণ খেবড়ে গেছে। দেয়ালে
 কয়েকটি বাজে ছবি আর মেনকা ও গোপালের বড় একটি ফটো
 টাঙানো। শাড়ী, শাড়ী পরার ঢং, গয়নার আধিক্য আর চুল বাধার
 কায়দা ছাড়া ফটোর মেনকার সঙ্গে যে মেনকা ঘরে এল তার বিশেষ
 কোনো তফাৎ চোখে পড়ে না। গায়ে একটু পুরস্তু হয়েছে মনে হয়,
 আবার স্নেহও জাগে। ফটোর গোপালের চেয়ে ক্যাম্পচেয়ারের
 গোপাল কিন্তু অনেক রোগা। এতে ফটোর কোন ফাঁকি নেই, বিয়ের
 পর সত্যই গোপাল রোগা হয়ে গেছে। বিয়ে করার জন্ত অথবা
 চাকরি করার জন্ত বলা কঠিন, চাকরি আর বিয়ে তার হয়েছে প্রায়
 একসঙ্গে।

ঘরে এসে দরজায় খিল তুলে দিয়ে মেনকা সেমিজ ছাড়ল। খাটের
 প্রান্তে পা ঝুলিয়ে বসে জোরে জোরে পাখা চালিয়ে বলল, ‘বাবা,
 বাচলাম।’

গোপাল বই নামিয়ে তার দিকে তাকিয়ে সায় দেওয়া হাসি একটু
 হাসল। তারপর আবার বই তুলে নিল।

‘উঃ বাগো, সেদ্ধ হয়ে গেছি একেবারে।’

এবার গোপাল বই নামাল না, পড়তে পড়তেই বলল, ‘বিত্তী গরম
 পড়েছে।’

‘টেবল ফ্যানটা তুমি আর কিনলে না।’

‘তুমি শাড়ীটা না কিনলে—’

‘স্ত্রাংটো হয়ে তো থাকতে পারি না।’

পাখার হাওয়া গায়ে লাগাতে তাই সে এরকম হয়ে আছে। ঘর যেন

নির্জন, একছোড়া চোখও যেন ঘরে নেই। তিনমাস বাপের বাড়িতে কাটিয়ে সাতদিন আগে এখানে এসেছে। প্রথম দিন এভাবে হাওয়া খেতে পারে নি। ছি, লজ্জা করে না মানুষের! একদেহ, একমন, একপ্রাণ যারা, তিন মাসের ছাড়াছাড়ি তাদের এমনি করে দেয়, দেখা হওয়ামাত্র চট করে এক হয়ে যেতে পারে না। তিনমাস তারা পরস্পরকে কল্পনা করেছে, কামনা করেছে, ব্যথা আর ব্যর্থতার নিশ্বাস ফেলেছে, মুক্তির আশ্বাদ আর স্বাধীনতার গৌরবে আনন্দ অনুভব করেছে শান্তির মতো, রাত জেগেছে, আবেগের চাপে সময় সময় দম্ব যেন আটকে এসেছে কয়েক মুহূর্তের জন্ত। কত অভিনব পরিবর্তন ঘটেছে দুজনের মনেই দুজনের। দেখা হবার পর আবার একদেহ, একমন, একপ্রাণ হতে খিল দেওয়া ঘরে একটা রাতের, অন্ততঃ আধখান বা সিকিখানা রাতের, সময় লাগবে বৈকি। যন্ত্রের পার্টস খুলে আবার ফিট করতে পর্যন্ত সময় লাগে—বিধাতা মিস্ত্রী হলেও লাগে।

শরীরের ঘাম শুকিয়ে গেলে মেনকা পুকের দুটি পর্দা লাগানো জানালার একটিতে গিয়ে দাঁড়াল। পাশের একতলা বাড়ির ছাতে গরম জ্যোৎস্নার ছড়াছড়ি। তার পরের তেতলা বাড়ির সাতটা জানালা দিয়ে ঘরের আলো বাইরে আগছে। আজকাল কখন সবগুলি জানালার আলো নেভে কে জানে! বিয়ের পর কিছুদিন এ-ধবরটা সে জানত। চারটে জানালা অন্ধকার হত প্রায় এগারটায়, দুটি হত বারটার কাছাকাছি, আর তেতলার কোণের জানালাটি নিভতো রাত দেড়টা ছোটোর সময়। ওই ধরটিতে কে বা কারা থাকে তাই নিয়ে সে কত কল্পনাই করেছে। অন্ত সন্তবপর কল্পনাগুলি তার মনে আমল পেত না, পরীক্ষার পড়া করতে ও ঘরে কাউকে রাত জাগতে দিতে সে রাজী ছিল না, তার কেমন নিশ্বাস জন্মে গিয়েছিল তেতলার ওই কোণের ঘরটিতে তাদের মতো এক দম্পতি থাকে, বিয়ে বাদেই হয়েছে অল্পদিন। তাদের মতো

ভালোবাসতে বাসতে কখন রাত ছুটো বেজে যায় ওদেরও খেয়াল থাকে না। তারা অবশ্য আলো নিভিয়ে দেয় অনেক আগেই। বাড়ির ভেতরের দিকে তাদের জানালাটি শুধু ঘষা সার্শির, ঘরের মধ্যে নজর চলে না কিন্তু আলো জ্বলছে কিনা জানা যায়। ওদের তেতাল্লার কোণের ঘরটিতে হয়তো আলো জালিয়ে রাখার অনুবিধা নেই।

বাপের বাড়ি থেকে ফিরে আসবার দিন তারা প্রায় রাত তিনটে পর্যন্ত জেগে ছিল। কিন্তু সেদিন ও বাড়ির জানালার দিকে তাকাতে খেয়ালও হয় নি। মেনকা আপন মনে আপশোষের অক্ষুট আওয়াজ করল। সে রাত্রে বড় বাড়াবাড়ি হয়ে গিয়েছিল। একরাত্রে সব একঘেয়ে হয়ে গেল, বাপের বাড়ি যাওয়ার আগে একটানা ছমাস একসঙ্গে কাটিয়ে যেমন হয়েছিল।

ঘুম আসছিল। আপশোষটাই যেন ঘুম কাটানোর বেশি কি করে দিয়ে গেল মেনকার। স্তিমিত চোখের একটু চমক আর পিঠের ঠিক মাঝখানে য়ুহু শির শির। গোপাল মনোযোগ দিয়ে বই পড়ছে। পড়ার বাধা দিলে সে বড় বিরক্ত হয়। কিছু বলে না, কিন্তু বিরক্ত হয়।

বিছানায় ফিরে গিয়ে মেনকা হৈতস্তুতঃ করে, যতক্ষণ না তার মনে পড়ে যায় যে বেশি রাত জেগে বই পড়লে গোপালের মাথা গরম হয়ে যায়। ঘুম ভাঙিয়ে তাকে বড় জ্বালাতন করে গোপাল। মনে হয়, শাস্ত সুবোধ মানুষটা যেন বদলে গেছে, মদ খেয়েছে। এমন বিস্ত্রী লাগে মেনকার, এমন রাগ হয়! সে কি পালিয়ে যাবে? পরদিন সে কি ঘরে আসবে না? দিনের পর দিন? ঘুম ভাঙিয়ে একটা মানুষকে কষ্ট দেওয়া কেন—যার শরীরও ভালো নয়। অথচ সে যদি কোনো দিন দরকারী কথা বলতে মাঝরাতে গোপালের ঘুম ভাঙায়—যেদিন কোনো অজানা কারণে তার নিজের ঘুম আসে না অথবা হঠাৎ ঘুম ভেঙ্গে মনটা অদ্ভুত রকম ধারাপ

• লাগে আর সমস্ত শরীরটা অস্থির অস্থির করায় ছটফট করতে ইচ্ছা হয়
—গোপাল শুধু বলে, কাল শুনব, সকালে শুনব !

তবু যদি সে নিজকে তার বুকে গুঁজে দেবার চেষ্টা করতে করতে করুণ
স্বরে বলে, ‘ওগো শুনছো ? বুকটা কেমন জ্বালা করছে ।’

‘একটু সোডা খাও’, বলে সে পাশ ফিরে বালিশটা আঁকড়ে ঘুমোতে
থাকে । তখন মেনকার বুকটা সত্যি জ্বালা করে । নমাসে ছমাসে একটা
রাতে হয়তো এরকম ঘুম আসে না অথবা এভাবে ঘুম ভেঙে যায়—
হলই বা তা অম্বলের জন্ত, কথা কইবার একটা সে লোক পাবে না,
পাওনা আদরের একটু তার জুটবে না এই ভয়ানক দরকারের সময় ।
ইতস্ততঃ করার কয়েক মিনিটে আবার ঘুমটা ফিরে এসেছিল, হাই তুলে
মেনকা বলল, ‘শোবে না ? এত যে পড়ছ, চোখ তো আবার কট কট
করবে কাল ?’

গোপাল বলল, ‘চ্যাপ্টারটা শেষ করেই শোব, পাঁচ মিনিট ।’

মেনকা শুয়ে চোখ বুজল । ঘুমে শরীর অবশ হয়ে আসবার আরাম
অনুভবের ক্ষমতাটুকু প্রায় ফুরিয়ে এসেছে, বই ফেলে টুল ঠেলে চেয়ার
সরিয়ে গোপালের উঠবার শব্দে একটু সচেতন হয়ে উঠল । ভয়ে ভয়ে
চোখ মেলে একবার গোপালের মুখের দিকে চেয়ে নিশ্চিত হয়ে আবার
চোখ বুজল । গোপালের মাথা গরম হয় নি, ঘুম পেয়েছে । এক নজর
তাকালেই মেনকা ওসব বুঝতে পারে । গোপালের চোখ মুখের সব চিহ্ন
আর সঙ্কেত তার মনের মুখস্ত হয়ে গেছে ।

আলো নিভিয়ে মেনকার পা মাড়িয়ে গোপাল নিজের জায়গার শুয়ে
পড়ল ।

মেনকা জড়ানো গলায় শুধোল, ‘কাল ছুটি না ?’

গোপাল জবাব দিল, ‘হঁ ।’

ছড়নে মিনিট দশেক ঘুমিয়েছে, এমন সময় ট্যান্সি করে বাড়িতে এল

অতিথি। একেবারে পর নয়, সঙ্গীক গোপালের ভায়রাভাই-এর ভাই
রসিক। গত অগ্রহায়ণে রসিক বিয়ে করেছে। বৌকে বাপের বাড়ি
য়েখে আসবার জন্য আজ বারটার গাড়িতে তারা রওনা হয়েছিল, সাড়ে
ছটার কলকাতা পৌঁছে আবার রাত নটার গাড়ি ধরবে। অ্যাক্সি-
ডেন্টের জন্য লাইন বন্ধ থাকায় তাদের গাড়ি কলকাতা এসেছে দশটার
সময়। এত রাত্রে কোথায় যায়, তাই এখানে চলে এসেছে। নইলে
এতরাত্রে কোন খবর না দিয়ে—

‘মনে করে যে এসেছো, এই আমাদের ভাগ্যি!’

স্টোভ ধরিয়ে মেনকা লুচি ভাজতে বসল, গোপালের ভাই সাইকেল
নিয়ে বার হল খাবারের দোকানের উদ্দেশ্যে। অন্ততঃ চার রকমের
ছানার খাবার আর রাবড়ি আনবে, মোড়ের পাঞ্জাবী হোটেল থেকে
আনবে মাংস। ঘরে ডিম আছে, মেনকা মামলেট বানাবে। বাড়িতে
কুটুম এসেছে, নতুন বৌকে সঙ্গে নিয়ে এসেছে, খাওয়া দাওয়ার ব্যবস্থায়
একটু সমারোহ করা গেল না, ছি ছি।

তবে কাল বিকেলে ওদের গাড়ি, দুপুরে ভালোরকম আয়োজন করা
যাবে। মাসের শেষে টাকা ফুরিয়ে এসেছে বটে, কিন্তু কুটুম বাড়িতে
এলে টাকার কথা ভাবলে চলবে কেন!

পিসীমাকে মেনকা ফিস ফিস করে জিজ্ঞেস করল, ‘একখানা ভালো
কাপড় তো বৌকে দিতে হবে, না পিসীমা?’

‘দেওয়া তো উচিত।’

বাড়িতে হঠাৎ অতিথি আসার উদ্বেজনা ছাপিয়ে গোপালের জন্য এবার
মেনকার মমতা জাগে। আবার এ মাসে বেচারীকে টাকা ধার করতে
হবে। একটা মানুষ, খেটে খেটে মরে গেল, তাই বোন মাসী পিসী সবাই
লুটেপুটে তার রোজগার খাচ্ছে। তার ওপর আবার কুটুমের এসে
অতিথি হাওয়া চাই। একটা টেবল ক্যান কেনার সাধ পৰ্বন্ত বেচারার

যেটে না। সেই বা কেমন মানুষ, যেমেচেমে আফিস থেকে ফিরলে দশমিনিট একটু হাওয়া পর্যন্ত করে না তাকে ! আজ রাতে পাখার বাতাস দিয়ে ওকে খুম পাড়িয়ে তবে সে ঘুমোবে । এক হাতে হাওয়া করবে, অন্য হাতে মাথার চুলে—

রসিক খেতে বসল ঘেরা বারান্দায়, রসিকের বৌকে বসানো হল ঘরে । রসিকের কাছে বসলেন পিসীমা, তার বৌয়ের ডাইনে বাঁয়ে গা বেঁলে বসল মেনকার দুই ননদ । পরিবেশন করতে করতে মেনকা লক্ষ্য করল, এদিকে ওদিক নড়েচড়ে বেড়াতে বেড়াতে গোপাল রসিকের বৌকে দেখছে, আগ্রহের সঙ্গে দেখছে । প্রথমে রসিকের বৌকে দেখে গোপাল যেন একটু আশ্চর্য হয়ে গিয়েছিল । আলাপ করতে গিয়ে লজ্জায় তাকে কাবু হয়ে পড়তে দেখে যেন একটু আহত হয়েছিল । সহজ একটা ঠাট্টায় তাকে ফিক করে হাসিয়ে কথা বলাতে পারায় খুশির যেন তার সীমা ছিল না । লুচি ভাজতে ভাজতে এসব মেনকা লক্ষ্য করেছে । এখন দুজনের খাওয়া তদারকের ছুতোয় ক্রমাগত বারান্দা থেকে ঘরে গিয়ে চোখ বুলাচ্ছে রসিকের বৌ-এর সর্বান্ধে । অন্য কারো চোখে পড়বার মতো কিছু নয় । অন্য কারো সাধ্য নেই গোপালের চলাফেরা আর হাসিমুখে মানানসই কথা বলার মধ্যে অতিরিক্ত কিছু আবিষ্কার করে । মেনকার মতো চোখ তো ওদের কারো নেই । কিন্তু গোপাল এরকম করছে কেন ? রসিকের বৌ স্নানরী বলে ? মেয়েটার রূপ আছে, একটু কড়া ধাঁচের রূপ । যে রূপ কাপড় জামায় বিশেষ চাপা পড়ে না, বরং আরও উগ্র, আরও অশ্লীল হয়ে দাঁড়ায় । রাস্তার লোক হাঁ করে তাকিয়ে থাকে । বাড়ির মানুষ সশঙ্ক অবস্থায় দিন কাটায় । আর রূপের অহঙ্কারে রূপসীটির মাটিতে পা পড়ে না ।

গোপাল শান্ত, ভদ্র, মিষ্টি রূপ ভালোবাসে—মেনকার মতো রূপ । রসিকের বৌকে দেখে তার তো বিচলিত হবার কথা নয় ।

ঘরে গিয়ে একটু খোঁচা দিতে হবে। বুঝতে হবে ব্যাপারখানা কি।
অতিথিদের খাওয়া শেষ হতেই তাদের শোয়ার সমস্তা নিয়ে পিসীমা,
মেনকা আর গোপালের পরামর্শ হল।
পিসী বললেন, 'ভূপাল আর কানাই এক বিছানার শোবে। ওর বোঁকে
অনুবিহুদের ঘরে দেওয়া যাক। একটা রাত তো।'
গোপাল বলল, 'না না, তাই কি হয়! নতুন বিয়ে হয়েছে, ওদের একটা
ঘর দেয়া উচিত। ওরা আমার ঘরে থাকবে।'
পিসীমা টোক গিলে বললেন, 'তবে তাই কর।'
তারপর রাত একটার বাড়ির সব আলো নিভল। গোপাল শুল
ভূপালের ছোট চৌকির ছোট বিছানায়, মেনকা শুল অনুবিহু দুই
ননদের মাঝখানে। রাত্রিবেলা একান্ত দুর্লভ বৌদিকে ঘট্টনাচক্রে কাছে
পেয়ে অনুবিহুর আহ্লাদের সীমা নেই। না ঘুমিয়ে সারারাত গল্প করবে
ঘোষণা করে মিনিট দশেক ফোয়ারার মতো এবং তারপর আরও দশ
মিনিট ঝিমিয়ে ঝিমিয়ে কথা বলে আধ ঘণ্টার মধ্যে দুজনেই ঘুমিয়ে
পড়ল। মেনকা রইল জেগে। গোপালকে তার কত কথা বলার ছিল,
কিছুই বলা হল না। আজকের রাতটা কাটবে, এই দীর্ঘ অকুরন্ত রাত,
তারপর সারাটা দিন যাবে, কিছুতে কাটতে চায় না এমন একটা দিন,
রাত দশটার সে গোপালের সঙ্গে কথা বলবার সুযোগ পাবে। ততক্ষণে
বাসি হয়ে যাবে সব কথা। বলার কোনো মানে থাকবে না। তাছাড়া,
পিসীমা কাল ওদের এখানে থেকে যেতে বলেছেন। কাল দিনটা বড়
খারাপ, বাত্মা শুভ নয়। রসিকেরা হয়তো কালও এখানে থেকে যাবে,
রাত্রে দখল করবে তার ঘর। তাহলে সেই পরশু রাত্রেই আগে
গোপালকে সে আর কাছে পাচ্ছে না। কি হতছাড়া একটা বাড়িই
গোপাল নিয়েছে, একটা বাড়তি ঘর নেই। বাড়তি ঘর থাকবেই বা
কি করে? তাই বোন মাসী পিসীতে বাড়ি গিজ গিজ করছে।

গোপালের দোষ নেই, এই বাড়ির জন্তই মাসে মাসে পঁয়ত্রিশ টাকা ভাড়া শুনছে। সকলের সুখের জন্ত খেটে খেটে মারা হয়ে গেল মানুষটা। একটু রোগাও যেন হয়ে গেছে আজকাল।

নিশ্চয় রোগা হয়ে গেছে। পণ্ডিত বখন তাকে জড়িয়ে ধরেছিল, কই, আগের মতো জোরে তো ধরে নি! কাছে থাকলে আজকেই পরখ করা যেত কতখানি দুর্বল হয়ে পড়েছে। কাল সকালে চেয়ে দেখতে হবে গোপালের চেহারা কেমন আছে। কাল থেকে একটু বেশি মাহ হুধ খাওয়াতে হবে তাকে।

এখন গিয়ে যদি একবার দেখে আসে? ভূপাল আর কানাই নিশ্চয় ঘুমিয়ে পড়েছে। কিন্তু আলো জ্বালালে যদি ওদের ঘুম ভেঙে যায়। অন্ধকারে গায়ে হাত বুলাতে গেলে গোপাল যদি জেগে যায়।

আজ রাতে কিছু হয় না। আজ সে ফাঁদে পড়ে গেছে। হার্টফেল করে এখন সে যদি মরেও যায়, গোপালের একটু আদর পাবে না। কোনো উপায় নেই, কোনো ব্যবস্থা করা যায় না। একটা বাড়তি ঘর যদি বাড়িতে থাকত! রাত্রির স্তব্ধতা মেনকার কানে বাম্বাম্ শব্দ তুলে দেয়। ছুতো আর কৈফিয়তের আশ্রয় ছেড়ে, যুক্তি আর সঙ্গতির স্তর অতিক্রম করে, চিন্তা তার সোজাসুজি স্পষ্টভাবে গোপালকে চেয়ে বসে। পুরানো অভ্যস্ত মিলনের পুনরাবৃত্তি। তারপর মেনকা মরে যেতে রাজী আছে।

‘শুনছো?’

একসঙ্গে শীত আর গ্রীষ্ম অনুভব করে মেনকা শিউরে উঠল।

জ্বালালার শিকে মুখ ঠেকিয়ে গোপাল গলা আরেকটু চড়িয়ে বলল,

‘ঘুমিয়েছ নাকি? আমার একটা অ্যাস্‌পিরিন দিয়ে যাও।’

মেনকা মাড়া দেবার আগেই ঘরের এক প্রান্ত থেকে পিসীমা বললেন,

‘কে রে, গোপাল? শরীর খারাপ লাগছে নাকি?’

‘না গরমে মাথা ধরেছে। অ্যাস্পিরিন খাব। তুমি উঠো না। উঠো না’
কিছু পিসীমা। তোমার উঠে কাজ নেই।’

মেনকা দরজা খুলে বেরিয়ে এল।

‘অ্যাস্পিরিন যে ঘরে রয়েছে?’

‘তবে অ্যাস্পিরিন থাক। ছাতে গিয়ে একটু শুই। ভূপালদের ঘরটা
বড় গরম।’

‘খোলা ছাতে শোবে। অস্থখ করে যদি?’

‘কিছু হবে না। একটা পাটি বিছিয়ে দাও।’

ঘর থেকে মেনকা পাটি আর বালিশ নিয়ে এল—একটি বালিশ।

বারান্দা পার হয়ে ছাত্তের সিঁড়ির দিকে যাবার সময় তাদের ঘরের
সামনের সার্গির জানালার কাছে তাকে দাঁড় করিয়ে গোপাল চুপিচুপি
বলল, ‘দেখেছ? এর মধ্যে ঘুমিয়ে পড়েছে!’

সার্গি অন্ধকার। রসিকের নাক ডাকার শব্দ বাইরে শোনা যাচ্ছে।

মেনকা বলল, ‘ঘুমোবে না? রাত কি কম হয়েছে!’

ছাতে পাটি বিছিয়ে মেনকা বালিশ ঠিক করে দিল। গোপাল শুধোল,

‘তোমার বালিশ আনলে না?’

‘আমিও শোব নাকি এখানে?’

গোপাল হাত ধরতেই সে পাটিতে বসে পড়ল।—‘সবাই কি
ভাববে!’

গোপাল জড়িয়ে ধরতে কিছুক্ষণ তার শ্বাস বন্ধ হয়ে রইল।—‘আর
সিঁড়ি ভাঙতে পারি না। একটা বালিশেই হবে’খন।’

তেতাল্লা বাড়ির কোণের সেই ঘরের জানালাটা আলিসার উপর দিয়ে
দেখা যাচ্ছিল। এখনো ~~দেখা~~ ঘরে আলো জ্বলছে।

আচিন্ত্যকুমার সেনগুপ্ত বহু-প্রশংসিত অনুবাদ আধুনিক সোভিয়েট গল্প

সোভিয়েট রাশিয়ার ১২জন বিখ্যাত লেখকের ১২টি
বিশিষ্ট গল্পের ঝরঝরে বাঙলায় নিখুঁত অনুবাদ।

লেখকের কাজের শেষ লেখাতে নয়, শেখাতে। তার কলম হচ্ছে অস্ত্র,
প্রহরণ। শুধু তার কলম চুলকোবার জন্ত নয়, খোঁচা মেয়ে কুস্তকর্ণের
ঘুম ভাঙাবার জন্ত। কাটতে হবে তাকে খাল খুঁড়তে হবে তাকে খনি।
তার জীবনে যেমন উদ্দেশ্য আছে, তেমনি সাহিত্যেও থাকবে সেই উদ্দেশ্য।
সূর্য শুধু অন্ধকারের উচ্ছেদ করে না, আনে প্রাণশ্রোত, শ্রামল সমুচ্ছাস।
শুধু দক্ষ করে না, পূর্ণ করে। তাই সাহিত্যকে লাগাতে হবে শোভনের
কাজে নয়, গঠনের কাজে, অঘটনপ্রকটনের কাজে, বিকাশে-বিলাসে নয়,
স্থাপনে-বিগ্ৰাসে, একচ্ছত্র সমাজতন্ত্রের প্রচারে-প্রসারে। সাহিত্যকে হতে
হবে সজ্ঞান, সত্যসন্ধ। উদ্দেশ্য-প্রেরিত।—সোভিয়েট সাহিত্যের এই
মূল সুর। আর এই সুর বিভিন্ন আধুনিক সোভিয়েট লেখকের হাতে
কত কী নতুন ভাবে বেজেছে তাই প্রকাশিত এই গল্প সঞ্চয়নে।

ডাঃ অমিয় চক্রবর্তী বলেছেন—

“বাংলা ভাষার অনুবাদ সাহিত্যের উৎকর্ষতা এখনো দেখা দেয়নি।
সম্প্রতি সিগনেট প্রেসের প্রবর্তনায় রুশ-গল্পসাহিত্যের যে-তর্জমা বেরিয়েছে
তার বিশেষত্ব এই যে বাঙালি কথাশিল্পীর হাতে তার নিছক বাঙালি

একটি সাহিত্যরূপ প্রকাশিত হলো অথচ গল্পগুলি মূল রচনা হতে দূরে-
সরে যাননি রাশিয়ান ভাষা না জেনেও তা বোঝা যায়। বাংলার তুর্জমা
সাহিত্যের যে-নূতনরূপ উদ্ঘাটিত হলো তাকে আমরা সাদরে আহ্বান
ক'রে নেব। আমাদের সাহিত্যের ধারা এতে সমৃদ্ধতর হয়ে এগিয়ে
চলবে এ বিষয়ে কিছুমাত্র সন্দেহ নেই।”

তারশঙ্কর বন্দ্যোপাধ্যায় বলেছেন—

“বিপ্লবোত্তর রাশ্যা সোভিয়েট ইউনিয়ান জগতের কাছে এক রহস্যময় দেশ
হয়ে উঠেছিল। একদিন সমগ্র ধনতান্ত্রিক পৃথিবী তাকে ঘুরায় আতঙ্কে
একঘরে করে রেখেছিল এবং তার আভ্যন্তরীণ অবস্থা সম্বন্ধে বহু ভয়াবহ
তথ্য এবং কাহিনী প্রচার করেছিল। অন্তর্দিকে পৃথিবীর সাম্যবাদী
সম্প্রদায় প্রচার করেছে তার ঠিক বিপরীত কথা। আজ মহাযুদ্ধের মধ্যে
রাশ্যা এক বিশ্বয়কর শক্তিদ্বয়রূপে আত্মপ্রকাশ করেছে বিশ্বজগতের
সম্মুখে। নিন্দা প্রশংসার পটভূমিকায় রাশ্যার এই বিশ্বয়কর মূর্তির স্বরূপ
খুঁজে পেতে হলে তার সাহিত্যের মধ্য থেকে তাকে আবিষ্কার করতে
হবে। তাই সিগনেট প্রেসের প্রবর্তনায় সোভিয়েট ছোট গল্পের যে
অনুবাদ হয়েছে তাকে আমি আন্তরিক অভিনন্দন জানাচ্ছি।”

প্রেমেন্দ্র মিত্র বলেছেন—

“নতুন রাশিয়ার নতুন গল্প। কিন্তু সেই পুরাণো দিকপালদের কলম
দিয়েই লেখা। সেই বলিষ্ঠ বিশালতা গল্পের গাঁথুনীতে, সেই সূক্ষ্ম বৈচিত্র্য
গল্পের বুননীতে। অনুবাদেরও বাহাদুরী। দেশান্তরে মন ঘুরে বেড়ায়,
ভাষান্তর টের পায় না।”

বুদ্ধদেব বসু বলেছেন—

“আজকের দিনে এরকম একটি বইয়ের প্রয়োজন ছিল। আধুনিক বাংলা
সাহিত্যে রুশ সাহিত্যের প্রভাব সূক্ষ্মপট: গোগল থেকে গোর্কি পর্যন্ত

একটি আনন্দের সুবর্ণ স্রোত আমাদের মনের উপর দিয়ে এমন ভাবে প্রবাহিত হয়ে গেছে যে তার স্মৃতি আমাদের সাহিত্যেও তার চিহ্ন রেখে গেছে। রুশ সাহিত্যের সেই গৌরবময় ইতিহাস যে রুদ্ধ হয়ে যায়নি এই বইটি তারই দলিল। অনুবাদ করেছেন অচিন্ত্যকুমার, তাই সে-বিষয়ে কিছু না বললেও চলে।”

মানিক বন্দ্যোপাধ্যায় বলেছেন—

“বাস্তবের তীব্র তীক্ষ্ণ কড়া মোটা বিভ্রংস সুন্দর এলোমেলো সামঞ্জস্য ও সঙ্গতি বজায় রাখা কল্পনার গতিবেগের দ্রুততা মনকে দোলা দেয়, ভাবায়। চিন্তায় প্রবাহ রেখে যায়, অনুভূতিতে স্বাদ।”

সজনীকান্ত দাস বলেছেন—

“বাংলা ভাষায় লিখিত আধুনিক কয়েকটি গল্প ইংরেজি ভাষায় রূপান্তরিত করে চমৎকার ভাবে সমগ্র পৃথিবীর দরবারে প্রচার করে সিগনেট প্রেস যেমন একদিকে পৃথিবীর সাহিত্যে আধুনিক বাংলা সাহিত্যের ন্যায় অধিকার স্থাপন করেছেন, তেমনি অন্যদিকে পৃথিবীর অন্যান্য সাহিত্যের গল্প-উপন্যাসাদি বাংলায় ভাবান্তরিত করে প্রকাশ করে বাংলার সাহিত্য রসিকদের সামনে একটা সার্বজনীন আদর্শও ধরে দিচ্ছেন। এই শেষোক্ত উদ্যম সর্বপ্রথম গ্রন্থাকারে রূপ নিয়েছে ‘আধুনিক সোভিয়েট গল্পে’। গল্প-গুলির নির্বাচন এবং অনুবাদ এমন যত্ন করে করা হয়েছে যে এগুলি বাংলা সাহিত্যের সম্পদ হবার যোগ্যতা অর্জন করবে। বাংলা সাহিত্যের একজন সেবক হিসাবে সিগনেট প্রেসের এই উদ্যোগে বিশেষ আশান্বিত হয়ে উঠেছি। এরকম দেওয়া নেওয়ার ব্যাপক চেষ্টা আর কেউ আগে এমন ভাবে মুদ্রণ এবং বহির্বাসের দিকে নজর রেখে করেন নি। এতে বাংলা সাহিত্যের প্রতি প্রকাশকদের প্রত্যাশাই সূচিত হচ্ছে। প্রকার সঙ্কে যা আরম্ভ হয় তার পরিণতি সাফল্যের মধ্যে। এই সাফল্য সিগনেট প্রেস নিশ্চয় অর্জন করবেন।”

সত্যেন্দ্রনাথ মজুমদার বলেছেন—

“সমসাময়িক সোভিয়েট রাশিয়ার নবীন লেখকদের কতগুলি বাছাই করা ভাল গল্প, খ্যাতনামা সাহিত্যিক অচিন্ত্যকুমার অনুবাদ করিয়াছেন। বিদেশী ভাষা ও ভাবকে এমন সুন্দরভাবে রূপান্তরিত করিবার মূল্যায়না অচিন্ত্যকুমারের আছে বলিয়াই বইখানি এমন সুখপাঠ্য হইয়াছে।”

সুবোধ ঘোষ বলেছেন—

“নব্য রুশের মাহুবের কাজের ও প্রেমের জীবনে যন্ত্র কত অস্তরঙ্গ হয়েছে— লেও ভাইসেনবার্গের “ঘুম ভাঙানো ষড়ি” তারই প্রমাণ। এই নতুন প্রেমের গল্প পড়লেই ফুরিয়ে যায় না। এর প্রেরণা ঠিক সময়মত বেজে ওঠে, প্রতি প্রভাতে, নতুন জ্যোতির ছন্দে।”

“অরণি” বলেছেন—

“পৃথিবীর অন্যান্য দেশে সাহিত্য আজ এক অসম্ভব অবস্থায় গিয়ে পড়েছে। পৃথিবীর সঙ্গে যোগ নেই, জীবন সম্বন্ধে উৎসাহ নেই, নৈরাশ্রের পাহাড় শুধু। এ দুর্গতি রুশ-লেখকদেরও হয়তো হত কিন্তু তারা মুক্তি পেল বিপ্লবের দমকা হাওয়ায়। .. এ যুগের রুশ সাহিত্য.. শিল্প হিসেবে দুর্মূল্য.. পৃথিবীর অন্যান্য শিল্পীদের কাছে আশার নতুন আলো আনতে পারে...বিপ্লবোত্তর রুশ সাহিত্য থেকে বারোটি গল্প বাছাই করে অচিন্ত্যকুমার তর্জমা করেছেন। তর্জমার দক্ষতা নিয়ে কথাই ওঠে না, আর বাছাইও যে কতখানি সার্থক প্রত্যেক পাঠক তা অনুভব করতে পারবেন। রুশ জীবনের নানাদিক এতে প্রতিকলিত—অনেক ভুল ধারণা ভেঙে যায় এসব গল্প পড়তে পড়তে। এ ধরণের তর্জমা আরো কিছু হলে বাংলা সাহিত্যের ঐশ্বর্য্য বৃদ্ধি পাবে।”

“আনন্দবাজার পত্রিকা” বলেছেন—

“সোভিয়েট রুশের নতুন সমাজ সে-দেশের সাহিত্যে কি প্রেরণা দিয়াছে

এবং সাহিত্যই বা কতখানি প্রেরণা জোগাইতেছে, তাহার পরিচয় আলোচ্য গ্রন্থের বারোটি সুনির্বাচিত গল্পের মধ্যে পাওয়া যায়...এই সম্পর্কে শ্রীঅচিন্ত্যকুমার সেনগুপ্তের লেখনীর অনুবাদ কুশলতা সর্বাধিক প্রশংসার যোগ্য। স্বচ্ছ ও প্রাজ্ঞ অনুবাদের গুণে গল্পগুলির বৈদেশিক অপরিচয়ের আড়ষ্টতা কাটিয়া গিয়াছে...আমরা এই সুন্দর বইখানিকে পাঠক সাধারণের কাছে পরিচয় করাইয়া দিতে আনন্দ বোধ করিতেছি।”

“যুগান্তর” বলেছেন—

“তর্জমায় মূল লেখার সুর ও সৌরভ বজায় রাখা দুর্লভ সমস্যা সন্দেহ নাই। অভ্যস্ত আনন্দের কথা তর্জমা যিনি করিয়াছেন তিনি পাকা সাহিত্যিক; অনেক বছর উপন্যাস, গল্প ইত্যাদিতে হাত পাকাইয়াছেন। ভাষা তাই ধারাল—তর্জমা বলিয়া মনেই হয় না। সুদূর রাশিয়ার ছবি একেবারে চোখের সামনে স্পষ্ট হইয়া ওঠে, বিপ্লবের দিনের অত্যাচারের কথা, সংগ্রামের কথা, মেয়েদের প্রথম মুক্তি পাইবার কথা, এই রকম আরো অজস্র কথা, এত স্পষ্ট, এত জলজলে হইয়া ফোটে যে, কল সমাজ সম্বন্ধে পাঠকের মনে স্পষ্ট ধারণা জন্মায়। অচিন্ত্যবাবুর তর্জমা তাই শুধু যে সাহিত্যে দুর্মূল্য হইয়া থাকিবে তা নয়, ইহার সামাজিক অবদানও প্রচুর।”

আধুনিক সোভিয়েট সাহিত্যের পরিচয় পাওয়া ছাড়া—হালের সাহিত্য আরো সন্মুখে অগ্রসর হচ্ছে কিনা, কোথায় কী কোণ নিচ্ছে, বাঁক ঘুরছে, তাও দেখা যাবে এই সঙ্কয়নে। এই বইর সঙ্গে পরিচয় না রাখা মানে অগ্রগমনের দিনে পিছিয়ে থাকা। দাম সাড়ে তিন টাকা।

প্রকাশক—সিগনেট প্রেস

১০২, এলগিন রোড, কলিকাতা। টেলিফোন, পার্ক ১০২৫

যাঁ র লেখা “আ বো ল তা বো,ল”
যাঁ র লেখা “হ য ব র ল”—সেই

সুকুমার রায়ের
হাং কুপী

সুকুমার রায় হুঁকোমুখো হ্যাঙলাদের একদিন তাড়িয়ে দিয়েছিলেন বাংলা দেশ থেকে, এবার ভাগাবেন ভেতো ভুতুড়েগুলোকে। এবার ছেলেরা অনেকদিন পরে অনেকক্ষণ ধরে হাসবে, সেই হাসির দমকে ভূত যাবে কাঁধ থেকে নেমে। আবার তারা সুস্থ ও সহজ হবে, তাদের ছন্দে লাগবে আনন্দের স্পন্দন, কল্পনায় লাগবে পাখির ডানায় ঝাপটা। ভূত-প্রেত বা রহস্য-রোমাঞ্চ নিয়ে যে লেখা সেগুলি যে কত অপদার্থ এবার তারা তা বুঝতে পেরে হেসে উড়িয়ে দিতে পারবে। লেখার সঙ্গে মিলেছে এসে ছবি, সোনার সঙ্গে যেমন সোহাগা। দাম এক টাকা বারো আনা, কিন্তু মনে হবে যেন হাতের মুঠোতে চাঁদ নিয়ে চলেছি।

প্রকাশক—সিগনেট প্রেস

১০১২, এলগিন রোড, কলিকাতা। টেলিফোন, পার্ক ১-৯৫

ঝুরঝুরে বালির মাঝে চিকচিকে জল

অবনীন্দ্রনাথ ঠাকুরের
শিশুদের পুতুল

ছেলেদের জগৎ তৈরি আজকালকার খেলো বাজে
মার্কো রহস্য-রোমাঞ্চের মাঝে অবনীন্দ্রনাথের “শিশুদের
পুতুল” যেন ঝুরঝুরে বালির মাঝে চিকচিকে জল।
আগাছা-জঙ্গলের মাঝে বিশল্যকরনী। অধম ও জঘন্য
লেখা পড়ে পড়ে ছেলেদের কল্পনা গেছে মরে, স্বাদ
গিয়েছে বিগড়ে। মরা-ঝরা দেশে অবনীন্দ্রনাথ সোনার
কাঠি হাতে নিয়ে এসেছেন, মুহূর্তে মৃতশাখায় জাগছে
কিশলয়। ছেলেরা ফের ফিরে পাচ্ছে তাদের ভাষা,
স্বাস্থ্য ও লাভণ্য। অমূল্য বইয়ের ছর্মূল্য ছাপা,
ছর্মূল্য ছবি। এক টাকা বারো আনা দাম, কিন্তু মনে
হবে যেন সাত জাহাজ সোনা কিনে বাড়ি ফিরলাম।

প্রকাশক—সিগনেট প্রেস

১০১২, এলগিন রোড, কলিকাতা। টেলিফোন, পার্ক ১০৩৫

এই বইটি বিক্রী হয়েছে ২৩৮১৫৩০ কপিরও

নতুন ছা বই মলাট আর নতুন রূপে
বাংলার তৃতীয় সংস্করণ প্রকাশিত হলো।

অল কোয়ায়েট অনু দি ওয়েস্টার্ন ফ্রন্ট

চমৎকার অনুবাদ করেছেন—মোহনলাল গঙ্গোপাধ্যায়

আঠারো বছরের জার্মান ছেলে এরিন্গ মারিয়া রেমার্কের। তখনো স্কুলের পড়া শেষ হই
এমন সময় বাধল যুদ্ধ; গত মহাযুদ্ধ। স্কুল ছাড়তে হল, যোগ দিতে হল যুদ্ধে।
চার বছর ধরে একটানা অক্লান্ত যুদ্ধ। ১৯১৮এ শেষ হল সে-যুদ্ধ, রেমার্কের দেখলেন
কেউ আর বেঁচে নেই। এই যুদ্ধের বিবরণ দিয়ে বই লিখলেন তিনি—“অল কোয়ায়েট
শুধু গল্প কিম্বা উপন্যাস নয়, দিনের পর দিন যা ঘটেছে চোখের সামনে শুধু তারই
ছনিগ্রামের কাড়াকাড়ি পরে গেল এই বই নিয়ে, প্রকাশকের দল হাঁপিয়ে উঠল বই ছা
ছাপাতে। পৃথিবীতে কোনো বই নিয়ে এমন কাড়াকাড়ি কোনোদিন পড়ে নি
মহাযুদ্ধে যত লোকের মৃত্যু ঘটেছে তার দ্বিগুণ বই বিক্রী হল কিছুদিনের মধ্যেই। এ
পৃথিবীর নানা দেশে ২৩,৮১,৫৩০ এর চেয়েও বেশি বই বিক্রী হয়েছে। বাংলা
জগতে এই বইটির সুন্দর করণেরে অনুবাদ করেছেন মোহনলাল গঙ্গোপাধ্যায়। বই এ
সুন্দর বিক্রী হয় না; তবুও এই নিয়ে “অল কোয়ায়েট”-এর ওয় সংস্করণ প্রয়োজন

দাম দু টাকা চার আনা

প্রকাশক—সিগনেট প্রেস

১২, এলফিন্স্টোন রোড, কলিকাতা। টেলিফোন, পার্ক ১০৯৫

